

یوحنا نا عیسیٰ نا باروٹ خوش خبری نا تعارف

لکھو کا نا باروٹ

یوحنا عیسیٰ نا دوانزده خاصینگا شاگرداتے آن اسه خاصو شاگردس آسکے، او عیسیٰ نے بهاز دوست آسکے. او دا کتاب ئی ”عیسیٰ نا دوستینگا شاگرد“ یوحنا تینا باروٹ ہم لکھانے (۲۳:۱۳). دا یهودی س آسکے. یوحنا نا باوه نا پن زبدي، او اونا ایلم نا پن یعقوب آسکے، که دا ہم عیسیٰ نا خاصینگا شاگرداتے آن آسکے.

دا کتاب نا لکھنگ نا مقصد

دا کتاب نا لکھنگ نا مقصد ہم ایلو کتاباتے آن بار اے، که عیسیٰ خُدا نا مقرر کروکا او مار اے. ولے دا کتاب ایلو کتاباتے آن مچه جتا اے. ایلو کتاباتے ئی معجزه او مثالانا باروٹ بهاز لکھنگانے، ولے دا کتاب ئی یوحنا دیر، ارغ، روشنائی، شوان، میل دُولو مثال استعمال کرینے تاکه بندغاک پوه مریر او عیسیٰ نا زی آ ایمان تحیر (۳۱:۲۰)، که او ننا گناه او بُرائی نا خاطر آن کسفنگا، او صرف اونا زی آ ایمان تحینگ نا وجه غان نن جنت آ پینگ کینه.

دا کتاب نا اہمینگا بشخاک داد او:

۱:۱ - ۱۸:۱	دُنیا نا بندغاتے کے ہمیشہ نا زندگی نا پیغام
۱۹:۱ - ۵۱:۱	یحییٰ او عیسیٰ نا اولیکو شاگرداک
۱:۲ - ۵۰:۱۲	عیسیٰ نا مخلوق نا مون آنیکینگا کاریمتے کنگ
۱:۱۳ - ۱۶:۱۹	عیسیٰ نا آخری دیک

۱۹: ۱ - ۲۲: ۱۹ عیسیٰ نا کسفننگ

۲۰: ۱ - ۳۱: ۲۰ عیسیٰ نا پدی زنده منگ او مخلوق نا مون آ ظاہر منگ

۲۱: ۱ - ۲۵: ۲۱ عیسیٰ نا گلیل صوبہ ٹی تینا خاصنگا شاگردانا مون آ ظاہر منگ

یوحنا نا عیسیٰ نا باروٹ خوش خبری

دُنیا نا بندغاترے کے ہمیشہ نا زندگی نا پیغام

- ۱ ب دُنیا نا جوڑ منگ آن مُست خُدا نا مُقرر کروکا خُدا تو آسکہ۔ وا خُداغان جتا
- ۲ آلویکہ۔ ○ اونا پیغام، کہ او خُدا نا مُقرر کروکا اے، شروع آن خُدا تو آسکہ۔ ○ اونا ذریعہ
- ۳ اٹ خُدا گل گڑاتے جوڑ کرے، او جہان ٹی وُھنو گڑاس آفک کہ خُدا اونا ذریعہ اٹ
- ۴ جوڑ کنتے۔ ○ وا پیغام ہمیشہ نا زندگی تینگ نا ذریعہ اے، او خُدا نا مُقرر کروکا بندغاتے
- ۵ کے روشنائی آن بار اے۔ ○ وا روشنائی نا پینگ اٹ تارمہ یعنی شیطان نا طاقت کم
- ۶ مس، او وا روشنائی ئے شیطان خلاص کنگ کپک۔ ○
- ۷ خُدا سچئی ئے، کہ او پیغام تروکوس آسکہ، وا دُنیا ٹی راہی کرے۔ ○ او بس او
- ۸ مخلوقے وا روشنائی نا باروٹ پارے، تاکہ گل بندغاک وا پیغامے، کہ انسان کے
- ۹ روشنائی س اے، بنیر او ایمان تحیر۔ ○ او تینٹ وا روشنائی آلویکہ، بلکہ وا روشنائی نا
- ۱۰ باروٹ مخلوقے پاننگ کے بسوس۔ ○ وا راستہگ روشنائی خُدا نا مُقرر کروکا اے کہ
- ۱۱ وا دُنیا ٹی بس او گل بندغاتے ہدایت تینگ ٹی اے۔ ○
- ۱۲ خُدا نا مُقرر کروکا وا دُنیا ٹی بس کہ خُدا اونا ذریعہ اٹ وا دُنیا ئے جوڑ کریس،
- ۱۱ ولے بندغاک اووے درست کتویر۔ ○ او تینا نسل نا نیام ٹی اوقتا علاقہ غابس، ولے
- ۱۲ اونا چند نا بندغاک اووے مِتویر۔ ○ ولے گڑاس بندغ اووے بہ خیرٹ کرہ او اوڑا

۱۳ ایمان تیار۔ ہندا خاطر آن واوفتے ”خُدا نا چُنا“ پاننگ ناحقے تِس۔ وانا معنی آفک کہ اوفک خُدا نا حق آچُناک او۔ بلکہ ایمان تِخنگ نا وجہ غان خُدا نا خوش آسکہ کہ اوفک ”خُدا نا چُنا“ پاننگیر۔

۱۴ وار استیگا پیغام انسان نا شکل ٹی، کہ وار حمتاے آن پُر آسکہ، تنانیا م ٹی بس، رہینگ۔ نن اونا نُورے خنان، واہمو نُور آسکہ کہ خُدا تینا آسینگا مارے تِسوس۔
۱۵ آرا وخت آخُدا نا مقرر کروکا بس، یحییٰ اونا باروٹ مخلوقے پاریسس ”واہمو بندرغ اے آرا نا باروٹ ای ہیست کریسٹ، پاریسٹ ”او کئے آن پد بریک، ولے اونا اہمیت کئے آن بھاز زیاست اے، آنتے کہ کنا ودی منگ آن مُست او موجود آسکہ۔“

۱۶ عیسیٰ نا وا دنیا ٹی پینگ اسہ بھلور حمتس اے، او وار حمت نا وجہ غان خُدا ہر
۱۷ وخت نئے آر حمتاے راہی تینگ ٹی اے۔ خُدا تینا شریعتے موسیٰ نا ذریعہ آٹ نئے
تِس، ولے خُدا تینا ر حمتاے او تینا راستیگا پیغامے عیسیٰ، کہ او اونا مقرر کروکا اے،
۱۸ نا ذریعہ آٹ تِس۔ خُدا نا مار آن بے دس کس خُداے خنتے، آنتے کہ مار خُدا غان جتا آفک، او مار نئے خُدا نا باروٹ علم تِس۔

یحییٰ نا پیغام

(متی ۱: ۱۲-۱۳؛ مرقس ۱: ۱-۸؛ لوقا ۱: ۳-۱۸)

۱۹ یہودی معتبر اک گراس اماماتے، گراس فریسی فرقہ نا بند غاتے، او گراس لاوی قوم نا بند غاتے یروشلم شار آن یحییٰ غا راہی تِس۔ یحییٰ وا وخت آ بیت عیناہ پنی آ خلق ٹی دریاب اُردن نا رہی آ مخلوقے پاک صاف منگ نا بے شولینگ ٹی آسکہ۔
وا بروکا ک یحییٰ غان ہر یغیر ”نی ویر اس؟“
یحییٰ اوفتے صفا صفا جواب تریسہ پارے ”ای خُدا نا مقرر کروکا آف“۔

- ۲۱ اوفک ہریفیر ”گرا نی دیر اُس؟ نی پغمبر الیاس اُس، کہ پدی بسونے؟“
 یحییٰ اوفتے جواب تس پارے ”آخا۔ یقیناً آخا۔“
 اوفک ہریفیر ”نی ہمو پغمبر اُس کہ تورات ٹی اونا باروٹ لکھوک اے؟“
 یحییٰ پارے ”آخا۔“
- ۲۲ ولدا اوفک ہریفیر ”ننہ پا، نی دیرے اُس؟ نی ننہ تینا باروٹ پا، تاکہ نن وا
 جوابے تینا راہی تروکاتے آسر کین۔“
- ۲۳ یحییٰ اوفتے پغمبر یسعیاہ نا کتاب نا داپتاتے پارے
 ”کس دیرانو جاگہ سے آن توار خلیسہ پانک
 ”دھن کہ بادشاہ نا بینگ کے کسر نا کڈ کوڈ او مشک برابر کنگیرہ
 ہندن خدا نا مقرر کروکا نا بینگ او تینے پچا بنگ کے تیار کبو۔“
 ہندا پیشن گوئی کئے آثابت منگ ٹی اے۔“
- ۲۴ دا بروکا بندغاتے آن فریسی فرقہ نا بندغاک ○ یحییٰ غان ہریفیر ”نی خدا نا مقرر
 ۲۵ کروکا آفیس، پغمبر الیاس آفیس، پین پغمبر س آفیس، گرا نی اتنے پاک صاف منگ
 نا بے شولفنگ ٹی اُس؟“
- ۲۶ یحییٰ اوفتے پارے ”ای صرف دیر آٹ پاک صاف منگ نا بے شولفنگ ٹی
 اٹ، ولے کئے آن پد ثانیام ٹی اسہ پین بندغس بریک، کہ ثم اودے درست
 ۲۷ کپیرے۔○ اہی اونا نت تا مشتا برابر ہم آف۔“
- ۲۸ دا گل یمناک ارون دریاب نا رہی آسر۔○

عیسیٰ نا مخلوق نا گناہ تا معاف کنگ کے تینا جانے قربان کنگ

- ۲۹ اِرت میکو دے آ یحییٰ عیسیٰ نے تینا گنڈ آ بنگ آخا او پارے ”دا بندغ آ
 برہو، کہ خدا داوے راہی کرینے، تاکہ داسور آن بار تینے مخلوق کے قربان کے او گل

۳۰ بند غاتا گناہ او بُرائیک معاف کنگیر۔ ای پار یسٹ کہ "کے آن پد اسہ پین بند غس
بریک۔ وانا اہمیت کے آن بھاز بڑے، اتے کہ کنا ووی منگ آن مُست او موجود
۳۱ اُسکہ۔" وا ہمو بندغ اے۔ ای تئویٹہ کہ دادہ مروے، ولے ای وید اٹ پاک
صاف منگ نا بے شولفیٹ، تاکہ یہودی بند غاتے وانا پینگ کے تیار کیو۔
۳۲ سچّی دا گواہی تے تریسہ پارے "ای خُدا نا پاکنگا رُوحے خنٹ، کہ او گوگو نا
۳۳ شکل اٹ آسمان آن بس او اونا زی آسلیس۔ شروع ٹی ای دادے تئویٹ، ولے
خُدا، کہ او کئے وید اٹ پاک صاف منگ نا بے شولفنگ کے راہی کرینے، کئے
پارے "نی خنیسہ کہ کنا پاکنگا رُوح نا طاقت آسمان آن شیف بریک، او بند غے نا
زی آسلیک۔ وا ہمو بندغ مروے کہ بھازنگا بند غاتے کنا پاکنگا رُوح نا طاقت اٹ
۳۴ بے شولفوے۔" او ای ٹھے پاوہ "وا خُدا نا مار اے۔"

عیسیٰ نا اولیکو شاگرداک

(متی ۱۸: ۲-۲۲؛ مرقس ۱۶: ۱-۲۰؛ لوقا ۱: ۵-۱۱)

۳۵ مُسٹ میکو وے آپیشیم نا وخت آسچّی تینا ارا شاگرداتے تو وریاب نا رہی آ
۳۶ سلوک اُسکہ۔ او عیسیٰ تے ہموڑے چرخ کنگ آخنا۔ او اسہ وار ولدا پارے "وا
بندغ آہربو، کہ خُدا دادے راہی کرینے۔ داتینے سور آن بار مخلوق کے قربان کیک،
تاکہ اوفتا گناہ او بُرائیک معاف کنگیر۔"
۳۷ وا ہرتوما شاگرداک دا پیتا تے بنگر او عیسیٰ نا رند اٹ ہنار۔ عیسیٰ تینا مونے
۳۸ ہڑسا او ارا بندغ تینا رند اٹ پینگ آخنا۔ او اوفتے آن ہریفے "ثم اتے کنا رند اٹ
پینگ ٹی اُرے؟ کئے آن آنت خوارے؟"
اوفک پارند "اے ربی، نی آراڑے رہنگیر؟"
"ربی" نا معنی اے "خُوانفوکا۔"

- ۳۹ عیسیٰ اوفتے پارے "بہو او ہربو"۔
 اوفک عیسیٰ تو اوار ہنار او ہرار کہ او آراڑے رہینگ۔ اوفک شام اسکان اوڑتو
 ۴۰ سر۔ دافتے آن آسے نا پن اندریاس اسکہ، کہ اونا ایلم نا پن شمعون اسکہ۔
 ۴۱ اندریاس اسہ وار تو تینا ایلم آ ہنا، اووے پٹا خنا، اووے پارے "ای خدا نا مقرر
 کروکائے خنائٹ"۔
 ۴۲ ولدا او شمعونے تین تو اوار عیسیٰ غا بیس۔
 عیسیٰ اونا گنڈ آ ہرا، اووے پارے "نی یوحنا نا مار شمعون اُس، ولے داکان
 پد نی "کیفا" پانگیسہ۔ یونانی زبان ٹی دانا معنی اے "پطرس"، او پطرس نا
 معنی اے "بٹ"۔

فلیپس او تثن ائیل نا شاگرد جوڑ مننگ

- ۴۳ دا بیتا مننگ نا اِرت میکو دے آ عیسیٰ فیصلہ کئے کرے کہ "ای گلیل صوبہ غا
 کاوہ"۔ او فلیپس تو یلا، اووے پارے "بہ۔ کنا شاگرد جوڑ مہ"۔
 ۴۴ فلیپس بیت صیدا شار ٹی رہینگاکہ۔ اندریاس او پطرس ہم ہندا شار ٹی رہینگارہ۔
 ۴۵ فلیپس ہنا او تثن ائیل تو یلا او اووے پارے "ای ہمہ بندغے خنائٹ آرا نا باروٹ کہ
 موسیٰ تورات ٹی لکھانے، او ایلو پغمبر اک ہم اونا باروٹ لکھانو۔ دا بندغ یوسف
 نا مار عیسیٰ اے، کہ او ناصرۃ شار نا رہینگو کوس اے"۔
 ۴۶ تثن ائیل ہریفے "ناصرۃ؟ ناصرۃ غان ہم وختس جوانو گراس بسونے؟"
 فلیپس پارے "بہ کان، ہرین"۔
 ۴۷ آرا وخت آ تثن ائیل عیسیٰ نا خُک آ بس، عیسیٰ پارے "دا بندغ تینا بہودی
 مزہب نازی آ سختی آٹ عمل کننگ ٹی اے، او اُسٹ ٹی مون اُفک"۔
 ۴۸ تثن ائیل اوڑان ہریفے "خواجه، نی کنے ہمر چائس؟"

عیسیٰ اووے پارے ”آرا وخت آفلپس نے تو یلنگ کے بسکہ، نی انجیر نا
درختے نا کیرغ آن آسہ“۔

تتن ایل عیسیٰ نے پارے ”خواجه، نی خدا نا مار اُس، او نی یہودی تا بادشاہ
اُس“۔

عیسیٰ اووے پارے ”نی صرف بندہ خاطر آن یقین تجاس کہ ای نے انجیر نا
درخت نا کیرغ آن سلنگ ناقصے پاریٹ؟ ولے نی دابیت آن زیاست کاریم
او گراتے خیمہ۔“

او عیسیٰ اوفتے پارے ”ای ٹمے راستگا بیتے پاننگ ٹی اُٹ، واکان پد ٹم کنا
یعنی آدم نا اولیاد نازی آ آسمان آن ملائکاتے ینگ او ینگ آخیرے“۔

عیسیٰ نا قانا شار ٹی اولیکو معجزہ

۱ ب دایماتا ارا دے آن پد، گلیل صوبہ نا قانا پنی آشار ٹی برامس تیار اسکہ
۲ عیسیٰ او اونا شاگردا تے ہم بینگار۔ اوفک ہنار۔ عیسیٰ نا لمہ تینا ایلو چناتے تو ہم
۳ دابرام آہناس۔ آرا وخت آ انگور نا جوس تینگ نا وخت بس، گل بندغاک
جوس گنگر، جوس خلاص مس۔ عیسیٰ نا لمہ عیسیٰ نے پارے ”دافتے ٹی انگور نا جوس
افک۔ داملے خلاص کنگ کے نی گراس کرک۔“

۴ عیسیٰ تینا لمہ نے پارے ”نی کنے پاپہ کہ کنے آنت کروئی اے۔ دایسکان وخت
بتے کہ ای تینے مخلوق نامون آظاہر کیو۔ ولے ای تینٹ فیصلے کیوہ کہ آنت
کروئی اے۔“

۵ عیسیٰ نا لمہ نوکراتے پارے ”آرا بیتے کہ داٹھے پائے، کبوتہ۔“
۶ یہودی تا وضو کنگ کے گراس حکماک آئرہ۔ داحکامات منگ کے شش خل نا
ولاک ہموڑے آئرہ۔ داولاک بھاز بھلن آئرہ، او ہر دلائی تقریباً بیست آن الیس

۷ سی گیلن اسکان ویر بسکہ۔ عیسیٰ نوکراتے پارے "دا ولتے ویر آن پُر کبو۔"
 اوفک دا ولتے با اسکان پُر کمر۔
 ۸ ولدا عیسیٰ اوفتے پارے "گراس ویر دا ولتے آن کشبو او بھلا خرمت کروکائے
 ایبتو۔"

۹ اوفک ہندن کمر۔ دا وخت آ ویک انگور نا جوس جوڑ مسوئر۔ بھلا خرمت
 کروکا چکا تا۔ او تئو کہ دا انگور نا جوسک آراکان بسونو، ولے نوکراک، کہ دا ویرتے
 ۱۰ بیسوئر، چائسر کہ دافک ہمر جوڑ مسونو۔ بھلا خرمت کروکا برای آ ہنا، او دے
 مدائے آپارے "رواج اے کہ دعوت ئی خاصنگا انگور نا جوس اولیکو وار تینگلک،
 اوکان پد عانگا انگور نا جوس تینگلک۔ ولے نی اولیکو وار عانگا انگور نا جوس تنس،
 او واسہ خاصنگا انگور نا جوسے مخلوے تینگ ئی اُس۔"
 ۱۱ عیسیٰ تینا دا اولیکو معجزہ ئے گلیل صوبہ نا قانا پنی آ شار ئی نشان تس، او دا
 ۱۲ معجزہ غان اونا طاقت ظاہر مس، او اونا شاگردا تا یقین اوڑا بتر بس۔ اوکان پد
 عیسیٰ، تینا لہ او جد پد رنگا ایلمتے او شاگردا تے تو اوار کفر نحوم شار آ ہنا، اوفک منہ
 دے اسکان ہموڑے رہینگار۔

عیسیٰ نا بھلا عبادت خانہ غا پینگ

(متی ۱۲: ۲۱-۱۳؛ مرقس ۱۱: ۱۵-۱۷؛ لوقا ۱۹: ۲۵-۲۶)

۱۳ پچائینگ نا عید نا ویک خُک ائره۔ ہندا خاطر آن عیسیٰ یروشلم شار آ عید کنگ
 ۱۴ کے ہنا۔ بھلا عبادت خانہ ئی او مخلوے خنا کہ اوفک خراس، میٹل، کپوت او ایلو
 قربانی تروکا سادار تے سودا کنگ ئی ائره، او پیسہ بدل کروکاک ہم تینا میزاتے
 ۱۵ خلکوئر او گرسی تے آ تُولوک ائره۔ عیسیٰ پیسہ بدل کروکا تا میز گرسی تے چپی
 کرے، اوفتا پیسہ غاک چٹ ہلکر۔ ولدا او چٹاتے آن اسہ چائکس جوڑ کرے، او گل

- ۱۶ سارا راتے بھلا عبادت خانہ غان پیشن کشا۔ او کپوت سودا کروکاتے حکم تِس "دافتے
 واکان دیو، کنا باوہ نا اُر اے پدی س جوڑ کپتو"۔
- ۱۷ دا وخت آ عیسیٰ نا شاگردا اُست آ بس کہ مقدسینکا کتاب ٹی لکھوک اے کہ
 "کے خُدا نا اُر اہندادہ دوست اے کہ دانا خاطر آن مخلوق کنے بھاز تکلیف ایٹک"۔
- ۱۸ یہودی معتبر اک بسر او اوران ہریفر "نی نئے انت معجزہ نشان تینگ کیسہ
 کہ ظاہر مرے کہ دا کاریمتے کہ نی کریس، دافتا حقدار اُس؟"۔
- ۱۹ عیسیٰ اوفتے پارے "دا بھلا عبادت خانہ اے پرغبو، خلاص کبو، او ای مسہ دے
 آن پد داوے پدی جوڑ کیوہ"۔
- ۲۰ اوفک حیرانی اٹ ہریفر "مسہ دے آن پد پدی جوڑ کیسہ؟ دا بھلا عبادت خانہ
 چل او شش سال آن جوڑ منگ ٹی اے"۔
- ۲۱ ولے عیسیٰ دا پیتاتے بھلا عبادت خانہ نا باروٹ پاننگ ٹی آلویک، بلکہ تینا باروٹ
 ۲۲ پاننگ ٹی اسکہ۔ او نا کسینگ او پدی زندہ منگ آن پد اونا شاگردا ک یات کرہ کہ
 دا پیتاتے عیسیٰ مُست کریس۔ ہندا خاطر آن شاگردا مقدسینکا کتاباتے آ او عیسیٰ
 نا پیتاتے آ ایمان بسیمس۔

عیسیٰ کل بندغاتا اُست نا پیتاتے چائک

- ۲۳ بچا فینگ نا عید نا وخت ٹی عیسیٰ یروشلم شار ٹی اسکہ او بھازنگا بندغاک اونا
 ۲۴ معجزہ غاتے خنار، اونا زی آ ایمان تیار۔ ولے عیسیٰ بے اوفتازی آ بروہ آلویک،
 ۲۵ آنتے کہ او اوفتا عادتاتے چائسک۔ او ضروری آلویک کہ کس عیسیٰ اے دافتا عادتاتا
 باروٹ پائے، آنتے کہ او کل بندغاتا اُست نا پیتاتے چائسک۔

نیکدیمس نا عیسی تو نجات نا باروٹ سوال او جواب

۱ **ب** ہموڑے اسے نیکدیمس پنی وُ بند غس اسکہ کہ او یہودی تا مجلس نا بند غس
۲ او فریسی فرقہ غان تعلق تھا کہ۔ ○ او اسے نفس عیسی غا ہنا، اووے پارے ”خواجہ،
۳ نن معتبر نگا بند غاک چاہ کہ نے خدا ننا یہودی تا خوانفنگ کے راہی کرینے۔ نی
معجزہ نشان تَس۔ کَس دھنو معجزہ نشان تینگ کپک ہمو وخت اسکان کہ خدا
اور تو مَتے۔ ○

۴ عیسی اووے پارے ”ای نے راست پاننگ ٹی اُٹ، ہمو بند غس کہ پدی ووی
مَتے، او خدا نا رحمتاے او جتے خمپک۔ ○

۵ نیکدیمس اوران ہریفے ”اسے ووی مروکو بند غس پدی ہمو ووی مریک؟ او یقیناً
ارٹ میکو وار تینا لمہ نا پڈ ٹی ہمپک کہ او پدی ووی مرے۔ ○

۶ عیسی اووے پارے ”کنا پیتاے آیقین تج۔ بند غ اسے وار آتینا لمہ باوہ غان
ووی مریک، ولے دا بند غ آہمو وخت اسکان خدا نا رحمتاک مفسرہ او جتے آہمپک
کہ او ویر اُٹ پاک صاف منگ نا بے شولتے او خدا نا پاکنگا رُوح نا طاقت اورا جتے۔ ○

۷ دافتا منگ آن او رُوحانی طور اُٹ ووی مریک۔ ○ دا پیتاے آحیران مَفہ۔ ای گل کے
پاوہ ”خدا نا گنڈ آٹما پینگ کے رُوحانی طور اُٹ پدی ووی منگ ضروری اے۔ ○

۸ دھن کہ تو تینا خوش اُٹ چلینگک، تُم تو نا توارے بنیرے، ولے تُم تپیرے دا
آراکان پینگ ٹی اے، آرانگ پینگ ٹی اے، ہندن خدا نا پاکنگا رُوح نا طاقت ہم
تینا خوش اُٹ بند غ آبریک، اووے رُوحانی طور اُٹ پدی ووی کنگک کیک۔ ○

۹ نیکدیمس اوران ہریفے ”خواجہ، دا ہمو منگ کیک؟ ○

۱۰ عیسی اووے پارے ”آفسوس۔ نی یہودی تا معتبر اُس او مزہب نا باروٹ

۱۱ خوانفیس، ولے نی دا پیتا تا باروٹ تپیرے؟ ○ ای نے راست پاننگ ٹی اُٹ۔ ای او

کنازی آ ایمان تھو کا ک، آرا بیتا تے کہ چانہ، اوفتا باروٹ ہیست کینہ، او آرا گراتے
 ۱۲ کہ خنائن اوفتا گواہی ایستینہ، ولے تُم ننا گواہی ئے تھتورے۔ او ای ئے دنیا نا بیتا
 باروٹ پاریت، تُم یقین تھتورے۔ گرا تُم ہمر کنا جنت نا باروٹ بیتا تے آ یقین
 ۱۳ تھیرے؟ ولے کنے آن بے دس کس جنت ئی خدا تو ملتے، کہ ای، آدم نا اولیاد،
 جنت آن دغار آ بسوٹ۔

۱۴ دھن کہ موسی ریگستان ئی تینا بندغاتے خدا نا سزاغان پچائینگ کے خدا نا حکم نا
 مطابق دوشہ س جوڑ کرے، لئے آتے، بیز آ کرے، ہندن آدم نا اولیاد نا صلیب آ
 ۱۵ تینگ او کسینگ ضروری اے، تاکہ آرا بندغا ک ہم اوڑا ایمان تھیر، خدا نا سزاغان
 ۱۶ بچیر، او ہمیشہ نا زندگی ئے حاصل کیر۔ خدا دا دنیا نا بندغاتے ہندن دوست تورک
 کہ دافتا پچائینگ کے او تینا مارے قربان کینگ نا فیصلہ ئے کرے۔ گل بندغا ک
 کہیرہ، ولے آرا بندغ خدا نا مار آ ایمان تھک، او ہمیشہ نا زندگی ئے حاصل کیک۔
 ۱۷ خدا تینا مارے دا خاطر آن دنیا ئی راہی کتو کہ مخلوق نا حساب کتا بے کے، بلکہ او
 مخلوقے نجات ترفنگ کے تینا مارے راہی کرینے۔

۱۸ آرا بندغ خدا نا مار آ ایمان تھک، اونا حساب کتاب مَفک، ولے آرا بندغ کہ
 ایمان تھک، اونا مُست آن فیصلہ مسونے، آتے کہ او خدا نا یکتیا نگا مار آ ایمان
 ۱۹ تھتے۔ فیصلہ نا وجہ داو اے، کہ عیسی خدا نا نور تو بس، ولے بھازنگا بندغا ک دانا
 بجائے شیطان نا کاریمتے زیاست دوست توریر، آتے کہ اوفتا اُستاک خرابنگا کاریمتے
 ۲۰ آن پُر او۔ آرا بندغ کہ خرابنگا کاریمتے کیک، او دا نور آن نفرت کیک، آتے
 ۲۱ کہ اونا خولیس اے نواہ دانا منگ آٹ اونا گناہک ظاہر مرور۔ ولے آرا بندغ کہ
 راستگا بیتا تے کہ کاریم کیک، او خدا نا نور نا گنڈ آبریک، او داڑان ظاہر مریک
 کہ اونا عملاک خدا نا خوش نا مطابق مسونو۔

یحییٰ نا عیسیٰ نا باروٹ گواہی تینگ

۲۲ واکان پد عیسیٰ او اونا شاگرداک یروشلم شار آن پیش تمار او منہ دے کے
یہودیہ صوبہ نا ایلو علاقہ غاتے آبنا۔ اوڑے او تینازی آپسکُن ایمان تِخو کاتے پاک
صاف منگ نا بے شولیفے۔

۲۳-۲۴ دا وخت اِسکان تِخلی جیل ٹی اَلوئیک، او عیسیٰ غان ذریس مون آ عینون خلق
ٹی، کہ دا شالیم خلق آن خُک اُسک، مخلوقے ہم پاک صاف منگ نا بے شولیفنگ
ٹی اُسک، اتے کہ اوڑے بھاز ویر اُسک۔ مخلوق بریسہ بنا کہ او تِخلی اوفتے پاک صاف
منگ نا بے شولیفیسہ بنا کہ۔

۲۵ تِخلی نا گراس شاگرداک اسہ یہودی معلّمے تو پاک صاف منگ نا بے شولیفنگ
۲۶ نا باروٹ بحث کرے۔ واک تِخلی غا بنار، اووے پاریر "خواجہ، نے ہمو بندغ
یات مروے، کہ دریاب اُردن نا ایلو کنارہ غانے تو ملاس، او نی اونا باروٹ بیت
کریس۔ واسہ وا بندغ ہم پاک صاف منگ نا بے شولیفنگ ٹی اے، او مخلوق نے
آن زیاست اوڑا پاک صاف منگ نا بے شولیفنگ کے پنگ ٹی اے۔"

۲۷ تِخلی اوفتے پارے "ہر بندغ نا جو اِنگا کاریماک خُدا نا دُو ٹی او، او کس اونا
۲۸ مدت آن بغیر دا کاریمتے کنگ کپک۔" تُم تینڈ کنا گواہ اُرے کہ ای پاریسٹ
"ای خُدا نا مقرر کروکا آف، ولے ای خُدا نا مقرر کروکا آن مُست راہی تینگائٹ۔"
۲۹ دھن کہ براسے ٹی گل آن اہمیت والا بندغ بادشاہ اے، نہ کہ بادشاہ نا سنگتاک۔
دا سنگتاکا خوش اے کہ اوفک تینا سنگت نا برام آکار۔ ہندُن عیسیٰ نا اہمیت ایلو
گل پغمبر اتے آن زیاست اے، نہ کہ کنا۔ او کنا خوش اے کہ ای اووے درُست
۳۰ کرفنگ ٹی اُٹ او اونا مدتے کنگ ٹی اُٹ۔ ہندا خاطر آن مخلوق نا مون آ اونا
اہمیت زیاست مریک، او کنا اہمیت کم مریک۔

۳۱ ”خُدا نا مقرر کروکا، کہ جنت آن بسونے، اونا اہمیت وا دنیا نا انسانا تے آن
بھاز بزز اے۔ او آرا بندغاک کہ صرف دا دُغار آ رہینگیرہ، اوفتا کاریماک دُغار نا
باروٹ او، ولے ہمو بندغ کہ جنت آن بسونے، اونا اہمیت وا دنیا نا انسانا تے آن
۳۲ بھاز بزز اے۔ ○ آرا پیتا تے کہ او آسمان آن خُداغان بنگونے او آرا گڑا تے کہ خنانے،
۳۳ بندغا تے پاک، ولے بھازنگا بندغاک اونا پیغامے منپسہ۔ ○ او آرا بندغاک کہ اونا
۳۴ پیغامے منیرہ، اوفک واژان ثابت کیرہ کہ خُدا نا پیغام راست اے۔ ○ او دا بندغے
کہ خُدا راہی کرینے، او خُدا نا پیغامے بندغا تے آسر کیک، اتقے کہ خُدا اووے تینا
۳۵ پاکنگا رُوح نا طاقے تسونے۔ ○ باوہ خُدا تینا مارے دوست تورک، او ہر گڑا نا کنگ
۳۶ نا طاقے اونا دوئی تسونے۔ ○ او آرا بندغ کہ خُدا نا مار نازی آ ایمان تچک، او ہمیشہ
نا زندگی ئے حاصل کیک، ولے آرا بندغ کہ خُدا نا مار آ ایمان تچک، اونا زندگی بے
فائدہ اے، او خُدا اووے ہمیشہ نا سزا ایٹک۔ ○

عیسیٰ نا ساماری آ نیاڑی تو بیت او گپ

۱ ب فریسی فرقہ نا بندغاک بنگر کہ ”عیسیٰ مکیٰ غان زیاست بندغا تے پاک صاف
۲ منگ نا بے شولفنگ ٹی اے، او تینا شاگرد جوڑ کنگ ٹی اے۔“ ○ اصل ٹی عیسیٰ
تینٹ بندغا تے پاک صاف منگ نا بے شولفتویک، بلکہ اونا خاصنگا شاگرداک دا
۳ کاریکے کمرہ۔ ○ آرا وخت آ عیسیٰ ئے فریسی فرقہ نا بندغاتا سہما تہما کہ ”اوفتا اراوہ
۴ جُوان آف“، او یہودیہ صوبہ ئے یلہ کرے، او لگیل صوبہ نا گنڈ آراہی مس۔ ○ کسر
ٹی اووے ساماریہ صوبہ غان گدرینگونی اسکہ۔ اوفک ساماریہ صوبہ نا سُوخار شار آسر
۵ مسر۔ ○ دا شار پغمبر یعقوب نا دُغار آن خُزک، کہ او تینا مار یوستے تسوس، اسکہ۔ ○
۶ او ہموڑے پغمبر یعقوب نا وخت آن اسہ دون س اسکہ۔ عیسیٰ بھاز دم ورنگاس۔
۸ دا نیم بروج نا وخت اسکہ کہ او بس، دون نا رہی آئوس، او اونا خاصنگا شاگرداک

شار آگنوی و گڑا پلنگ کے ہنار۔

اسہ ساماری و نیازی س دون آن ویر کشنگ کے بس۔ عیسیٰ اوڈے پارے
”کے گنگ کے ویر ایے“۔

۹ نیازی اوڈے پارے ”آنت؟ ویر؟ نی ہمر کے آن ویر خواہیئس، آنتے کہ نی
یہودی سے اُس او ای ساماری سے اُٹ؟“
رواج اسکہ کہ یہودی یک ساماری او ایلو قوم والاتا رزاناتے استعمال کتویہ، او
اوتے تو سنگتی کتویہ۔

۱۰ عیسیٰ اوڈے پارے ”اگہ نے سہا مسکہ کہ خدا تینا ٹیکے راہی کیک، او ای
ویر اُٹ کہ نے آن ویر خواہنگ ٹی اُٹ، گڑا نی کے آن ہمو وہوکا ویرے خواہیئس کہ
دا ویر ہمیشہ کے ملاسی کے خلاص کیک، او ای نے تسہ تہ۔“

۱۱ نیازی عیسیٰ نے پارے ”خواہ، نے تو چڑہ آفک، او دا دون نا ویر شیف او اسہ
۱۲ جاگہ ٹی اے۔ نی کنا ملاسی کے ہمر ہمیشہ کے خلاص کنگ کیسہ؟“ او ایلو ہیست داو
اے کہ ننا بادہ پیرہ یعقوب ننے دا وونے تسونے۔ او، اونا چٹناک او اونا مال دا وون
آن ویر گنگرہ۔ نی واقعی یعقوب آن بزز اُس کہ دعویٰ کیسہ کہ ”ملاسی کے ہمیشہ
کے خلاص کنگ نا ویر ایٹیوہ؟“

۱۳ عیسیٰ اوڈے پارے ”آرا بندرغ دا وون آن ویر گنگ، او پدی ملاس مریک۔“
۱۴ ولے ہمو بندرغے کہ ای گنگ کے ویر ایٹیوہ، او اصل ملاس مفک، آنتے کہ دا ویر
خدا نا پاکنگا روح نا طاقت اے، او دا روح نا طاقت بندرغ نا است ٹی چشمہ غان بار
اے، کہ اوڈے ہمیشہ نا زندگی کے ایٹک۔“

۱۵ نیازی اوڈے پارے ”خواہ، کے دا ویرے گنگ کے ایے، تاکہ ای اصل
ملاس مفر، او دا وون آ ویر کشنگ کے بفر۔“

۱۶ عیسیٰ اوڈے پارے ”ہن، او تینا آرغے توار کر بہ۔“
۱۷ نیازی پارے ”کے آرغ آفک۔“

عیسیٰ اودے پارے "نی پاریس کہ نے آریغ آف۔ وارا ست نا ہیست اے۔
 ۱۸ نی پنچ بند غاتے تو برام کریس، او آرا بندغ تو نی واسہ ریپنگنگ ٹی اُس، او نا آریغ
 آفگ۔ نی کنے راست پاریس۔"

۱۹ نیازی اودے پارے "خواجہ، کنے سہا تما کہ نی پغمبر سے اُس۔ نی کنے پاننگ
 کیسہ کہ آنتے ننا ساماری قوم نا بندغاک و امش آعبوات کے کارہ، ولے ٹم یہودییک
 پارے کہ "یروشلم شار ہمو جاگہ اے کہ صرف ہموڑے خدا نا عباوتے کین؟"

۲۰ عیسیٰ اودے پارے "کنا پیتاے آیقین تج۔ وختس بروئے کہ بندغاک کنا باوہ
 ۲۱ خدا نا نہ صرف و امش نازی آ یا یروشلم شار ٹی بلکہ بھازنگا جاگہ غاتے آعبواتے
 ۲۲ کرور۔ ولے واسہ وخت بسونے، او نجات تروکا ہندازیکین اے، او وخت آن پد
 بھازنگا مخلوق خدا نا پاکنگا روح نا طاقت اٹ اونا خوش نا مطابق آسینگا باوہ خدا نا
 عباوتے کرور۔ خدا نا خوش پورہ مروئے، آرا وخت آ ہمو بندغاک اُست نا حُب اٹ
 اونا عباوتے کرور۔ خدا او پاکنگا روح آسٹ او، او خدا نا پاکنگا روح نا طاقت اٹ
 بندغاک ہر جاگہ غا آسینگا خدا نا عباوتے کنگ کیرہ۔ ٹم ساماریک پیرے کہ ٹمے اصل
 ٹی ونا عباوتے کروئی اے۔ ولے نن یہودییک و اچانہ کہ ونا عباوتے کروئی اے، آنتے
 کہ نجات تروکا یہودی تا نیام آن بریک۔"

۲۵ نیازی اودے پارے "اسی چاوہ کہ خدا نا مقرر کروکا بریک۔ آرا وخت آ او بریک،
 او ننے گل راستنگا پیتاے پانک۔"

۲۶ عیسیٰ اودے پارے "اسی کہ نے تو ہیست کنگ ٹی اٹ، خدا نا مقرر کروکا
 اٹ۔"

۲۷ ہندازتون عیسیٰ نا خاصنگا شاگرداک پدی بسر۔ اوفک عیسیٰ نے اسہ نیازی سے
 تو ہیست کنگ آخنار۔ اوفک حیران مسر، ولے اوفتے آن گسے نا ہمت تہو کہ نیازی
 آن ہریفے کہ "نے انت کاریم اے؟"، یا خواجہ غان ہریفے کہ "نی آنتے نیازی سے
 تو ہیست کنگ ٹی اُس؟"

- ۲۸ ولدانیاڑی ولے تینا ہموڑے اِلا، او پدی شار آہنا، اوڑے بندغالتے پارے ○
- ۲۹ "کن تو پو، او ہمو بندغے ہربو، کہ آرا بھازنگا کاریمتے ای کریسٹ، اوقتا باروٹ کئے پارے۔ دا خدا نا مقرر کروکا منگ کیک؟" ○
- ۳۰ اوفک شار آن عیسیٰ نا گنڈ آراہی مسر۔ ○
- ۳۱ او دا وخت آ عیسیٰ نا خاصنگا شاگرداک عیسیٰ نے اِرخ گنگ کے منت کیرہ، پاریرہ "خواجه، بہ، اِرخ گن" ○
- ۳۲ ولے عیسیٰ اوفتے پارے "ای ہمو اِرخ گنیدہ کہ تم اونا باروٹ بچ پیرے۔" ○
- ۳۳ ہندا خاطر آن شاگرداک تین پہ تین ٹی دیت کریسہ پاریرہ "شاہد گس داوے گنگ کے اِرخ تسونے" ○
- ۳۴ عیسیٰ اوفتے پوہ مس پارے "آرا وخت آ ای تینا باوہ خدا نا خوشے پورہ کنگ کے کاریم کنگ ٹی اٹ، کئے او طاقت ایٹک، دھن کہ اِرخ گنگ آن پد ننے طاقت بریک۔ او آرا کاریمے کہ او کئے کنگ کے تسونے، ای پورہ کنگ ٹی اٹ تہ۔ ○ تم پارے کہ "بجاتا دسنگ نا چار تو آن پد فصل روتنگ کے تیار اے"۔ ولے ۳۵ ای ٹھے پاوہ، دا ساماری قوم نا بروکا بندغالتے آہربو۔ واک کنازی آ ایمان تخنگ کے تیار او، دھن کہ اسہ دے س فصل روتنگ کے تیار مریک۔ ○ دھن کہ روتوکاک فصلے روتیرہ، ہندن تم بندغالتے کنا کسر آتیرے، او ہمیشہ نا زندگی اوفتے یلک۔ فصل دسوکاک او فصل بیفوکاک اوار خوش مریرہ، او دھن کہ روتوکاتے روتنگ آن پد مزدوری یلک، ہندن بندغالتے کنا کسر آتنگ آن پد خدا ٹھے روتوکاتے آن ۳۷ بار مزدوری ایٹک۔ ○ دا ہم صبح نا پاننگ اے کہ "اسہ بندغس دسک، ایلو بندغ روتک"۔ ○ مسٹ نا بندغاک مخلوقے خدا نا کسر آتنگ کے بھاز کاریم کرینو، ولے ۳۸ ثما ذریعہ اٹ دا مخلوق خدا نا کسر آبریک۔ ○
- ۳۹ بھازنگا ساماری آ بندغاک نیازی نا دا پاننگ اٹ، کہ "آرا بھازنگا کاریمتے کہ ۴۰ ای کریسٹ، دا کئے پارے"، عیسیٰ نازی آ ایمان تیار۔ ○ اوفک عیسیٰ نے منت

کریسہ پاریر ”ہ، نن تو رہینگ۔“

عیسیٰ اوفتے تو ایرا دے رہینگ۔ ایلو بھازنگا بندغاک اونا پیغامے بنگر او اونا

زی آ ایمان تیار۔ اوفک نیازی ئے پاریر ”نن صرف دا خاطر آن ایمان تختوین

کہ نی غنے پاریس، بلکہ نن تینٹ دا پیغامے اوڑان بنگن، او نن پوہ مسن۔ دا بندغ

ضرور دنیا نا گل بندغاتا نجات تروکا اے۔“

عیسیٰ نا افسر نا مارے جوڑ کنگ

سوچار شار ٹی ایرا دے گد ریفتنگ آن پد، عیسیٰ گلیل صوبہ غا ہنا۔ اونا چند نا

پاننگ اسکہ کہ ”پنمبرے اونا ملک نا بھازنگا بندغاک عزت تفسہ۔“ ارا وخت آ او

گلیل صوبہ غا سر مس، بندغاک اودے خوشی آٹ بہ خیرٹ کرید، اتنے کہ گراس گیلی

بندغاک بچانفنگ نا عیدے کنگ کے یروشلم شار آ ہناسر، او عیسیٰ ارا کاریمتے

ہموڑے کریس، واک خناسر تا۔

ولدا عیسیٰ گلیل صوبہ نا شار قاناغا ہنا، ارارے کہ او مست دیرے انگور نا جوس

ٹی بدل کنگ نا معجزہ ئے نشان تسوس۔ بادشاہ کے کاریم کروکو افسرس کفرخوم

شار ٹی اسکہ۔ اونا مار بیمار اسکہ۔ ارا وخت آ او بنگ کہ ”عیسیٰ یہودیہ صوبہ غا گلیل

صوبہ غا بسونے،“ او عیسیٰ غا ہنا او اودے منت کریسہ پارے ”خواجہ، کن تو کفرخوم

شار آ بہ، او کنا مارے، کہ او کہنگ آن خڑک اے، جوڑ کرک۔“

عیسیٰ اودے او اوڑے موجود بندغاتے پارے ”ثم ہمو وخت اسکان کنے آ ایمان

تخیرے، کہ ای ئے معجزہ نشان تینٹ؟“

بادشاہ نا افسر پارے ”خواجہ، ژو بہ، نواہ کنا مار کہوئے۔“

عیسیٰ اودے پارے ”ہن، نا مار کسپک۔“

دا بندغ عیسیٰ نا پیتاتے آ یقین تچا، او پدی تینا ارا نا گنڈ آ راہی مس۔ کسر

ٹی او تینا نوکراتے، کہ اونا گنڈ آ بسره، خنا۔ اوفتے تو دا خبر اسکے کہ "نا مار گستے، جوڑ مسونے"۔

- ۵۲ افسر اوفتے آن ہریفے "دا آرا وخت اسکے کہ کنا مار جوڑ مس؟"
 اوفک جواب تسر "درو نیم روچ اسکے کہ اونا ایل کشکا"۔
 ۵۳ ولدا باوہئے یات بس کہ دا ہمو وخت اسکے کہ عیسیٰ اووے پار یس کہ "نا مار کسپک"۔ ہندا خاطر آن او او اونا گل خاوت عیسیٰ نازی آ ایمان تیار۔
 ۵۴ دا عیسیٰ نا یہودیہ صوبہ غان گلیل صوبہ غا بینگ آن پد ارٹ میکو معجزہ اسکے۔

عیسیٰ نا تلاب نا رہی آ بندغے جوڑ کنگ

- ۱ ب گراس وختے آن پد عیسیٰ عید کنگ کے یروشلم شار آہنا۔ ۵ یروشلم شار نا اسہ
 ۲ دروازہ س اسکے کہ "میل نا دروازہ" پانگا کہ۔ دانا رہی آ اسہ تلابس اسکے، او یہودی تا
 ۳ زبان ٹی دا تلاب "بیت زاتا" پانگا کہ۔ اونا پنچ برانڈہ آسره۔ ۵ بھارنگا بیمارنگا بندغاک،
 کہ دافتے ٹی کور، لنگ او معزور آسره، دا برانڈہ تے ٹی تولوک آسره۔ [اوفک انتظار
 ۴ کیرہ کہ ویر سُرے، او تینے ویر ٹی بیئر، ۵ اتے کے وخت نازی آ ملائکس تلاب نا
 ویرے سُر فیک، او آرا بیمارنگا بندغ اولیکو وار تینے ویر ٹی بیئیک، او جوڑ مسک۔]
 ۵ ۶ ہموڑے اسہ بندغس اسکے کہ سی او ہشت سال آن معزور اسکے۔ ۵ عیسیٰ اووے
 ہموڑے خاچوک خنا، او چائس کہ "دا بندغ بھلو وختے آن بیمار اے"۔ عیسیٰ اوڑان
 ہریفے "نا خوش اے کہ نی جوڑ مر یس؟"
 ۷ بیمارنگا بندغ پارے "خواجہ، کنا کس مدت کرو کوس آف، کہ آرا وخت آ ویر
 سُرے، او کنے ویر ٹی بیئے۔ ولے آرا وخت آ ای کوشتے کیوہ کہ تینے ویر ٹی بیئو،
 پین کس تینے کنے آن مست ویر ٹی بیئک۔"
 ۸ عیسیٰ اووے پارے "بش مر، تینا لیپاتے گورہ، ہرف، او چرخ کر"۔

۹ عیسیٰ نا ہندا پاننگ تو بندغ جوڑ مس، تینا لیپاتے گورہ، ہرفے، اوراہی مس۔
 ۱۰ وا معجزہ خُدا نا عبادت او آرام نا دے یعنی ہفتہ غا مس۔ ○ ہندا خاطر آن
 یہودی تا معتبرنگا بندغاک جوڑ مروکا بندغے پاریر ”وا عبادت او آرام نا دے اے،
 او ننا شریعت نا مطابق نی تینا لیپاتے بیفپہ“۔ ○

۱۱ جوڑ مروکا بندغ پارے ”ہمو بندغ کہ کنے جوڑ کرینے پارے“ تینا لیپاتے گورہ،
 ہرف، چرخ کرک۔ ○

۱۲ معتبرنگا بندغاک ہریفیر ”آرا بندغ نے دا بیتاتے پارینے؟“ ○
 ۱۳ ولے جوڑ مروکا بندغ عیسیٰ نے تیکہ، اتے کہ اوڑے بھاز رش آسکہ او عیسیٰ
 دا رش آن پیش تماس۔ ○

۱۴ واکان پد عیسیٰ اووے بھلا عبادت خانہ ٹی خنا، اووے پارے ”داسہ نی جوڑ
 مسوئس۔ شکر کر، او مون آپین گناہ کہہ، نواہ نے کے خُدا نا سزا واڑان زیاست
 مرے۔“ ○

۱۵ ولدا وا بندغ یہودی تا معتبرنگا بندغاتے آہنا او اوفتے پارے کہ ”عیسیٰ ہمو
 بندغ اے کہ کنے جوڑ کرینے“۔ ○

۱۶ ہندا خاطر آن اوفک عیسیٰ غا الزام تخار، اووے بے عزت کریر، اتے کہ او
 ۱۷ عبادت او آرام نا دے آ بندغے جوڑ کرئیس۔ ○ عیسیٰ اوفتے پارے ”وہن کہ کنا
 باوہ خُدا عبادت او آرام نا دے آ ہم جوانو کاریم کیک، ہندن ای ہم کیوہ“۔ ○

۱۸ دا بیتاتے پنگ تو یہودی تا معتبراتے بتر غصہ بس، اوفک کوشتے کریر کہ
 عیسیٰ نے کسغیر، اتے کہ عیسیٰ نہ صرف شریعت نا مطابق عبادت او آرام نا دے نے
 مَنتے، بلکہ او دا ہم پارینے کہ ”خُدا کنا باوہ اے“، او خُدا نے تین تو برابر کرینے۔ ○

حساب کتاب نا طاقت عیسیٰ تون اے

- ۱۹ عیسیٰ اوفتے وا الزاماتا جوابے تریسہ پارے "ای ٹھے راست پاوہ، کہ ای، خُدا
نا مار، تینا طاقت اٹ سچ کپہ۔ دھن کہ مار تینا باوہ ئے کاریم کنگ آخیک او
ہندن کیک، ہندن ای ہم تینا باوہ خُدا ئے آرا کاریمتے کنگ آخیو، ای ہم کیوہ۔
۲۰ کنا باوہ خُدا کئے دوست تورک، او آرا کاریمتے کنگ ٹی اے، کئے نشان ایتک۔
خُدا انساناتا بیماری تے جوڑ کنگ آن ہم زیاست کئے طاقت تسونے کہ ٹم حیران
۲۱ مریرے۔ دھن کہ باوہ کہو کاتے پدی زندہ کیک، ہندن مار ہم، آراوے کہ پدی
زندہ کنگ خُوائک، او کیک تہ۔
۲۲ "ایلو اہمینگا ہیست داو اے، کہ باوہ خُدا بندغاتا حساب کتابے کپک۔ بلکہ او کئے
۲۳ حق تسونے کہ بندغاتا حساب کتابے آلیو، تاکہ گل بندغاک کئے عزت ایتیر، دھن
کہ کنا باوہ خُدا ئے عزت ایتیرہ۔ آرا بندغ کئے عزت تفک، او خُدا ئے عزت تفک
کہ او کئے راہی کرینے۔
۲۴ "او ای ٹھے راست پاننگ ٹی اٹ، آرا بندغ کنا پیغامے پنک، او خُدا نا راہی
تروکا پیغام آیقین تنجک، کہ دا پیغامے خُدا کنا ذریعہ اٹ تینگ ٹی اے، دا پیغامے
۲۵ منگ نا وجہغان او خُدا نا سزغان پنچک، او ہمیشہ نا زندگی ئے حاصل کیک۔
ہم راست اے کہ واسہ وخت بسونے کہ گناہ گاراک، کہ اوفک کہو کاتے آن بار او،
اوفک خُدا نا مار یعنی کنا پیغامے پنیرہ، او آرا بندغ کنا دا پیغامے منک، خُدا اووے
ہمیشہ نا زندگی ایتک۔ باوہ خُدا زندگی تروکا اے۔ او باوہ خُدا کئے طاقت تسونے،
۲۶ کہ ای بندغاتے ہمیشہ نا زندگی ایتو۔ او خُدا تینا مارے دا حساب کتابے کنگ نا
۲۷ حقے تسونے، آنتے کہ او خُدا نا مقرر کروکا اے۔
۲۸ "واہتاتے آحیران مقبو، آنتے کہ قیامت بروئے کہ کہو کاک خُدا نا مار نا توارے

۲۹ ۰ ۰ اوفک پدی زندہ مریدہ، قبر اتے آن پیش تمیرہ۔ آرا بندغاک نیکنگا کاریمتے
کریرس، ہمیشہ نا زندگی ئے حاصل کیرہ، او ہمو بندغاک کہ گناہ نا کاریمتے کریرس،
اوفک خدا نا ہزاغان بچسہ۔ ۰

عیسیٰ نا باروٹ گواہیک

۳۰ عیسیٰ ہیست کریرس پارے ”ای تینا طاقت اٹ بچ کنگ کیرہ۔ ای خدا نا خوش
نا مطابق بندغاتے آن حساب کتابے ہلیوہ۔ ہندا خاطر آن کنا فیصلہ غاک صبح او، اتے
کہ ای تینا خوش نا مطابق کاریم کنگ نا کوشستے کیرہ، بلکہ خدا کہ کئے راہی کرینے،
اونا خوشے پورہ کنگ ٹی اٹ۔ ۰

۳۱ ”اگہ ای تینا باروٹ تینٹ گواہی ایتییو، بندغاک دا گواہی ئے منپسہ۔ ۰ ثم
تینٹ بندغاتے سچئی غا راہی کریرے، او آرا ہمتاے کنا باروٹ کرے، راست او۔ ۰
۳۲ بھلا ہیست دا آف کہ بندغ کنا باروٹ گواہی تینگ ٹی اے۔ ای ہندن پاننگ ٹی اٹ
۳۵ تاکہ ثم نجات حاصل کیرے۔ ۰ سچئی چراغ آن بار اسکہ کہ او ئے آ کنا باروٹ پیغام
نا روشنائی ئے رسیفیکہ، او ثم گراس وختسے کے دا روشنائی آن فایہ ہیفینورے۔ ۰
۳۶ ”اسہ پین گواہی س اے کہ سچئی نا گواہی آن بھاز زیاست اے۔ ای تینا
گواہی کے معجزہ نشان تینگ ٹی اٹ، او دا معجزہ غاتے کنگ نا طاقتے باوہ خدا کہ
تسونے، او داڑان ثابت مریک کہ باوہ خدا کہے راہی کرینے۔ ۰

۳۷ ”اسٹس پین یعنی خدا کنا باروٹ گواہی تینگ ٹی اے، او ای دا ہم چاوہ،
آرا ہمتاے او کنا باروٹ پارینے، راست او۔ ثم نہ اووے خنانورے، نہ اونا توارے
ہنگونورے، نہ اونا پیغامے تینا استاے ٹی تخانورے۔ ہندا خاطر آن ثم کہے آ
یقین تجخیرے، کہ او کہے راہی کرینے۔ ۰ بلکہ خدا ہندن کن کے گواہی تسونے
۳۹ کہ گل مقدسنگا کتاباک کنا باروٹ گواہی ایتیرہ۔ ثم دا خاطر آن مقدسنگا کتاباے

- خوانیرے آنتے کہ تُم سوچ کیرے ”دافتا خواننگ آن نن ہمیشہ نا زندگی ئے
 ۳۰ حاصل کینہ“۔ وے تُم کوشستے کپیرے کہ کنا پیغامے منیرے او ہندن ہمیشہ
 نا زندگی ئے حاصل کیرے۔
- ۳۱ ”ای دا چاوه کہ تُم آرا وول نا بندغ اُرے۔ ای دا ہم چاوه کہ تُم تینا اُستاتے
 ۳۲ ئی خدا کے محبت تجیرے۔ تُم کنے خوشی آٹ بہ خیرٹ کنتورے۔ وے اگہ بین
 کس تینا طاقت آٹ بسکہ، تو تُم اووے بہ خیرٹ کیرے۔ ای تینا باوه خدا نا طاقت
 ۳۳ آٹ بسوٹ۔ ہندا خاطر آن کنے بندغاتا صفت نا ضرورت آف۔ ئا خوش اے کہ
 اسہ پہ ایلو نا تینا صفتے کیرے، وے تُم دا کوشستے کپیرے کہ ”جوانو کاریم کین“،
 ۳۵ تاکہ آسینگا خدا ئا صفتے کے۔ ہندا خاطر آن تُم ہمر کنازی آ ایمان تجیرے؟ تُم دا
 خیال کپیو کہ ای خدا نا مون آ تُمے آ الزام تجوٹ۔ بلکہ موسیٰ، کہ تُم اووے منیرے
 ۳۶ وے اونا حکمتے منیرے، تیٹ ئمازی آ الزام تجوٹے۔ اگہ تُم صفاینگا اُست
 آٹ موسیٰ نازی آ ایمان تجوسورے، تو تُم واسہ کنازی آ ہم ایمان تجارے، آنتے
 ۳۷ کہ او کنا باروٹ لکھانے۔ وے تُم اونا لکھوکنگا پیتاتے آ یقین تجویرے، گرا تُم
 ہمر کنا پاروکنگا پیتاتے آ یقین تجیرے؟“

عیسیٰ نا مخلوقے ارغ کُفینگ نا معجزہ ئے نشان تینگ

(متی ۱۲: ۱۳-۲۱؛ مرقس ۳۰: ۶-۲۲؛ لوقا ۱۰: ۹-۱۷)

- ۱ ب دا پیتاتے کنگ آن پد عیسیٰ گلیل جھیل، کہ دا تبریاس ہم پاننگا کہ، نا ایلو گنڈ
 ۲ آہنا۔ اسہ بھلو مخلوقس اونا رند ئی بس، آنتے کہ اوفک اونا بیمار اتے جوڑ کنگ
 ۳ نا معجزہ غاتے خنائر۔ عیسیٰ تینا خاصنگا شاگرد اتے تو مش نازی آہنا، ٹوس، کہ
 ۴ اوڑے بھاز بے اسکہ۔ پچا فینگ نا عید نا دیک خُک اُترہ۔ عیسیٰ دانگ اینگ
 ۵ ہرا او خنا کہ اسہ بھلو مخلوقس اونا گنڈ آ پینگ ئی اے۔ ہندا خاطر آن او فلیس نا

آزمائش کنگ کے اور ان ہریے ”واہہ بندغاتے آراکان ایرغ گیفون؟“
 ۶ ولے عیسیٰ نے مُست آن سماءِ سکہ کہ دافے ایرغ گیفنگ کے انت کروئی اے۔
 ۷ فلیس جواب تِس ”خواجه، دا ممکن آف۔ اگہ نن ہر بندغے مچہ ایرغ ہم ایتین،
 ۸ تو ارا صد چاندی نا روپئی آن زیاست ضرورت مریک۔“
 ۹ عیسیٰ نا ایلو خاصنگا شاگرد، پطرس نا ایلم، کہ پن تہ اندریاس اسکہ، پارے
 ۱۰ ”واڑے اسہ مارکوس اے، کہ اوڑ تو پنچ زرت نا ایرغ او ارا چٹکو مچی آریہ۔ ولے
 ۱۱ دافک یقیناً چٹ او۔“
 ۱۲ عیسیٰ تینا خاصنگا شاگردا تے پارے ”دافے تُولفبو۔“

۱۳ ہندا خاطر آن گل بندغاک توتر، او صرف زینہ غاتا تعداد تقریباً پنچ ہزار اسکہ۔
 ۱۴ عیسیٰ ایرغاتے بیفے، خدا نا شکرے آوا کرے او بندغاتے ئی بشخ کرے۔ او ہندن مچی تے
 ۱۵ تو ہم کرے او بشخ کرے، او بندغاتا اُست آخس کہ بسک، گنگر۔ آرا وخت آوفاک گل
 ۱۶ سیر کیر، عیسیٰ تینا شاگردا تے پارے ”بچوکا ایرغاتا ٹکرتے مچ کبو، ٹکرس ہم ایپو۔“
 ۱۷ شاگرداک مخلوق نا پنچ زرت نا ایرغاتے کنگ آن پد بچوکا ایرغاتے آن دوانزہ
 ۱۸ کٹور پد کیر۔

۱۹ عیسیٰ نا دا معجزہ نے خنگ آن پد مخلوق پارے ”دا ضرور ہمو پغمبر اے کہ
 ۲۰ نن اونا انتظارے کنگ ئی آن۔“
 ۲۱ عیسیٰ پوہ مس کہ دافک واسہ برہہ او تینا خوش آٹ اووے تینا بادشاہ جوڑ کیرہ۔
 ۲۲ ہندا خاطر آن او تینا مش آعبادت کنگ کے ہنا۔

عیسیٰ نا دیر نا زی آ چرخ کنگ

(متی ۱۲: ۲۲-۲۳؛ مرقس ۶: ۲۵-۵۲)

۲۳ آرا تم شام نا وخت مس، عیسیٰ نا خاصنگا شاگرداک جھیل نا کنارہ غا ہنار۔

- ۱۷ نن مس، ولے عیسیٰ اوفتے آبتو۔ اوفک کشتی ٹی سوار مسر او پدی جھیل نا
 ۱۸ ایلو کینارہ غا کفرنحوم شار نا گنڈ آ راہی مسر۔ ○ راہی منگ آن پد اسہ تیزو توُس
 ۱۹ چلینگ شرو ع مس، او کشتی جول خلنگ آ لگا۔ ○ اوفک مشکل آٹ مسہ چار
 میل کشتی ئے چلیفسر کہ اوفک عیسیٰ ئے ویر نازی آ چرخ کریسہ کشتی نا گنڈ آ
 ۲۰ ینگ آ خنار۔ اوفک اووے درست کتویر۔ اوفک خولیسر۔ ○ عیسیٰ اوفتے پارے
 ”خولیتو۔ وا ای اٹ۔“ ○
 ۲۱ ولدا اوفک اُست نا حُب اٹ عیسیٰ ئے کشتی ٹی سوار کریہ، او کشتی اسہ وار
 تو جھیل نا ایلو کینارہ غا سر مس۔ ○

مخلوق نا عیسیٰ ئے پٹنگ

- ۲۲ اِرت میکو دے آ مخلوق، کہ جھیل نا کینارہ غا سلوک اسکہ، اوفک چائسر کہ
 ”واڑے صرف اسہ کشتی س اسکہ، او داسہ آف۔“ اوفک وا ہم چائسر کہ ”عیسیٰ تینا
 شاگردا تے تو وا کشتی ٹی ہنتے۔ بلکہ اونا شاگرداک تینا ہناتو۔“ ○
 ۲۳ ولدا گراس بند غاک کشتی تے ٹی تبریاس شار آن عیسیٰ تو یلنگ کے ہمو کینارہ غا
 بسر، آراڑے کہ عیسیٰ خدا نا شرے آوا کریس او مخلوقے اِرخ گننگ نا معجزہ نشان
 ۲۴ تسوس۔ ○ آرا وخت آ مخلوق خنا کہ ”عیسیٰ او اونا شاگرداک واڑے آفس“، اوفک
 وا بروکا کشتی تے ٹی سوار مسر، او عیسیٰ تو یلنگ کے کفرنحوم شار آ ہنار۔ ○

عیسیٰ نا مخلوقے پوہ کنگ کہ ”ای زندگی تروکا اِرخ اٹ“

- ۲۵ آرا وخت آ مخلوق عیسیٰ ئے جھیل نا ایلو کینارہ غا کفرنحوم شار ٹی خنا، اوفک
 عیسیٰ غان ہر یفیر ”خواجہ، نی آرا وخت آ واڑے بس؟“ ○

- ۲۶ عیسیٰ اوفتے پارے "ای ٹھے راست پاوہ، ٹم کئے دا خاطر آن پٹنگ ٹی آفیرے
کہ کنا معجزہ غاتے پورہ مریرے۔ بلکہ کئے دا خاطر آن پٹنگ ٹی اُرے کہ ای ٹھے اِرخ
۲۷ گنیفٹ۔ ○ صرف گنوئی آ گراتا پٹنگ کے کاریم کپہو کہ دافک فانی او۔ بلکہ ہمو
گراتے کے کاریم کپو کہ ہمیشہ نا زندگی اتیرہ، او دا گراتے ای، آدم نا اولیاد، ٹھے
ایتیوہ، آنتے کہ باوہ خدا کئے دا کاریمتے کنگ نا طاقے تسونے۔ ○
- ۲۸ مخلوق اوڑان ہرینے "نن خدا نا خوشے پورہ کنگ کے آرا کاریمتے کین؟" ○
- ۲۹ عیسیٰ اوفتے پارے "خدا نا خوش اے کہ ٹم کنازی آ ایمان تخیرے، کہ خدا
کئے راہی کرینے۔ ○
- ۳۰ اوفک ہریرے "نی نئے ہندنو معجزہ س نشان ایتے کہ نن نازی آ ایمان تخیں۔ ○
- ۳۱ دھن کہ مقدسنگا کتاب ٹی لکھوک اے کہ موسیٰ نا وخت ٹی "اوننا باوہ پیرہ غاتے
جنت آن اِرخ تس، کہ دافک "منا" پانڈگارہ"، ہندن نی نن کے آنت کنگ
کیسہ؟" ○
- ۳۲ ولے عیسیٰ اوفتے پارے "ای ٹھے راست پاوہ، ٹما باوہ پیرہ غاتے موسیٰ جنت
آن اِرخ تیو۔ بلکہ دا کنا باوہ خدا اسکے۔ او خدا واسے ٹھے خاصنگا اِرخ ایتک، کہ جنت
۳۳ آن بسونے۔ ○ آرا بندغ ہم دا اِرخ گنیک، ہمیشہ نا زندگی ئے حاصل کیک۔ ○
- ۳۴ اوفک پاریر "خواجه، نی دا وول نا اِرخ گنگ کے ہر دے نئے ایتے۔ ○
- ۳۵ عیسیٰ اوفتے پارے "ہمیشہ نا زندگی تروکا اِرخ ای اٹ۔ دھن کہ اِرخ او ویر
گنگ اٹ بندغاتا زندہ منگ نا ضرورتاک پورہ مریرہ، ہندن آرا بندغ کنازی آ
۳۶ ایمان تچک، ای اونا رُوحانی ضرورتاتے پورہ کیوہ۔ ○ او ای ٹھے اسے کا ولدا پاوہ کہ
ٹم کنا کاریم او معجزہ غاتے مست ہم خانورے، ولے کنازی آ ایمان تختورے۔ ○
- ۳۷ او آرا بندغ کنا باوہ خدا نا خوش اٹ کئے آبریک، او کنا شاگرد جوڑ مریک، او ای ہم
۳۸ اونا شاگرد منگ آن انکار کپہ۔ ○ ای دا خاطر آن جنت آن دُغار آبتٹ کہ تینا خوشے
۳۹ پورہ کیوہ۔ بلکہ دا خاطر آن بسوٹ کہ خدا نا خوشے پورہ کیو کہ کئے راہی کرینے۔ ○ او

- کنا راہی تروکا نا دا خوش اے کہ آرا بندرغ ہم کنا شاگرد جوڑ مریک، وافتنے آن اسٹس
 ۴۰ ہم دوزغ آہمپ۔ او کنا باوہ خدا نا دا ہم خوش اے آرا بندرغ کہ دا منک کہ ای
 خدا نا مار اٹ او کنا زی آ ایمان تھک، قیامت نا دے آ ای او دے ایلوفتنے تو پدی
 زندہ کیوہ، او کنا باوہ خدا او دے ہمیشہ نا زندگی ایتک۔
- ۴۱ مخلوق اونا خلاف مڑ مڑے شروع کرے، اتنے کہ عیسیٰ پارے کہ ”ای ہمو ایرغ
 ۴۲ اٹ کہ جنت آن شیف وڑینگاٹ۔“ ہندا خاطر آن مخلوق پارے ”دا بندرغ یوسف
 نا مار، عیسیٰ، آف؟ نن وانا کمہ او باوہ نے جوان چانہ۔ واسہ دا ہمر پانک کہ ”ای
 جنت آن شیف بسوٹ؟“
- ۴۳ عیسیٰ اوفتنے پارے ”تینا مڑ مڑے بند کبو۔“ کنا باوہ خدا کنے راہی کرینے۔ خدا
 ۴۴ بندرغ نا رہنمائی نے یک، او دے کنا شاگرد جوڑ یک۔ اونا ذریعہ غان بغیر کس کنا
 کسر آہنگ کپک۔ او ای دا بندرغ ایلوفتنے تو قیامت نا دے آپدی زندہ کیوہ۔
- ۴۵ پغمبر اک لکھانو کہ ”ہر بندرغ آ خدا تینا پیغامے رسیفک،“ او آرا بندرغ ہم دا پیغامے
 ۴۶ پنک او پوہ مریک، کنا کسر آبریک۔ وانا دا معنی آف کہ بندرغ خدا نے خانو۔
 ۴۷ بلکہ صرف ای، کہ خدا تو اوار اسٹہ، خدا نے خنائٹ۔ ای ٹھے راست پاننگ ٹی
 ۴۸ اٹ، آرا بندرغ کنا زی آ ایمان تھک، او ہمیشہ نا زندگی نے حاصل یک۔
- ۴۹ باوہ پیرہ غاک ریگستان ٹی جتنی آ ایرغ یعنی ”مناتے“ گنگر، اوفک کسکر۔ ولے ای
 ۵۰ ہمیشہ نا زندگی تروکا ایرغ اٹ۔ ولے واسہ دا ایرغ، کہ ثم کے جنت آن بسونے،
 ۵۱ ہندنو ایرغس اے کہ آرا بندرغ ہم گنیک تر، ہمیشہ نا زندگی نے حاصل یک۔ ای
 ہمیشہ نا زندگی تروکا ایرغ اٹ کہ جنت آن بسوٹ۔ کس ہم دا ایرغ آن گنیک،
 ہمیشہ نا زندگی نے حاصل یک۔ او دا ایرغ، کہ ای مخلوق ہمیشہ نا زندگی نے حاصل
 کنگ کے ایتیوہ، کنا جان اے، کہ ای مخلوق نا گناہ او بُرائی تا معاف کرفنگ کے
 دا جان نا قربانی نے ایتیوہ۔
- ۵۲ مخلوق نا نیام ٹی بحث شروع مس کہ ”دا بندرغ ہمر تینا جان نا سوئے نن

گینگ کے ایتک؟"○

عِیسیٰ اوفتے پارے "ای ٹھے راست پاوہ، کہ ای، آدم نا اولیاد، تینا جان او ۵۲
 وِترتے ٹم کے قربان کیوہ۔ او ٹم ہمو وخت اسکان ہمیشہ نازندگی ئے حاصل کپیرے
 کہ ٹم دا قربانی آیقین تختورے۔○ بندغاگ سو گنیرہ کہ زندہ رہینگیر۔ ہندن آرا ۵۳
 بندغ ہم کنا جان او وِترنا قربانی ئے اُست نا حُب اٹ مَنیک، ای اووے قیامت
 نا وے آیلوفتے تو پدی زندہ کیوہ، او خدا اووے ہمیشہ نازندگی ایتک،○ اتے کہ ۵۵
 کنا جان او وِترنا قربانی ٹھے دا دنیا نا گنوئی آ گراتے آن زیاست فائدہ رسیفک۔○ او ۵۶
 آرا بندغ ہم کنا جان او وِترنا قربانی ئے اُست نا حُب اٹ مَنیک، او کن تو محبت
 کیک، کن تو اتفاق کیک، او ای ہم اوڑ تو محبت کیوہ، اوڑ تو اتفاق کیوہ۔○ دھن ۵۷
 کہ کنا راہی تروکا باوہ خدا زندگی تروکا اے، او ای اونا ذریعہ اٹ زندہ اٹ، ہندن
 آرا بندغ کئے مَنیک، او کنا ذریعہ اٹ ہمیشہ نازندگی ئے حاصل کیک۔○ ای جنت ۵۸
 نا خاصنکا ایرغ اٹ، او آرا بندغ ہم کنا قربانی آیقین تحک، او ہمیشہ نازندگی ئے
 حاصل کیک۔ ٹما باوہ پیرہ غاک جنتی آیرغاتے، یعنی "مناتے" گنگر، وے بے مقصد
 کسکر۔ کنا زی آایمان تحوکا ک کبیرہ، وے ہمیشہ نازندگی ئے حاصل کیرہ۔"○
 عِیسیٰ دا پیتاتے کفر نخوم شار نا عبادت خانہ ٹی خوانیفے۔○ ۵۹

بہازنگا شاگرداتا عیسیٰ ئے یلہ کنگ

عِیسیٰ نا بہازنگا شاگرداک دا پیتاتے بنگر، اوفک تین پہ تین تو پاریر "دھینگا ۶۰
 خوانفنگ بہاز گبین اے۔ ویر دافتے آایمان تحک او ویر دافتے خف تورک؟"○
 عِیسیٰ اوفتا مڑ مڑے پوہ مس کہ "دافک انت نا باروٹ ہیست کنگ ٹی او۔" ۶۱
 عِیسیٰ اوفتے پارے "دا پیتاک ٹما ایمانے کمزور کنگ ٹی او؟ ٹم کئے آن ہر سینگنگ
 ٹی اُرے؟○ وے وختس بروئے کہ ٹم خیرے کہ ای، آدم نا اولیاد، پدی ہمو جاگہ غا ۶۲

- ۶۳ کاوہ، آراکان کہ ای بسوٹ۔ گڑا ہمو وخت آٹم انت کیرے؟ ○ وا خدا نا پاکنگا روح
اے کہ ٹمے ہمیشہ نا زندگی ئے ایتک۔ ٹم ہمیشہ نا زندگی ئے حاصل کننگ کے
تینا طاقت آٹ پیچ کننگ کیرے۔ او آرا پیغامے کہ ای ٹمے آر سیفیٹ، وانا مننگ
۶۴ آٹ خدا نا پاکنگا روح ٹمے ہمیشہ نا زندگی ایتک۔ ○ ولے واسکان ٹمے آن گڑاس
وا یمتے آ ایمان تچسہ۔
عیسی شروع آن وا چالسک کہ آرا بندغاک اوڑا ایمان تچسہ او آرا اوڑان غدار
جوڑ مریک۔ ○
- ۶۵ عیسی پارے کہ "ای ٹمے پاوہ کہ کس ہم کنا کسر آ ہمو وخت اسکان بفک
کہ باوہ خدا اونا رہٹائی ئے کتے۔" ○
- ۶۶ وا یمتے پننگ آن عیسی نا بھازنگا شاگرداک اوڑے یلہ کیر او پاریر "دھینگا
بندغ نا رند آٹ نن بچنہ۔" ○
- ۶۷ عیسی تینا دوانزہ خاصنگا شاگرداے آن ہریفے "ٹما انت خیال اے؟ ٹم ہم کنے
یلہ کیرے؟" ○
- ۶۸ شمعون پطرس اوڑے پارے "خواجه، اگ نن نے یلہ کین، تو آرانگ کان؟ آتے
۶۹ کہ وا صرف نا پیغام اے کہ مخلوقے ہمیشہ نا زندگی ایتک۔ ○ نن نازی آ ایمان تخان
او چائسن، نی ہمو مقدسنگا بندغ اُس کہ خدا نا گند آن بسوٹس۔" ○
- ۷۰ عیسی اوفتے پارے "ای ٹمے تینا دوانزہ خاصنگا شاگردو گچین کیٹ، ولے ٹمے
آن اسٹے آ شیطان زور مریک۔" ○
- ۷۱ او یہوداہ اسکروٹی نا باروٹ بیت کرک، کہ او شمعون اسکروٹی نا مار اسک۔
دوانزہ خاصنگا شاگرداے آن یہوداہ اسکروٹی ہمو بندغ اسک کہ اوڑے عیسی تو غداری
کروٹی اسک۔ ○

عیسیٰ او اونا جدید رنگا ایلُمک

۱ ب داکان پد عیسیٰ گلیل صوبہ ٹی چرخ کریمہ۔ اونا خوش آلویکہ کہ یہودیہ صوبہ غا
کائے، آنتے کہ دا جاگہ نا یہودی معتبرنگا بندغاتا خوش آسکہ کہ عیسیٰ نے کسفر۔
۲-۳ یہودی تا عید خُڑک آسکہ، کہ دا ”گدان نا عید“ پاننگا کہ۔ عیسیٰ نا جدید رنگا
۲ ایلُمک عیسیٰ غا بسر، اوڑا ملنڈ خلیسہ پاریر ”ایلم، آرا بندغ پانک کہ“ کنا پن برز آ
مرے، او تینا کاریختہ ڈیک۔ ہندا خاطر آن یہودیہ صوبہ غا عید کننگ کے ہن۔ آگ
نی معجزہ نشان تننگ ٹی اُس، تینے مخلوق نا مون آظاہر کرک، تاکہ نا شاگرداک او
ایلو بندغاک نا معجزہ غاتے خیر۔“

۵ عیسیٰ نا ایلُمک ہندن پاریر آنتے کہ اوفک ہم اوڑا یقین تھویرہ۔
۶ عیسیٰ اوفتے پارے ”کن کے بندغاتا مون آظاہر منگ نا وخت دایسکان بتے۔
۷ ثم آرا وخت آکارے پنگ کیرے۔“ وٹیا نا بندغاک ٹے آن نفرت کپسہ، ولے
۸ کنے آن کیرہ، آنتے کہ ای اوفتے اوفتا گناہ او برائی تا باروٹ پاوہ۔ ثم عید کننگ
کے ہمبو۔ ای دایسکان عید کننگ کے ہمپرہ۔“
۹ عیسیٰ دایتاتے پارے او گلیل صوبہ ٹی سلیس۔

عیسیٰ نا عید نا دے ترے ٹی بھلا عبادت خانہ ٹی خوانینگ

۱۰ عیسیٰ نا جدید رنگا ایلُمک یروشلم شار آ عید کننگ کے ہنار۔ داکان پد عیسیٰ
۱۱ ہم ہنا۔ او پاشی آٹ ہتو، بلکہ ڈھوئی آٹ ہنا، آنتے کہ یہودی معتبرنگا بندغاک
ہموڑے عیسیٰ نے پٹنگ ٹی اترہ۔ اوفک ہریغیر ”عیسیٰ آراٹیک اے؟“
۱۲ اونا باروٹ مخلوق نا نیام ٹی خسپس مسکہ۔ گڑاس پاریرہ ”داجوانو بندغس اے۔“

ایلو فک پاریرہ ”نہ۔ او صرف مخلوق تے بے وقوف جوڑ کرینے۔“

۱۳ ولے کس یہودی معتبر نگا بندغاتا خو لیس آن عیسیٰ نا باروٹ ولیری اٹ
ہیت کتویک۔

۱۴ ہفت دے ئی آ عید نا چار میکو دے اسکہ کہ عیسیٰ بھلا عبادت خانہ غا ہنا او
۱۵ خوانفنگے شروع کرے۔ یہودی معتبر اک بھاز حیران مسر او ہریفیر ”دا اراکان واخہ
علم ہیل کرینے کہ ایلو یہودی تے آن بار مدرسہ ئی ہم خوانتے؟“

۱۶ عیسیٰ اوفتے پارے ”آرا پیتا تے کہ اسی تھے خوانفیوہ، واک کنا پیتاک افس،
۱۷ بلکہ کنا راہی تروکا نا او۔ آرا بندغ نا خوش اے کہ خدا نا حکماتے منگ کے تیار
مرے، او چانک کہ کنا پیغام خدا نا گنڈ آن بسونے، یا کنا گنڈ آن بسونے۔ آرا
۱۸ بندغ تینا گنڈ آن پیغامے ایتک، اونا خوش مریک کہ مخلوق اودے عزت ایتے۔
ولے آرا بندغ نا خوش اے کہ مخلوق تینا راہی تروکائے عزت ایتے، وارا ستو بندغس
۱۹ اے، او دانا پیغام دروغ افک۔ موسیٰ تھے تورات نا حکماتے تس، ولے تھے آن
کس ہم دا حکماتے پنک۔ تم آتے کنا زی آ شریعت نا پرغنگ نا الزامے تخیرے
او کنا کسنگ نا منصوبہ غاتے جوڑ کنگ ئی اُرے؟“

۲۰ مخلوق پارے ”نی گنوک موسس۔ کس نے کسنگ نا منصوبہ جوڑ کنگ
ئی افک۔“

۲۱ عیسیٰ اوفتے پارے ”ای عبادت او آرام نا دے آ تھے معجزہ نشان تس۔ تم
۲۲ گل حیران مسورے۔ ولے موسیٰ تھے مارتے ہفت میکو دے آ سنت کنگ نا
حکمے تس۔ (دا سنت کنگ نا حکم موسیٰ غان آخا، بلکہ دا حکم موسیٰ نا باوہ پیرہ غاتے
آن بسوس۔) اگہ شما مار ہفتہ غا ودی مرے، تو تم ہفت دے آن پد مون نا
۲۳ ہفتہ غا یعنی عبادت او آرام نا دے آ سنتے کیرے۔ اگہ مار ہفتہ نا دے آ سنت
کنگ، تو موسیٰ نا عبادت او آرام نا دے نا حکم پنک، ولے صرف شما تینا جوڑ
کروکا حکم پنک۔ تم صرف دا خاطر آن کئے آن ناراض اُرے، کہ ای عبادت او آرام

۲۳ نا وے آ بندے جوڑ کریٹ؟ ○ سوچ کبو، ولدا صیڳنگا فیصلہ ٺے کبو۔ کنا علامتا معنی نا باروٹ سوچنگ آن بغیر فیصلہ ٺے کپتو۔ ○

مخلوق نا بحث کنگ کہ ”دا خدا نا مقرر کرو کا اے؟“

۲۵ گراس یروشلم شار نا بندغاک پاریر ”اے بندغ آبربو، کہ مخلوق نا نیام ٹی
بھلا عبادت خانہ ٹی خوانفنگ ٹی اے۔ یہودی معتبرنگا بندغاک داوے کسنگ
۲۶ نا منصوبہ غاتے جوڑ کنگ ٹی او، ○ ولے واسہ کس اونا خلاف ہیئت کپک۔ شاید
۲۷ اوفک واسہ پوہ مسونو کہ دا خدا نا مقرر کرو کا اے۔ ○ ولے آرا وخت آ خدا نا مقرر
کرو کا بریک، کس پیک کہ دا آراکان بسونے۔ او نن جوانی آٹ چانہ کہ دا بندغ
آراکان بسونے۔ ○

۲۸ خوانفنگ نا وخت آ عیسیٰ بھلا عبادت خانہ ٹی زور آن ہیئت کریر پارے ”ثم
کے واقعی درست کیرے کہ اے آراکان بسوٹ؟ اے تینا طاقت آٹ بتٹ۔ کے
۲۹ ہمو راہی کرینے کہ ہمیشہ رہنگو کا اے، ولے ثم اووے پیرے۔ ○ اے چاوہ تہ آتے
کہ او کے راہی کرینے او اے اونا خوش آٹ اونا گنڈ آن بسوٹ۔ ○
۳۰ ولدا معتبرنگا بندغاک کوشتے کریر کہ ”عیسیٰ ٺے گرفتار کین“، ولے کس
۳۱ اووے دو خلنگ کتو، آتے کہ واسکان اونا گرفتار کنگ نا وخت بتویس۔ ○ ولے
بھازنگا بندغاک دا پاریر اوڑا ایمان تیار ”اگہ پین کس خدا نا مقرر کرو کا مرے،
تو داڑان زیاست معجزہ نشان تینگ کپک۔ ○“

عیسیٰ نا گرفتار کنگ کے سپاہی تے راہی تینگ

۳۲ فریسی فرقہ نا بندغاک عیسیٰ نا باروٹ مخلوق نا خُپے بنگر۔ ہندا خاطر آن اوفک

او بھلا اِمالک بھلا عبادت خانہ نا خیال داری کرو کا سپاہی تے راہی کیر کہ عیسیٰ نے
گرفتار کیر۔ ○

- ۳۳ عیسیٰ ہموڑے موجو بند غاتے پارے "ای ثم تو منہ وخت اِسکان اُٹ۔ ای ولدا
۳۳ پدی تینا راہی تروکا غا کاوہ۔ ○ ثم کئے تینا مدت کے پٹورے، ولے کئے خمپورے،
آنتے کہ آرا جاگہ غا ای کاوہ ثم پینگ کیرے۔ ○"
۳۵ یہودی معتبر نگا بند غاک تین پہ تین تو بیت کریسہ پاریر "وا آرا جاگہ غا کائیک
کہ نن اووے پینگ کپنہ؟ شاید وا ایلو قوم والا بند غاتا ٹلک آ کائیک، آراڑے کہ نننا
۳۶ یہودی ایلک ریٹگیرہ، ہموڑے عیسیٰ ایلو قوم والائے ہم خوانفک۔ ○ او پارے کہ
"ثم کئے تینا مدت کے پٹورے، خمپورے"، او ہندنو جاگہ سے آ کائیک کہ نن اوڑے
پینگ کپنہ۔ وا بیتاتا آنت معنی اے؟ ○"

ہمیشہ نا زندگی تروکا دیر

- ۳۷ عید نا آخری او گلان ابھنگا دے آ عیسیٰ جک سلیس او زور اٹ بیت کریسہ
پارے "آرا بندغ کہ ہمیشہ نا زندگی تروکا دیرے پینگ ٹی اے، کئے آبرے، ای
۳۸ اووے ہمیشہ نا زندگی تروکا دیرے گنیفیوہ۔ ○ دھن کہ مقدسنگا کتاب ٹی لکھوک
اے کہ "آرا بندغ کنا زی آ ایمان تحک، اونا اُست آن ہمیشہ نا زندگی تروکا دیر
نا دریاباک دبیرہ۔ ○"
۳۹ عیسیٰ دا بیتاتے خدا نا پاکنگا رُوح نا باروٹ پارے، کہ آرا بند غاک عیسیٰ نازی
آ ایمان تحیرہ، خدا نا پاکنگا رُوح نا طاقت اوفتے آ ہم بریک۔ ولے خدا نا پاکنگا رُوح نا
طاقت دا اِسکان بتو یس، آنتے کہ عیسیٰ کسفنگتو یس، او پدی خدا غا بتو یس۔ ○

مخلوق نا تین پہ تین ٹی بے اِتِفاقِ

۲۰ 'مُحیٰ نا بندِ غاک عیسیٰ نا پیتاے بَنگَر، اوفتے آن گِراس پاریر "وا ضرور ہمو پِغمبر اے کہ تورات ٹی اونا باروٹ لکھوک اے"۔

۲۱ گِراس پاریر "وا خُدا نا مقرر کروکا اے"۔

۲۲ ولے ایلوفک پاریر "مقدسنگا کتاب ٹی لکھوک اے کہ "خُدا نا مقرر کروکا پِغمبر داؤد نا اولیادوآتے آن مروئے او بیت لحم شار ٹی ووی مروئے"، آراڑے کہ داؤد رہینگا کہ۔ خُدا نا مقرر کروکا گلیل صوبہ غان بَنگ۔

۲۳ ہندا خاطر آن عیسیٰ نازی آ بندِ غاک تین پہ تین ٹی اِتِفاق کتویر۔

۲۴ گِراس بندِ غاتا خوش آسکہ کہ "عیسیٰ نے گرفتار کین"، ولے کس اونا زی آ دو تِجنگ کتویر۔

معتبرنگا بندِ غاتا سپاہی تے تو عیسیٰ نا باروٹ بحث

۲۵ آرا وخت آ خیالداری کروکا سپاہیک پدی بسر، بھلا اِمالک او فریسی فرقہ نا بندِ غاک اوفتے آن ہر یفر "ثم آتے عیسیٰ نے گرفتار کتویرے، تین تو پیتویرے؟"

۲۶ خیالداری کروکا سپاہیک جواب تریسہ پارے "خُدا نا باروٹ آرا پیتاے کہ وا بندِ غ کرینے، بین کس کنگ کپک۔"

۲۷ فریسی فرقہ نا بندِ غاک پاریر "یعنی او ٹھے ہم بے وقوف جوڑ کرے؟" ثم وختس ہم معتبرنگا بندِ غاتا یا فریسی فرقہ نا بندِ غاتا باروٹ بنگونویرے، کہ کس ہم اونا

۲۸ زی آ ایمان تِخانے؟ وا مخلوق موسیٰ نا شریعت نا باروٹ پیک۔ واک عیسیٰ نا زی آ ایمان تِخانو۔ ہندا خاطر آن خُدا وافتے بزا ایتک۔

- ۵۰ ہموڑے نیکدیمس پنی و فریسی فرقہ نا بندغس اسکہ۔ دا بندغ مُست ہم عیسیٰ
 ۵۱ تو بلائس۔ او ایلو معتبرنگا بندغائے پارے ○ ”ننا شریعت نا مطابق بندغ آ ہمو
 وخت اسکان الزام تیخنگ کپنہ کہ اونا پیتاے ہنٹنن یا معلوم کتنن کہ او مُست آنت
 غلطی کریس۔“ ○
 ۵۲ ایلوفک پاریر ”نی ہم کم ذاتو گیلیس جوڑ موسس؟ مقدسنگا کتاباے پوہ آٹ
 خوان، نے سماءیک کہ اسہ پغمبرس ہم گلیل صوبہ غان ہنٹے۔“ ○

عیسیٰ نا زنا کرو کا نیازی ئے معاف کنگ

- ۵۳ ب [ولدا بندغاک تینا اراتے آ ہنار، ○ ولے عیسیٰ زینٹون پنی آ مش آ ہنا۔ ○
 ۲ او ارات میکو دے آسوب نا مالو بھلا عبادت خانہ غائبس۔ بھارنگا بندغاک اونا چارمہ
 ۳ گنڈ آچ مسر۔ او ٹوس او اوفتے خوانفنگے شروع کرے۔ ○ ہندا وخت آشرع نا معلماک
 او فریسی فرقہ نا بندغاک نیازی سے میسر، کہ او زنا کریس۔ اوفک دا نیازی ئے
 ۴ مخلوق نا مون آ سلفیر، ○ او عیسیٰ ئے پاریر ”خواجہ، دا نیازی زنا کنگ نا وخت آ
 ۵ پلنگانے۔ ○ ننا یعنی موسیٰ نا شریعت ئی دھینگا نیازی کے حکم اے کہ سنگسار کنگے،
 کسفنکے۔ نا آنت خیال اے؟“ ○
 ۶ اوفک دا پیتاے کریر کہ عیسیٰ ئے پاسفر، کہ عیسیٰ شریعت نا خلاف ہیست کیک
 یا سرکاری قانون نا خلاف ہیست کیک، او اوفک اونا زنی آ الزام تیخنگ کیر۔
 ۷ ولے عیسیٰ ڈول مس او تینا ہور آٹ دغار آ لکھنگ شروع کرے۔ ○ دا وخت
 ئی معتبرنگا بندغاک سوال کریس ہنارہ۔ عیسیٰ جک سلیس او اوفتے پارے ”ٹمے آن
 آرا بندغ ہم گناہ کنتے، اولیکو خطے او خطے تہ“ ○
 ۸ دا پیتاے پاننگ آن پد او ولدا ڈول مس او دغار آ لکھنگ شروع کرے۔ ○
 ۹ آرا وخت آ بندغاک دا پیتاے ہنار، اوفک آسٹ آسٹ آ ہنار۔ معتبرنگا بندغاک

۱۰ اولیکو وار ہنار۔ صرف عیسیٰ او نیازی بچار، او نیازی دایسکان سلوک آسکہ۔ ○ عیسیٰ
جک سلیس، اووے پارے ”دافک آرانگ ہنار؟ کس دڑے آف کہ نازی آ
إلزام تحے؟“ ○

۱۱ نیازی جواب تِس ”آخا، خُواجہ، کس آف۔“
عیسیٰ اووے پارے ”گُڑا ای ہم نازی آإلزام تحیرہ۔ ہنگ، مون آگناہ کپہ۔“ ○

عیسیٰ نا تینا باروٹ گواہی تینگ

۱۲ اسہ وے س عیسیٰ فریسی فرقہ نابندغاتے تو پدی ملا، اوفتے پارے ”ای دا دنیا
نا روشنائی اُٹ۔ آرا بندغ کنارند اُٹ بریک، ای دا روشنائی اُٹ اووے خُدا نا صبح نگا
کسرے رغاویہ۔ او شیطان نا کسر یعنی تارمہ ٹی اصل ہمپک۔“ ○
۱۳ فریسی فرقہ نابندغاک عیسیٰ اُے پاریر ”واسہ نی تینا باروٹ تیڈٹ گواہی اُے
تینگ ٹی اُس۔ آرا پیتاتے نی پاریس، واژان بچ ثابت مفک۔“ ○

۱۴ عیسیٰ اوفتے پارے ”آخا۔ ثما پیتاک راست افس۔ ای تینا باروٹ گواہی تینگ
ٹی اُٹ، او آرا پیتاتے ای پانینگ ٹی اُٹ، اوفک صبح او، اتے کہ صرف ای چاودہ
کہ ای آراکان بسوٹ، او مون آ آرانگ کاوہ، وے ٹم تپیرے ای آراکان بسوٹ،
۱۵ آرانگ کاوہ۔○ ٹم انسانی طریقہ اُٹ فیصلہ اُے کیرے، وے ای ثما وڑ اُٹ فیصلہ اُے
۱۶ کپہ۔○ آگہ کئے فیصلہ س کروٹی مرے، کنا فیصلہ صبح مریک، اتے کہ ای دا فیصلہ
۱۷ ٹی تنیا اُٹ، بلکہ کنا باوہ، کہ کئے راہی کرینے، کن تو اوار اے۔○ او دا بیت
ثما شریعت ٹی لکھوک اے کہ ”آرا وخت آرا گواہی آسٹ مسر، اوفک راست
۱۸ او۔“○ ای تیڈٹ گواہی ایتیوہ، او کنا باوہ، کہ کئے راہی کرینے، او ہم کنا گنڈ آن
گواہی ایتک۔“ ○

۱۹ بندغاک اوژان ہریضیر ”نا باوہ آرا ٹیک اے؟“

- عِیسیٰ اوفتے پارے ”ثم نہ کنے چارے، نہ کنا باوہے چارے۔ اگہ ثم کنے چائسے، ثم ضرور کنا باوہے ہم چائسے۔“ ○
- ۲۰ عِیسیٰ داپیتاتے بھلا عبادت خانہ ناپیٹیتے ٹی پیسہ پٹوکا کمرہ ٹی خوائفے۔ او کس اودے گرفتار کنگ کتھیک، آنتے کہ اونا گرفتاری نا وخت واسکان بتولیس۔ ○

عِیسیٰ نا تینا بئنگ او پدی جنت آ پنگ نا باروٹ بیت کنگ

- ۲۱ اسہ دے ولدا عِیسیٰ اوفتے خوائفے ”ای پدی کاوہ، ثم کنے تینا مدت کے پتورے، ولے ثم ہموڑے پنگ کپورے، آراڑے کہ ای ہنوٹ، آنتے کہ ثم گناہ گار کہیرے۔“ ○
- ۲۲ ہندا خاطر آن یہودی معتبر اک تین پہ تین تو پاریر ”دابندغ پارے“ آراڑے کہ ای ہنوٹ، ثم پنگ کپیرے۔“ وانا معنی اے کہ دا خود گشی کیک؟ ○
- ۲۳ عِیسیٰ اوفتے پارے ”ثم دا دنیا نا بندغاک اے۔ ہندا خاطر آن ثم دا دنیا نا بیت او کاریمتا باروٹ سوچ کیرے۔ ولے ای دا دنیا نا بندغس آف۔ کنا کاریماک او بیتاک خدا نا گنڈ آن او۔“ ای ٹھے دا خاطر آن پاریت ”ثم گناہ گار کہیرے،“ آنتے کہ اگہ ثم کنا زی آ ایمان تختورے، کہ ای ہمیشہ زندہ رہینگو کا اٹ، تو ثم گناہ گار کہیرے۔“ ○
- ۲۵ بندغاک عِیسیٰ غان ہریفر ”گرا نی ویر اُس؟“
- عِیسیٰ اوفتے پارے ”ای ٹھے شروع آن دا پاننگ ٹی اٹ کہ ای ویر اٹ۔“ ○
- ۲۶ کنے ثما باروٹ بھاز بیت کروئی اے، ثمازی آ الزام تھوئی اے، ولے آرا کہ کنے راہی کرینے، او راست اے، او ای دنیا نا بندغالتے ہمو پیتاتے پاوہ کہ ای اوڑان بنگوٹ۔“ ○
- ۲۷ اوفک پوہ تھویر کہ عِیسیٰ باوہ خدا نا باروٹ بیت کنگ ٹی اے۔ ○ ہندا خاطر
- ۲۸

آن عیسیٰ اوفتے پارے "آرا وخت آثم کئے، آدم نا اولیادے، صلیب آتغیرے، کسیرے، گڑا ثم پوه مریرے کہ ائی دیرے اٹ۔ ولدا ثم دا ہم پوه مریرے کہ ائی تینا طاقت اٹ پیچ کٹٹ۔ بلکہ ائی آرا پیتاے ہم پاهو، باوہ خدا کئے رغامانے کہ "نے دافتے پاروئی اے"۔ او آرا کئے راہی کرینے، او کن تون اے، او کئے تنیا یلد کپک، آنتے کہ ائی ہمیشہ اونا خوش نا مطابق کاریمتے کیوہ۔" ○

بھارنگا بندغاک دا پیتاے بنگر، او عیسیٰ نازی آایمان تیار۔ ○

دیر خدا نا کسر آ پینگ ٹی او؟ دیر شیطان نا چٹاک او؟

ولدا عیسیٰ ہمو یہودی تے تو بیت کریسے پارے آرافک کہ اونا پیتا نازی آ مچ یقین تجا نر "اگہ ثم کنا خوانفنگے اُست اٹ منیرے، تو ثم کنا راستگا شاگرداک جوڑ مریرے۔ ○ ثم پوه مریرے کہ خدا نا باروٹ کنا پیتاک راست او، او دا راستگا پیتاے منگ نا وجہ غان مون آثم بیئی آن آزات مریرے۔" ○

اوفک جواب تسر "نن ایراہیم نا اولیاد اُن، او نن اینو اسکان کسے نامے متثن۔ نا دا پینگ کہ نن مون آے مفینہ، نا آنت معنی اے؟" ○

عیسیٰ اوفتے پارے "ای ثمے راست پینگ ٹی اٹ۔ آرا بندغ گناہ کیک، او گناہ تے ٹی پائنگک، دافتاے جوڑ مریرے۔ ہندن ثم خدا نا مون آے تے آن بار اُے، مارتے آن بار آفیرے۔ ○ اسے سے آرا ٹی ہمیشہ رہینگنگ نا حق آفک، ولے مالک نا مارے آرا ٹی ہمیشہ رہینگنگ نا حق آے۔ ○ ہندا خاطر آن اگہ ائی، خدا نا مار، ثمے گناہ تا بیئی آن آزات کیو، گڑا ثم یقینی طور اٹ آزات مریرے۔ ○ ائی دا ہم چاوہ کہ ثم ایراہیم نا اولیاداک اُے، ولے ثم کئے کسینگ نا منصوبہ غاتے جوڑ کنگ ٹی اُے، آنتے کہ ثم کنا خوانفنگے اُست اٹ منتھورے۔ ○ ائی ہمو پیتا نا باروٹ بیت کیوہ آرافتے کنا باوہ کئے رغامانے، ولے ثم تینا باوہ شیطان نا پیتاے

منیرے، کہ او ٹھے رغامانے۔"

۳۹ اوفک جَوَاب تَسْر "ننا باوہ شیطان آف، بلکہ نن اِبراہیم نا اولیاد اُن۔"
 عیسیٰ پارے "اگہ ٹم اُسٹ نا حُب اٹ اِبراہیم نا اولیاد اک مروسورے، تو
 ۴۰ ٹم ہمو کاریمتے کریرے آرافتے کہ ٹما پیرہ اِبراہیم کر یس۔" اِرا پیغامے ای خُداغان
 بَنگٹ، ٹھے آرسیفنگ ٹی اٹ، ولے ٹم کنے کسفنگ نا منصوبہ غاتے جوڑ کنگ ٹی
 ۴۱ اُرے۔ ولے اِبراہیم تینا وخت ٹی دا وڑو کاریمس کتے۔ ٹم ہمو کاریمتے کنگ ٹی
 اُرے، آرافتے ٹما باوہ شیطان کرینے۔"

اوفک جَوَاب تَسْر پاریر "نن شیطان نا آخا، بلکہ باوہ خُدا نا چُناک اُن۔"
 ۴۲ عیسیٰ اوفتے پارے "اگہ ٹم اُسٹ نا حُب اٹ خُداے تینا باوہ مَوسورے، تو
 کن تو محبت کریرے، اَنتے کہ ای ٹھے آخُدا نا گنڈ اُن بَسوٹ۔ ای تینا طاقت اٹ
 ۴۳ داڑے ٹھے آبتٹ، بلکہ خُدا کنے راہی کرینے۔ ٹم کنا بیتاتے اَنتے پوہ مَفرے؟
 ٹم دا خاطر اُن پوہ مَفرے، اَنتے کہ ٹم کنا بیتاتے غور اٹ بمپیرے، اوفتے آتوجہ
 ۴۴ تَفریرے۔ ٹم تینا باوہ شیطان نا چُناک اُرے، او ٹم تینا باوہ نا خُوش نا مُطابق
 چَلینگیرے۔ او اولیکو دے اُن اِنسان نا دُشمن او قتل کروکا اے، او ایٹو اِسکان
 راست نا بیتے مَنتے، اَنتے کہ اونا بیتاک راست افس۔ او دروغ تَرَس اے۔ او ہندن
 کیک، اَنتے کہ اونا رَغ رَغ دروغ اُن پُر اے، او دروغ تَروکا تا گُل اُن بھلا اے، او
 ۴۵ ایلوفتے ہم دروغ رَغایک۔ ولے ای ٹھے راست پاننگ ٹی اٹ۔ ٹم دروغ تَروکا نا
 ۴۶ کسر آ پَنگ نا وجہ غان کنازی آ ایمان تَخیرے۔ ٹھے اُن دیر ثابت کنگ کیک
 ۴۷ کہ ای گناہ گارے اٹ؟ ای راست پاوہ، گُرا ٹم اَنتے کنازی آ ایمان تَخیرے؟ ٹم
 خُداے تینا باوہ منیرے۔ ہندا خاطر اُن ٹم کنا بیتاتے غور اٹ بمپیرے۔ ولے اِرا
 بندرغ خُداے تینا باوہ مَنک او خُدا نا بیتاتے غور اٹ بَنک۔"
 ۴۸ یہودی معلماک عیسیٰ پاریر "نا دا بیتاتے پَنگ اُن پد نن پاننگ کینہ کہ
 نی بے وینو ساماری سے اُس، او نے تو جن اُرے۔"

۲۹ عیسیٰ اوفتے پارے "کن تو جن آفک۔ ای تینا باوہ خدائے عزت ایٹیوہ، ولے
۵۰ تُم کئے عزت تَقیرے۔" ای تین کے عزت خواہہ، ولے اَسٹے نا خوش اے کہ
۵۱ مخلوق کئے عزت ایٹے، او وانا فیصلہ اونا دو ٹی اے۔" ای تُمے راست پاننگ ٹی
اٹ۔ آرا بندرغ کنا پیغامے منک، او اصل کسپک۔"

۵۲ اوفک عیسیٰ نے پاریر "واسہ ننا یقین مس کہ نے تو جن آرے۔ ایراھیم کسک
او ایلو پغمبر اک ہم کسکر۔ ولے نی واسہ پاریس کہ "آرا بندرغ کنا پیغامے منک، او
۵۳ اصل کسپک۔" نی ہم پاننگ کیسہ کہ نا اہمیت ایراھیم آن بزز اے، کہ او کسک،
او کل ایلو پغمبر اک ہم کسکر؟ گڑا نی ہم پاسہ کہ "ای بزز اٹ؟"

۵۴ عیسیٰ اوفتے پارے "اگہ ای تینے عزت ترفیٹہ، وا عزت نا بچ اہمیت متو یکہ۔ ولے
۵۵ کنا باوہ، کہ تُم پارے "ننا خدائے"، کئے عزت ایٹک۔" تُم اووے تپیرے، ولے
ای اووے چاوہ۔ اگہ ای پاو کہ ای اووے تپہرہ، تو تُمے آن بار دروغ تڑ مریوہ۔ ولے
۵۶ ای اووے چاوہ، او اونا بیتاتے آ عمل کیوہ۔" ثما پیرہ ایراھیم بھاز خوش اسکہ آرا
وخت آ کنا باوہ خدائے اووے کنا پاننگ نا باروٹ پارے۔ آرا وخت آ کنا پاننگ نا وخت
بس، او بھاز خوش اسکہ۔"

۵۷ یہودی معلمک حیران مسر پاریر "نا عمر پنجا سال آف۔ نی ہم ننا پیرہ ایراھیمے
خناس؟"

۵۸ عیسیٰ اوفتے پارے "ای تُمے راست پاننگ ٹی اٹ۔ ایراھیم نا ودی منگ آن
مست، ای دا جہان ٹی اَسٹہ۔"

۵۹ دا بیتاتے پاننگ آن پد یہودی معلمک خلتے بیفیر، کہ "عیسیٰ نے خلین۔" ولے
عیسیٰ دگوئی اٹ بھلا عبادت خانہ غان پیش تما۔

عیسیٰ نا کورے خنی کنگ

- ۱ ب واکان پد اسه دے س عیسیٰ کسر آٹ پنگ ٹی اسکہ او اسه بندغے خنا، کہ او
 ۲ ووی منگ آن کور اسکہ۔ او نا خاصنگا شاگرداک اوڑان ہریفیر "خواجه، داوے ونا
 گناہک کور کرینو، وانا چند نا یا وانا لمہ باوہ نا گناہک داوے کور کرینو؟" ○
 ۳ عیسیٰ اوفتے پارے "وانا کور منگ نا تعلق نہ وانا گناہتے تون اے، نہ وانا
 لمہ باوہ نا گناہتے تون اے۔ بلکہ دا وا خاطر آن کور مسونے، کہ خدا نا شفا تینگ
 ۴ نا طاقت واڑا بریک، او دا طاقت نا باروٹ گلے سہا تیک۔ دے ٹی مخلوق کاریم
 کنگ یک، ولے نن نا کاریم کنگ کپک۔ ہندن آرا وخت اسکان کہ نن دا دنیا ٹی
 ۵ زندہ اُن، نن کے ضروری اے کہ نن خدا نا کاریمتے کین۔ ○ ای دا دنیا ٹی بسوٹ،
 او دا دنیا کے روشنائی اٹ۔" ○
 ۶ دا بیتاتے خلاص کنگ آن پد عیسیٰ دغار آٹف کرے، او دا ٹف اٹ چٹکو
 ۷ پلغس جوڑ کرے، او پلغے کور نا ختے آخوشکا۔ ○ ولدا پارے تہ "ہنگ، تینا مونے
 شیلوخ پنی آتلاپ ٹی سل۔"
 "شیلوخ" نا معنی اے "ویر نا بنگ۔"
 ۸ ولدا دا بندغ تلاپ آہنا، مونے تینا سلا، او خنی مس، آراغا ہنا۔ ○ ولدا او نا
 ہمسایہ غاک او ایلو بندغاک، کہ او دے کور خیرات خواتنگ آخاٹر، اسہ پہ ایلو آن
 تینا ہریفیر "وا ہمو بندغ افک کہ ٹوسک، خیرات خواتیسک؟" ○
 ۹ گڑاس پاریر "وا ہمو بندغ اے۔"
 ولے ایلوفک پاریر "دا پین بندغس اے۔ وانا شکل کور تو ملک۔"
 ولے خنی مروکا بندغ پارے "ای ہمو کور اٹ۔" ○
 ۱۰ بندغاک کور آن ہریفیر "نی ہمر خنی مس؟" ○

۱۱ او جواب تِس پارے "اسے بندغس، کہ پن تہ یعیسی اے، او چُنکو پلجس جوڑ کرے، کناختے آخوشکا، او کئے پارے "شیلوخ ناکلپ آہنگ، تینا مونے سلہ"۔ ہندا
 ۱۲ خاطر آن ای تلپ آہنگ۔ آراوخت آای تینا مونے سلٹ ای خنی مسٹ۔" ○
 بندغاک ہریغیر "واسے او آراڑیک اے؟"
 خنی مروکا بندغ جواب تِس "کئے خبر آف، او آراڑیک اے۔" ○

خنی مروکا او فریسی فرقہ نا بندغاتا نیام ٹی بحث

۱۳ ولدا گراس بندغ ہمو بندغ، کہ کور اسکے، فریسی فرقہ نا بندغاتے آدریر۔ ○
 ۱۴ یعیسی خدا نا عبادت او آرام ناوے آچُنکو پلجسے آٹ واکورے خنی کریس۔ ○ ولدا
 ۱۵ فریسی فرقہ نا بندغاک ہم خنی مروکا بندغ آن ہریغیر کہ "نی ہمر خنی مسوئس؟"
 خنی مروکا بندغ پارے "بندغس کناختے آچہ لچ ناخوشکا۔ ای تینا مونے سلٹ
 او واسے خینگ کیوہ۔" ○

۱۶ گراس فریسی فرقہ نا بندغاک پاریر "آرا بندغ ہندا کاریکے کرینے، او خدا نا گنڈ
 آن بتے، آنتے کہ او شریعت نا عبادت او آرام ناوے نا حکمتے مینتے۔"
 ولے ایلوفک پاریر "اسے بندغس کہ گناہ گار اے، ہمر دھنو معجزہ نشان تینگ
 کیک؟"

۱۷ دا وجہ غان فریسی فرقہ نا بندغاک تین پہ تین تو اتفاق کتویر۔ ○ ہندا خاطر آن
 فریسی فرقہ نا بندغاک اسے کا ولدا خنی مروکا بندغ آن ہریغیر "نی پاریس کہ" او کئے
 خنی کرینے۔ "اونا باروٹ نا آنت خیال اے؟ او دیس اے؟"
 خنی مروکا بندغ پارے "او پغمبرس اے۔" ○

۱۸ یہودی معتبر کا بندغاتا ولدا ہم خوش آلوکے کہ واپساتے آیقین تجیر، کہ دامست
 ۱۹ کور اسکے او واسے خنی مسوئے۔ ہندا خاطر آن اوفک اونا کمرہ باوہے توار کریر، ○ او

- ہر یفیر "وامار ثماے؟ واداقعی وودی منگ آن کور آسکہ؟ واسہ ہمر ختی مسونے؟" ○
- ۲۰ لمہ باوہ جَوَاب تِسُر "آؤ۔ وائنا مار اے۔ او نن وا ہم چانہ کہ او وودی منگ آن
- ۲۱ کور آسکہ۔ ○ ولے نن تپنہ کہ واسہ او ہمر ختی مسونے، او نن وا ہم تپنہ کہ او دے دیر
- ختی کرینے۔ ثم تینٹ اوران ہریقبو۔ او ورنہ مسونے، او تینا کاریمتا تینٹ جَوَابے
- تینگ کیک۔ ○
- ۲۲ اونا لمہ باوہ وا جَوَابے وا خاطر آن تِسُر، آنتے کہ اوفک یہودی معتبر اتے آن
- خولیسر۔ وا معتبر اک اتفاق کریسر کہ "آرا یہودی وا پانک کہ" ای عیسی نازی
- ۲۳ آایمان تجیوہ کہ او خُدا نا مقرر کروکا اے،" او دے نن عبادت خانہ ئی اِلہنہ۔ ○ وا
- وجہ غان ختی مروکا نا لمہ باوہ واسیتے پاریر کہ "او ورنہ مسونے۔ تینٹ اوران ہریقبو۔ ○
- ۲۴ ولدا ارٹ میکو وار فریستی فرقہ نا بندغاک کور آن ختی مروکا بندغے توار کریر،
- او دے پاریر "خُدا نا قسے بیف کہ نی ننہ راست پاسہ۔ نن وا چانہ کہ آرا بندغ نے
- ختی کرینے، او گناہ گارس اے۔ ○
- ۲۵ ختی مروکا بندغ پارے "ای تیرہ کہ او گناہ گارس اے یا گناہ گارس افک۔ ولے
- ای وا چاوہ کہ مُست ای کور آسکہ، او واسہ او کئے ختی کرینے۔ ○
- ۲۶ فریستی فرقہ نا بندغاک ہر یفیر "اونے تو آنت کرے؟ او ہمر نے ختی کرے؟" ○
- ۲۷ ختی مروکا بندغ جَوَاب تِس "ای ثمے مُست ہم پاریسٹ، ولے ثم کنا ہیئتے
- غور آٹ بنتورے۔ ثم ولدا واقصے پینگ خوارے، آنتے کہ ثم ہم اونا شاگرد جوڑ
- منگ نا سوچ کنگ ئی اُرے؟" ○
- ۲۸ اوفک او دے بے عزت کریر او پاریر "نی اونا شاگرد اُس، ولے نن پغمبر موسیٰ
- ۲۹ نا شاگرد اُن۔ ○ نن وا چانہ کہ خُدا موسیٰ تو بیت کرے، ولے وا بندغ نا باروٹ نن
- سچ تپنہ کہ آراکان بسونے۔ ○
- ۳۰ ختی مروکا بندغ پارے "وا عجبو ہیئتس اے۔ ثم تپیرے کہ آراکان بسونے،
- ۳۱ ولے او کئے ختی کرینے۔ ○ نن گل وا ہم چانہ کہ خُدا گناہ گار اتا عبادت او دعاتے قبول

کپک، ولے آرا بندرغ، که خُدا نا کسر آ کایک، اونا خُوش نا مطابق عمل کیک، خُدا
 ۳۲ اونا عبادت او دُعائے قبول کیک۔ ۰ دُنیا نا جوڑ منگ آن الیس اینو اِسکان کس
 ۳۳ دُهنو قصہ بنتے که کس کورے ختی کرینے۔ ۰ اگہ دا بندرغ خُدا نا گنڈ آن بفر وُس،
 تو او دُهنو کارِسم کنگ کتویکه۔ ۰
 ۳۴ اوفک پاریر "نی کور ودی مس۔ وازان ثابت مریک که نی یا نا لَمہ باوه گناه گار
 آثره۔ او داسه نی ننے پوه کیسه؟"
 ولدا اوفک دا بندرغ عبادت خانہ غان کشار۔ ۰

دیر رُوحانی کور اے؟

۳۵ آرا وخت آ عیسیٰ دا بیتاتا باروٹ بنگ، او ختی مروکا بندرغ اسه دے س خنا،
 اوژان ہریفے "نی آدم نا اولیاد آ ایمان تیجیسه؟" ۰
 ۳۶ ختی مروکا بندرغ جواب تِس پارے "خُواجه، کنے پا، او دیرس اے، تاکہ ای اونا
 زی آ ایمان تیجنگ کیو؟" ۰
 ۳۷ عیسیٰ اووے پارے "نی مُست ہم اوڑتو ملائس، ای ہمو بندرغ اُٹ، که نے
 تو ہیست کنگ ٹی اُٹ۔" ۰
 ۳۸ ختی مروکا بندرغ پارے "خُواجه، ای نازی آ ایمان تِھاٹ۔"
 او دا پارے او عیسیٰ اے سجدہ کرے۔ ۰
 ۳۹ عیسیٰ پارے "دا دُنیا ٹی بندغاگ کوشتے کیرہ که "خُداے درست کین۔" ای
 اوفتے خُداے درست کر فیوہ، دافتے ختی تے آن بار کیوہ۔ ولے گراس بندغاگ
 خُداے درست کپسہ، ولے پارہ که "نن خُداے درست کینہ۔" دافک کوراتے آن
 بار او۔ ای دا دُنیا ٹی بسوٹ تاکہ ظاہر کیو دیر خُداے درست کیک، دیر کپک۔ ۰
 ۴۰ گراس فریسی فرقہ نا بندغاگ، که اوڑے موجود آثره او دا بیتاتے بنگر، عیسیٰ غان

بریفیر "یقیناً نی دا کور نا مثالے تننا باروٹ پاتویس؟" ○
 عیسیٰ اوفتے پارے "اگہ ٹم مزہب ٹی کور اتے آن بار اُرے، او خدائے تپیرے،
 ۳۱ تو ٹم غلطی آ آفیرے۔ ولے ٹم دروغ آٹ پارے کہ "نن مزہب نا باروٹ چانہ، کور
 آفن"۔ ہندا خاطر آن ٹم غلط اُرے۔ ○

عیسیٰ نا پاننگ "دا دُنیا نا بندغاتے کے جُواننگا شوان ای اُٹ"

۱ نَب عیسیٰ اوفتے تو بیت کرے او مثالے تس "ای ٹمے راست پاوہ۔ ہمو بندغ
 ۲ کہ گیر ٹی دروازہ غان بَٹک، ولے جُپک، بریک، او وژ یا ڈاگوس اے۔ ○ ہمو بندغ
 ۳ کہ دروازہ غان گیر ٹی کائیک، میٹنا شوان اے۔ ○ خیال داری کرو کا گیر نا دروازہ اے
 اوڑ کے ٹلک۔ میٹک شوان نا توارے بنیرہ، کہ او دا میٹے پن آٹ توار کیک او اوفتے
 ۴ بے گینگ کے پیشن دیک۔ ○ آرا وخت آ شوان تینا گل میٹے کشا، او مون مون
 آ کائیک، او میٹک اونا رند آٹ بریرہ، آنتے کہ اوفک تینا شوان نا توارے درست
 ۵ کیرہ۔ ○ اوفک پین کسے نارند آٹ ہمپسہ۔ اگہ پین کسے اوفتے توار کیک، اوفک
 نرمیرہ، آنتے کہ اوفک دا بندغ نا توارے درست کپسہ۔ ○
 ۶ عیسیٰ دا مثالے فریسی فرقہ نا بندغاتے پارے، ولے اوفک پوہ تئویر کہ دانا
 ۷ آنت معنی اے۔ ○ ہندا خاطر آن عیسیٰ دا مثال نا معنی اے کریسہ پارے "ای ٹمے
 ۸ راست پاوہ۔ ای میٹے کے گیر نا دروازہ اُٹ۔ ○ ہمو بندغاک کہ وژ اتے آن بار جُپ
 خلگر، پیہار، مزہبی آ معلماک او۔ ولے دافک خدنا کسر آ بروکا بندغاتے ریفنگ
 ۹ کپسہ۔ ○ ای تنیا دا گیر نا دروازہ اُٹ، او میٹک سلامتی آٹ بے گینگ کے داکان
 کارہ۔ ہندن آرا بندغ ہم کنا ذریعہ آٹ خدنا کسر آ بروکا بندغاتے تو شامل مریک،
 ۱۰ خدنا اووے نجات ایتک۔ ○ وژ صرف دا خاطر آن بریک کہ وژی کے، کسے، او سخان
 ایتے، ولے ای دا خاطر آن بسوٹ کہ خدنا کسر آ بروکا تے ہمیشہ نا زندگی او خدنا

نا رَحمتِ ایتھو۔"

۱۱ عیسیٰ واسیتے مخلوقے پین پوہ کنگ کے پارے "جوانگا شوان ای اُٹ۔ دھن
کہ اسے جوانو شوانس میٹا خرتے کنگ کے تینا جان نا پروائے کپک، ہندن ای خُدا
نا کسر آ بروکا بندغاتے کے تینا جان نا پروائے کپہر، اوفتے کے تینا جان نا قربانی
۱۲ ایتھو۔" ولے ہمو بندغ کہ کرائیہ اُٹ میٹا خیالداری کیک، اونا چند نا میٹک افس،
آرا وخت آ او خرمے بنگ آخنیک، او میٹے اِلک او نرک۔ ولدا خرمہ حملہ کیک، او
۱۳ میٹک دانگ اینگ مرید۔" کرائیہ اُٹ خیالداری کروکا دا خاطر آن نرک کہ او صرف
۱۵ پیسہ اُٹ میٹا خیالداری کیک۔ ہندا خاطر آن او خاص خیالداری ئے تچنک۔" جوانگا
شوان ای اُٹ۔ ای باوہ خُدا ئے دوست توریوہ۔ او ہم کئے دوست تورک۔ ہندن
کنازی آ ایمان تجوکا بندغاتے، کہ میٹے آن بار او، ای اوفتے دوست توریوہ۔ اوفک
۱۶ کئے درست کیرہ، او ای اوفتا خاطر آن کہنگ کے تیار اُٹ۔" گراس پین میٹک
او کہ اوفک داسکان دا گرتی شامل افس، او دا ضروری اے کہ ای اوفتے ہم دا
میٹے تو شامل کیو۔ اوفک کنا پیتاے منیرہ، او دافتے تو شامل مرید۔ داکان پد اسے
گرس مرید، او اسے شوانس مرید۔"

۱۷ "باوہ خُدا کن تو دا خاطر آن محبت کیک، آنتے کہ ای تینا زندگی ئے قربان کیوہ،
۱۸ او خُدا کئے پدی زندہ کیک۔" کس تینا طاقت اُٹ کئے کسفنگ کپک، ولے ای
تینا خوش اُٹ تینے ایلوفتا دوتی کسفنگ کے ایتھو۔ کن تو طاقت آرے کہ ای تینا
زندگی ئے قربان کیو، تاکہ خُدا نا خوش پورہ مرے۔ او خُدا کئے پدی زندہ کیک۔"
۱۹ عیسیٰ نا پیتاے بنگ آن پد بہودی معلماک تین پہ تین تو اتفاق کتھو۔"
۲۰ اوفتے آن بھازنگاک پاریر "دا ٹی جن آرے۔ دا گنوک مسونے۔ نن دانا پیتاے
آنتے بنین؟"

۲۱ ولے ایلوفک پاریر "جتی آ بندغ دھنو عقل مندی دُہیت کنگ کپک۔ جن
ہم بندغے خنی کنگ کیک؟"

یہودی معتبراتا عیسیٰ غان انکار کنگ

- ۲۲ سیل ٹی بھلا عبادت خانہ نا وقف کنگ نا عید نا وخت بس، او یہودیک دا
 ۲۳ عیدے یروشلم شار ٹی کریرہ۔ ○ دا وخت ٹی عیسیٰ بھوڑے بھلا عبادت خانہ نا براندہ
 ۲۴ ٹی، کہ دا "سیلیان نا براندہ" پاننگاکہ، چرخ کنگ ٹی اسکہ۔ ○ دا وخت آ یہودی
 معتبراک اوڑا مچ مسر او بریفیر "نی واقعی خدا نا مقرر کروکا اُس؟ نئے راست پا۔
 داڑکے نن بے صبری آت انتظار کنگ ٹی اُن۔" ○
- ۲۵ عیسیٰ اوفتے پارے "ای ٹمے دا بیت نا باروٹ پارینٹ، ولے ٹم کنا پیتا تازی
 آیقین تختورے۔ دا معجزہ غاتے، کہ ای تینا باوہ خدا نا طاقت آت نشان ایتویہ،
 ۲۶ دافک کنا باروٹ گولہک او۔ ○ ٹم کنازی آایمان تخییرے، او ٹم کن کے کنا میٹھے
 ۲۷ آن بار مفرے۔ ○ کنازی آایمان تخیو کا بندغاک، کہ کنا پیتا تازی مفرے، اوفک کن
 کے میٹھے آن بار او۔ ای اوفتے جوان درست کیوہ۔ اوفک کنا نشان تروکا کسر آ
 ۲۸ بریرہ۔ ○ ای اوفتے ہمیشہ نا زندگی ایتویہ، او دا بندغاک کنا سیخا ٹی او، کس اوفتے
 ۲۹ کنا کسر آن ہر سیفنگ کپک۔ ○ باوہ خدا دافتے کنا کسر آیسوئے، او خدا گل آن
 ۳۰ طاقت والا اے، او کس دافتے باوہ خدا نا سیخان کٹنگ کپک۔ ○ ای خدا نا مار
 اُٹ، او کنا باوہ اے۔ نن آیت اُن۔" ○
- ۳۱ دا پیتا پنگ آن پد یہودی معتبراک خلتے بیفر کہ "عیسیٰ سگسار کین۔" ○
 ۳۲ ولے عیسیٰ اوفتے پارے "ای تینا باوہ خدا نا طاقت آت ٹمے بھاز معجزہ نشان
 تسوٹ، او جوانو عمل کریٹ۔ دافتے آن آرا غلط اے کہ ٹم کنے سگسار کیرے؟" ○
 ۳۳ اوفک پاریر "نن نے دا خاطر آن سگسار کپتہ کہ نی جوانو کاریم کریٹس۔ بلکہ دا
 خاطر آن سگسار کینہ کہ نی شرک پاننگ ٹی اُس۔ نی صرف اسے بندھے اُس، ولے
 نی دعویٰ کنگ ٹی اُس کہ "ای او خدا آیت اُن۔" ○

۳۳ عیسیٰ اوفتے پارے "نما مقدسنگا کتاب ٹی لکھوک اے کہ خدا نما معتبرنگا
 ۳۵ بندغاتے پارینے کہ "نم کئے آن بار اُرے"۔ او نن وا ہم چانہ، آرا ہیست مقدسنگا
 کتاب ٹی لکھوک اے، او اصل دروغ آفک۔ او خدا ہمو بندغاتے پارے "نم کئے
 ۳۶ آن بار اُرے" کہ خدا نا پیغام اوفتے آ بس۔ آرا تسکان کنا ہیست اے، کنا باوہ
 کئے مقرر کرینے او دا دنیا ٹی راہی کرینے۔ ولدا نم ہمر پاننگ کیرے کہ اسی شرک
 ۳۷ پاننگ ٹی اٹ؟ اسی نمے پارینٹ کہ "اسی خدا مار اٹ"۔ اگہ اسی تینا باوہ نارغامو کا
 ۳۸ کاریمتے کپہ، تو کنازی آ ایمان تخیو۔ ولے اسی کیوتا، نم ولدا ہم کنا پیتا زی
 آ ایمان تخیو۔ کنا کاریمتا باروٹ سوچ کبو، تاکہ نم پوہ مریرے کہ اسی خدا مار
 اٹ او خدا کنا باوہ اے۔ نن آسٹ اُن۔"

۳۹ ولدا یہودی معتبر اک اسہ کا ولدا کوشستے کیرے کہ "عیسیٰ اے گرفتار کین"، ولے
 عیسیٰ اوفتے آن بچا۔

۴۰ عیسیٰ پدی دریاب اُردن نا ایلو کنارہ غا ہمو جاگہ غا، کہ سیکھی ہموڑے پاک
 ۴۱ صاف منگ نا بے شولفیکہ، ہنا، او اوڑے رہینگا۔ بھازنگا بندغاک اوڑا بسر، تین
 پہ تین تو پارے "سیکھی سچ معجزہ نشان تہو، ولے سیکھی آرا پیتا تے دا بندرغ نا باروٹ
 پاریسس، اوفک گل راست او"۔

۴۲ دافتے آن بھازنگاک اونا زی آ ایمان تیار۔

لعز نا کہنگ

۱-۵ لب اسہ بند غس، کہ پن تہ لعز اسکہ تینا ارا ایڈ مریم او مرتھا تو بیت عنیاہ پنی آ
 خلق ٹی رہینگا کہ۔ عیسیٰ لعز او اونا ہڑتوما ایڈ مریم او مرتھائے بھاز دوست توریکہ۔
 وا ہمو مریم اسکہ، کہ اونا قصہ مون آبریک او لعز نا پدی زندہ منگ آن پد خواجہ
 عیسیٰ نانت تے آعطر نا بوتلس شاغا او تینا پٹاتے تو بارے تہ۔ اسہ دے س لعز بیمار

- ۱۶-۱۷ مس۔ ہر تو ما لیرک عیسیٰ غا گلو راہی کریر ”خواجه، نا دوستیگا سنگت لغز بیمار اے۔“
 آرا وخت آ عیسیٰ غا دا خبر رسیگا، او پارے ”دا بیماری نا نتیجہ دامفک کہ او
 کہیک۔ بلکہ دھن مریک تاکہ بندغاتے خدا نا طاقت نا باروٹ سہا تھے، او ہندا طریقہ
 آٹ خدا نا مار نا یعنی کنا طاقت نا باروٹ ہم مخلوقے سہا تیک۔“
 ۶ عیسیٰ نے سہا تہاس کہ ”لغز بیمار اے“، ولے ولدا ہم او ہموڑے ایرا دے
 ۷ اسکان پین رہینگ۔ ولدا او تینا خاصیکا شاگردا تے پارے ”پدی بہوویہ صوبہ غا لغز
 نا گند آ کابو۔“
 ۸ شاگرداک پاریر ”خواجه، گراس دے مست بہوویہ صوبہ نا بندغاتا خوش اسکہ کہ
 نے سنگسار کیر، او نی پدی ہمو جاگہ غا پینگ نا تیاری کنگ ٹی اُس؟“
 ۹ عیسیٰ پارے ”دھن کہ اسہ دے ٹی دوانزہ گھنٹہ دے نا روشنائی کے مریک،
 او آرا بندغ ہم دا روشنائی ٹی چرخ کیک، او دا روشنائی ٹی نڈوڈو ہلپک، ہندن کن
 ۱۰ تو خاصو وختس اے کہ اسی تینا کاریمتے کیو۔ ولے ہمو بندغاک کہ کنا نشان تروکا
 روشنائی ٹی زندگی نے گدریفپسہ، دافک ہمو بندغاتے آن بار او کہ تارمہ ٹی چرخ
 کیرہ، نڈوڈو ہلیرہ، تیرہ۔“
 ۱۱ دا پیتا پاننگ آن پد عیسیٰ لغز نا باروٹ پارے ”دانا سنگت خاچانے، ولے
 اسی کاوہ، او دے بش کیوہ۔“
 ۱۲ اونا شاگرداک پاریر ”خواجه، اگہ او خاچانے، دانا معنی اے کہ او جوڑ منگ ٹی
 اے۔“
 ۱۳ عیسیٰ نا پاننگ نا معنی دا اسکہ کہ لغز کسکونے، ولے اونا شاگرداک پوہ مویہ،
 ۱۴ سوچ کریر کہ ”دا دنیا نا خاچنگ نا باروٹ پاننگ ٹی اے۔“ ہندا خاطر آن عیسیٰ
 ۱۵ اوفتے پوہ کنگ کے پارے ”لغز کسکونے۔“ دا ٹم کے جوان اے کہ دا وخت ٹی
 اسی ایڑے موجود آلویتہ، تاکہ ٹا ایمان کنا زری آبرے۔ کابو، ہر بو تہ۔“
 ۱۶ توآ، کہ او دے دوستی آٹ ”جاڑ“ پاریرہ، ایلو شاگردا تے پارے ”خواجه تو کابو۔“

اگہ اووے کسفیرہ، تو نن ہم کہنگ کے تیار اُن۔" ○

عیسیٰ قیامت نا دے نا مالک او زند تروکا اے

- ۱۷ ارا وخت آ عیسیٰ بیت عیناہ پنی آ خلق آن خُک رسنگا، اووے سہا تما کہ
- ۱۸ لغزے چار دے مُست و فن کریو۔ ○ بیت عیناہ خلق یروشلم شار آن تقریباً ارا
- ۱۹ میل مَر آسکہ۔ ○ بھازنگا بندغاگ یہودیہ صوبہ نا ایلو جاگہ غاتے آن مرتھا او مریم آ
- ۲۰ اوفتا ایلُم نا کہنگ نا افسوس کننگ کے بسوئر۔ ○ ارا وخت آ مرتھا عیسیٰ نا بینگ
- ۲۱ نا باروٹ ہنگ، او اراغان پیشن اوڑ تو یلنگ کے ہنا، ولے مریم ارا ٹی سلیس۔ ○
- ۲۲ مرتھا عیسیٰ نے پارے "خواجه، اگہ نی داڑے مروس، تو کنا ایلُم کستویکہ۔ ○ ولے
- ای جوان چاوہ نی ارا گڑائے خداغان خوائیس، او نے ایٹک۔" ○
- ۲۳ عیسیٰ پارے تہ "نا ایلُم پدی زندہ مریک۔" ○
- ۲۴ مرتھا پارے "آؤ، خواجه، ای چاوہ کہ او قیامت ناوے آپدی زندہ مریک۔" ○
- ۲۵ عیسیٰ اووے پارے "ای قیامت ناوے نا مالک اُٹ، او زند تروکا اُٹ۔ ارا
- ۲۶ بندغ کنازی آ ایمان تھک، کہیک، او کہوکاتے ٹی آف، بلکہ زندہ غاتے ٹی اے۔ ○
- او ارا بندغ زند ٹی اُسٹ نا حُب اُٹ کنازی آ ایمان تھک، کہنگ آن پد او ایلو
- ایمان تھوکاتے تو اوار جنت ٹی رہینگ۔"
- عیسیٰ اوڑان ہریفے "نی دا پتاتے آ ایمان تھیمہ؟" ○
- ۲۷ مرتھا جواب تِس "آؤ، خواجه، ای ایمان تھیوہ کہ نی خدا نا مار او اونا مقرر کروکا
- اُس، او نن اسہ بھلو وختسے آن خدا نا مقرر کروکا نا بینگ کے انتظارے کننگ
- ٹی آسنہ۔" ○

عیسیٰ نا بوغنگ

- ۲۸ دا بیتاتا کنگ آن پد مرتھا پدی اراغا بنا او تینا ایڑ مریمے تنیائی ٹی توار کرے
پارے ”خواجه بسونے، او نے تو یلنگ خواہک“۔
- ۲۹ ارا وخت آمریم دا بیتے پنگ او بش مس او زو زو عیسیٰ تو یلنگ کے بنا۔
- ۳۰ عیسیٰ دا وخت اسکان خلق ٹی بیسٹوئیس، ولے بموڑے انتظار کریک اراڑے کہ
مرتھا اوڑ تو بلائس۔
- ۳۱ بمو بیٹوویک کہ ارا نا تہہ ٹی مریم تو آفسوس کریہ، ارا وخت
آ اوفک مریمے اشتافی بش منگ او پیشن پنگ آخار، اوفک اونا رند آٹ ہنار۔
اوفک سوچ کریہ کہ ”شاہد مریم قبرستان آتینا ایلم نا بوغنگ کے پنگ ٹی اے“۔
- ۳۲ مریم بموڑے سر مس اراڑے عیسیٰ سلوک اسکہ۔ ارا وخت آ او خڑک رسینگا
او تینے عیسیٰ نا نتے آ پٹے او پارے ”خواجه، اگہ نی داڑے مروئس، تو کنا ایلم
کستویک“۔
- ۳۳ ارا وخت آ عیسیٰ اونا او اوڑ تو بروکا ایلو بندغاتا بوغنگے خنا، اونا خنک خربنگاتے
آن پد مسر، اووے اوفتے کے بھاز ترس بس۔
- ۳۴ عیسیٰ اوفتے آن ہریفے ”نم اووے اراڑے دفن کریورے؟“
اوفک پاریر ”خواجه، کابو، ہربو“۔
- ۳۵ عیسیٰ بمو وخت آ ہوغا۔
- ۳۶ مخلوق پارے ”داوے لعزر تو آخس محبت اے“۔
- ۳۷ ولے اوفتے آن گڑاس پاریر ”اگہ داوے لعزر تو محبت مسک، دا اووے کہنگ
کے ایتویک، اتے کہ داڑو طاقت آرے، او دا کورنگا بند غے خنی کرینے“۔

لَعَزَز نا پدی زنده مننگ

۳۸ عیسی قبر آہنا کہ وا غار دُولو قبرس آسکہ او اونا با آ بھلو خلس تجوک آسکہ۔ اسہ
 ۳۹ کا ولدا عیسی نا خنک خرنکاتے آن پُر مسر۔ عیسی حکم تس "خَلّے مَر کَبو"۔
 لعزَز نا لید، مرتھا، پارے "خواجه، وا چار دے آن دفن اے۔ بَلنگ آن بھلو
 گندس بریک۔"

۴۰ عیسی او دے پارے "ای نے پاريسٹ "اگہ نی کنازی آ ایمان تخیسہ، تو نی
 گُرا خُدا نا طاقے خنیسہ۔"

۴۱ اوفک غار نا با آن خَلّے مَر کرید۔ عیسی آسمان نا گنڈ آہرا، او خُداے پارے
 ۴۲ "اے باوہ، ای نا شکرے آوا کیوہ کہ نی کنا دُعائے قبول کیسہ۔" ای جُوان چاوہ کہ
 نی ہر دخت کنا دُعائے قبول کیسہ، ولے ای دا پیتاتے دا خاطر آن پاوہ کہ داڑے
 موجود بندغاک بنیر او ایمان تخیسہ، کہ نی کئے راہی کریئس۔"

۴۳ دا پیتاتے کننگ آن پد او لعزَزے زور آٹ توار کرے پارے "لعزَز، پیشن
 بَرک۔"

۴۴ او پیشن بس۔ اونا نَت او دُوک کفن ٹی پیڑوک آئرہ او اسہ پچس اونا کاٹم آ
 تفوک آسکہ۔ عیسی اوفتے پارے "واوے ملبو، کہ تینا خوش آٹ چرخ کے۔"

عیسی اُترے کسفنگ نا فیصلہ

(متی ۱: ۲۶-۵؛ مرقس ۱: ۱۲-۲؛ لوقا ۱: ۲۲-۵)

۴۵ آرا بندغاک کہ مریم تو آفسوس کننگ کے بسوسر، اوفک عیسی نا دا معجزہ اُ
 ۴۶ خنار او اوفتے آن بھازنگاک عیسی نازی آ ایمان تخیسہ۔ ولے گراس تا فریسی فرقہ

- ۲۷ نا بند غاتے آہنار او آرا معجزہ ئے، کہ عیسیٰ نشان تسوس، اوفتے پاریر۔ ۵ ہندا خاطر
آن بھلا ایاک او فریسی فرقہ نا بند غاک مجلس نا ایلو بند غاتے تو یلار او پاریر ”نن
۲۸ دا بند غ تو آنت کین؟ آنتے کہ دا بند غ آرا معجزہ غاتے نشان تنگ ٹی اے، ۵ ننے
خولیس اے۔ اگہ نن داوے ہندن اللان، تو گل یہودیک دانا زی آایمان تجور،
او داوے تینا باوشاہ جوڑ کرور، او دھنگا انقلاب روئیو شہنشاہ ئے خوش بنگ۔ ہندا
خاطر آن او بھلا عبادت خانہ ئے تباہ کیک او حکومت ننے آن پلک۔ ۵
۲۹ اوفتے آن اسس، کہ پن تہ کائفا اسکہ، کہ او دا سال کے گل آن بھلا ایاک جوڑ
۵۰ مسوس، پارے ”ثم پیش اے۔ ۵ ثم داہیتے پوہ مفرے کہ گل قوم نا تباہ منگ
آن جوان اے کہ اسہ بند غس کہے، تاکہ قوم بچے؟“ ۵
۵۱ گل آن بھلا ایاک داہیتے کرے او پوہ متو کہ دانا ایلو معنی آنت اے۔ او دا سال
کے بھلا ایاک اسکہ، او خدا نا ذریعہ آٹ دا پیش گوہی ئے کرے کہ عیسیٰ یہودی قوم
۵۲ نا بند غاتا بچائینگ کے کسینگ۔ ۵ نہ صرف یہودی تا بچائینگ کے کسینگ، بلکہ
ایلو قوم والا بند غاتے کے ہم کسینگ، او اوفتے گلے اوار خدا نا کسر آتیک۔ ۵
۵۳ داوے آن پد یہودی معتبر اک منصوبہ غاتے جوڑ کرے کہ ”عیسیٰ ئے کسین“۔ ۵
۵۴ ہندا خاطر آن عیسیٰ یہودیہ صوبہ ٹی بند غاتا مون آتویک، بلکہ وا جاگہ ئے الا اور یگستائے
نا رہی آفرائیم پنی آشار آہنا، او اوڑے تینا شاگردا تے تو رہینگ۔ ۵
۵۵ یہودی تا بچائینگ نا عید خڑک اسکہ، او بھازنگ یہودی ایلو شار او خلاقا تے
آن یروشلم شار آسہر، تاکہ بچائینگ نا عید شروع منگ آن مست مزہبی طور آٹ
۵۶ تینے پاک صاف منگ نا فرضے آوا کیر۔ ۵ اوفک عیسیٰ ئے ہموڑے پٹارہ، او آرا
وخت آ اوفک بھلا عبادت خانہ ٹی مچ مسر، اوفک اسہ پہ ایلو آن تینا ہریفر ”نا
خیال آنت اے؟ کہ عیسیٰ عید کنگ کے داڑے بریک، یا بنگ؟“ ۵
۵۷ بھلا ایاک او فریسی فرقہ نا بند غاک دا حکمے تسوس کہ ”آرا بند غ ہم عیسیٰ ئے
خنے، او ننے برے، پائے، تاکہ نن اووے گرفتار کنگ کین۔“ ۵

مریم نا عیسیٰ نا نت تے آ عطراتے شاغنگ
(متی ۲۶: ۶-۱۳؛ مرقس ۱۴: ۳-۹)

۱ **ب** عید نا شروع منگ آن شش دے مست عیسیٰ بیت عیناہ خلق ٹی لعرز آ
۲ ہنا۔ واہمو بندغ اسکہ کہ عیسیٰ اودے پدی زندہ کریس۔ وا ارا نا بندغاک اوڑکے
۳ ایرغ کبر، او مرتھا خدمت کرے۔ لعرز ہم عیسیٰ تو ایرغ گنگ کے ٹوس۔ ولدا
مریم بوتکے ٹی نیم سیر عطر میس، کہ دانا قیمت بھاز گبن اسکہ، عیسیٰ نا نت تے آ
شاغا، او اونا نت تے تینا پٹاتے تو بارے۔ او عطر نا گند پورہ ارا ٹی تالان مس۔
۴ عیسیٰ نا اسہ شاگروس، کہ پن تہ یہودواہ اسکروتی اسکہ، واہمو بندغ اے کہ مون آ
۵ عیسیٰ تو غداری کیک، او پارے۔ ”وا عطر آنتے مسہ صد چاندی نا روپئی کے سودا
۶ کنگتو؟“ وا سودا کنگوٹس او پیسہ غاک غریباتے ٹی بشخ کنگوٹ۔ ”او دا پیٹے وا
خاطر آن پاتو کہ اودے غریباتا خیال اسکہ۔ بلکہ او خزانچی اسکہ او دا پیسہ غاتے ورا کہ
او تین کے خرچ کریکہ۔
۷ ولدا عیسیٰ پارے ”نیازی ئے تورپہ، ارا کاریکے کنگ ٹی اے، الہ تہ۔ کنا
۸ کہنگ نا وخت آ او تینا کاریکے یات کیک۔“ ثم تو ہر وخت غریب آ بندغاک مردور،
ولے ای ثم تو ہر وخت مفروٹ۔“

لعرز نا کسفنگ نا منصوبہ

۹ بھازنگا یہودی تے خبر تما کہ عیسیٰ بیت عیناہ خلق آ بسونے۔ اوفک اوڑ تو یلنگ
کے اوڑے ہنار۔ نہ صرف عیسیٰ تو یلنگ کے بلکہ لعرز تو یلنگ کے ہم ہنار، اراوے
۱۰ کہ عیسیٰ پدی زندہ کریس۔ وا خاطر آن بھلا امانک منصوبہ س جوڑ کبر کہ ”لعرزے

۱۱ ہم کسفین"۔ اُنّے کہ وانا وجرغان، ہزارنگا یہودیہک اوفتا حکماتے منگے الائر او عیسیٰ نازی آایمان تخنگ لی ائره۔

عیسیٰ نا یروشلم شار آ بادشاہ غان بار بَننگ
(متی ۱۱: ۲۱-۱۱؛ مرقس ۱۱: ۱۱-۱۱؛ لوقا ۱۹: ۲۸-۲۰)

۱۲ ارٹ میکو دے آ ہزارنگا بند غاک، کہ پچائینگ نا عیدے کنگ کے یروشلم شار
۱۳ آ بسوئر، اوفتے سہا تما کہ "عیسیٰ یروشلم شار نا گنڈ آ پنگ لی اے"۔ ہندا خاطر
آن اوفک الار نا شاخاتے پرغار، دوتے لی بیفیر، او عیسیٰ نا گنڈ آ دایانٹ خلیسہ
بسر "خدائے صفت کبو۔ وا ہمو بند غ اے کہ خدا نا طاقت اوڑتو آرے۔ یہودی تا
بادشاہ نازی آ خدا نا رحمتاک مریر۔"

۱۳ عیسیٰ اسے گرہ سے خنا، اونا نازی آ سوار مس، او مقدسنگا کتاب لی آرا پیشن گوہی
لکھوک اے، او صبح ثابت مس۔

۱۵ اے یروشلم شار نا بند غاک، خولیبو۔
ثما بادشاہ ٹے آ پنگ لی اے۔
گرہ سے نازی آ سوار اے۔

۱۶ عیسیٰ نا شاگرداک دا وخت آ عیسیٰ نا گرہ نازی آ سوار منگے او مخلوق نا بہ خیرٹ
کنگے پوہ مقبر۔ ولے عیسیٰ نا کینگ او پدی زندہ منگ او جنت آ پنگ آن پد
اوفک یات کریر کہ مقدسنگا کتاب دا پیتاتے عیسیٰ نا باروٹ پاریس۔

ہمو بند غاک کہ عیسیٰ نا لقرے غار دُول آقبر آن توار کنگ او پدی زندہ کنگ
نا وخت آ اوڑتو اوار ائره، اوفک ایلو مخلوقے دا معجزہ نا باروٹ پاریس ہنار۔
۱۸ ۱۹ معجزہ نا پنگ نا وجرغان اسے بھلو مخلوقس عیسیٰ تو پنگ کے بس۔ ولدا فریسی
فرقہ نا بند غاک تین پہ تین تو پاریر "ختے تینا پیبو، ہربو۔ آخس بھلو مخلوقس اونا

رند آٹ پینگ ٹی اے۔" ○

گراس یونانی یہودی تا عیسیٰ تو میلنگ نا خوائش

گراس بندغاک، کہ یونانی زبان پاریرہ او ایلو قوم والاتا ملک آن یروشلم شار
آ عید او عبادت کننگ کے بسوئر، ○ اوفک عیسیٰ نا خاھنگا شاگرد فلپس آ، کہ او
گیل صوبہ نا بیت صیدا شار ٹی رہینگا کہ، ہنار۔ اوفک پاریرہ "خواجہ، نن عیسیٰ تو
میلنگ خوانہ۔" ○

فلپس اندریاسے دا بیتاتے پارے۔ دافک ہر توماک عیسیٰ غا ہنار، اووے پاریرہ
"نے تو گراس یونانی و بندغ میلنگ خوارہ۔" ○

عیسیٰ اوفتے پارے "ای ٹھے راست پاوہ، دھن کہ خولم نا واند دغار ٹی دسینگپ،
او خوشہ کپک، ولے آرا وخت آ دغار ٹی دسینگ، او خوشہ کیک، ہندن کنا، آوم نا
اولیاد نا، وخت واسہ خوک بسونے کہ ای کسفنگیوہ، کنا عزت بیز آمریک، او بھازنگا
بندغاک کنا کسر آ بریرہ۔ ○ آرا بندغ دا دنیا ٹی تینا زندگی ئے دوست تورک، او
مون نا دنیا ٹی خدا نا بزاغان بچنگ کپک۔ ولے آرا بندغ کنا خاطر آن دا دنیا ٹی
تینا زندگی نا پروائے کپک، او مون نا دنیا ٹی ہمیشہ نا زندگی ئے حاصل کیک۔ ○
آرا بندغ نا خوش اے کہ کنا خدمت کروکا مرے، تو اووے کنا کسر آ بروئی مریک۔
او آرانگ کہ مالک کائے، خدمت کروکا اوڑتو اوار اے۔ کنا باوہ ہم اووے عزت
ایتک آرا کنا خرتے کیک۔" ○

عیسیٰ نا تینا کسفنگ نا باروٹ پاننگ

عیسیٰ دا ہم پارے "ای اُست ٹی پریشان اٹ۔ ای آنت پاو؟ ای خدائے دا پاو

۲۸ کہ ”اے باوہ، کنازی آد بروکا مصیبت او تکلیف آتہ؟“ یقیناً آخا، اتے کہ ای بسوٹ
 کہ دا مصیبت او تکلیف سہیو۔ اے باوہ، کنا ذریعہ اٹ مخلوق نا صفتے کے۔“
 ہمو وخت آخدا جنت آن توارس کرے ”داسکان نا ذریعہ اٹ کنا طاقت ظاہر
 مس، او مخلوق کنا صفتے کنگ ٹی اے۔ داکان پد ولدا ہم ہندن مرک۔“
 ۲۹ داڑے موجود بندغاک جنت آن بروکا دا پیتے پتگر۔ گڑاس پاریر ”دا ہورہ نا
 توار اسکہ۔“

ایلوک پاریر ”ملائکس اور تو ہیست کرے۔“
 ۳۰ ولے عیسیٰ اوفتے پارے ”دا توار کنا فائدہ کے آلوک، بلکہ ثما فائدہ کے اسکہ،
 ۳۱ کہ تم کنازی آ ایمان تخیرے۔“ داسہ وخت بسونے کہ ای دا دنیا نا بندغاتا گناہ او
 برائی تا خاطر آن کسفنگیوہ۔ او داکاریم نا کنگ آن شیطان نا طاقت کم مرک، او آخر
 ۳۲ ٹی شیطان با اینک۔ آرا وخت آ ای، آوم نا اولیاد، دا دنیا ٹی تفنگیوہ، کسفنگیوہ،
 تو اسہ بھلو مخلوقے تینا کسر آ آئیوہ۔“
 ۳۳ عیسیٰ نا دا پیتا کنگ نا معنی دا اسکہ کہ ”ای ہم تکلیف کاٹیوہ، صلیب آ
 تفنگیوہ، کسفنگیوہ۔“
 ۳۴ بندغاک پاریر ”ننا مقدسنگا کتاب ننے پانک کہ ”خدا نا مقرر کروکا ہمیشہ زندہ
 مرک۔“ نی گڑا ہمر پاسہ کہ آوم نا اولیاد تفنگ، کسفنک؟ گڑا آوم نا اولیاد دیر
 اے؟“

۳۵ عیسیٰ اوفتے پارے ”ای تم کے روشنائی اٹ۔ ولے ای تم تو مچہ وخت کے
 اٹ۔ آرا وخت اسکان ای تم تون اٹ، کنا کسر آتہ۔ کنا خوش آفک کہ تم شیطان
 نا کسر آکارے، کہ اونا کسر تارمہ اے، او تم پتیرے کہ آرانگ پننگ ٹی اے۔“
 ۳۶ ای تم کے روشنائی اٹ۔ کنازی آ ایمان تخبو، او ایمان تیخنگ نا وجہ غان تم کنا
 یعنی روشنائی نا کسر آتہ۔“
 دا پیتا کنگ آن پد عیسیٰ ہنا، مخلوق آن تینے دکا۔“

بھازنگا موجود بندغاڪ عیسیٰ نازی آ ایمان تختویر

عیسیٰ مخلوق نا موجودگی ئی بھاز معجزہ نشان تسوس، ولے بھازنگا بندغاڪ
ولدا ہم اونا زی آ ایمان تختویر۔ او پغمبر یسعیہ آرا پیشن گوہی ءے دافتا باروٹ
کریس، او صبح ثابت مس۔ او پاریسس

”اے خدا، نا طاقت مخلوق نا مون آ ظاہر مریک،
ولے بھازنگا نا پیغام نازی آ یقین تختہ۔“
اوفک ایمان تختویر او یسعیہ نا دا پیشن گوہی ہم صبح ثابت مس، کہ او
پاریسس۔

”اوفک وار وار خیرہ، ولے توجہ تفسر،
او صبحنگا پیتا باروٹ سوچ کپسہ۔
بندا خاطر آن خدا اوفتے پیغام نا باروٹ کور کرینے۔
اوفک سوچ کپسہ، بندا خاطر آن پوہ مفسر۔
خدا پارینے ”اوفک کنا کسر آ بفسر۔ اگ اوفک برہہ،
تو نجات حاصل کیرہ۔“

پغمبر یسعیہ دا پیتاے پارے آتے کہ تینا وخت ئی او عیسیٰ ءے دے ئی تئ
آن بار خناس۔

ولدا ہم بھازنگا یہودی معتبراک عیسیٰ نازی آ ایمان تھار، ولے فریسی فرقہ
نا بندغاتا خویرس آن مخلوق نا مون آ دانا باروٹ ہیست کتویر، تاکہ فریسی فرقہ نا
بندغاڪ اوفتے عبادت خانہ غان کشپس۔ پلسکن ایمان تھوگاڪ ہندن کیر آتے کہ
اوفک خدا نا عزت تو اوار بندغاتے آن زیاست عزت خواہیئرہ۔

دِنا فیصلہ کنگک

- ۳۳ عیسیٰ زور آن ہیست کریسہ پارے "آرا بندرغ کنازی آ ایمان تِجک، او نہ صرف
 ۳۵ کنازی آ، بلکہ کنا راہی کرو کنازی آ ہم ایمان تِجک۔ آرا بندرغ کئے درُست کیک،
 ۳۶ او کنا راہی تروکائے ہم درُست کیک۔ ای دا وِنیائی دا خاطر آن بسوٹ کہ آرا
 بندرغ کنازی آ ایمان تِجے، ای اودے روشنائی نا کسر آ دیو، تاکہ او شیطان نا کسر آ
 ۳۷ ہِمپ، کہ او تارمہ اے۔ آگہ کس کنا پیغامے بَنک، او اونازی آ عمل کیک، ای
 اونا فیصلہ کپہ، اتے کہ ای دا وِنیائی بندغاتا فیصلہ کنگ کے بَتھٹ۔ بلکہ
 ۳۸ ای دا وِنیانا بندغاتا بچا فنگ کے بسوٹ۔ آرا بندرغ کئے مَنیک او کنا پیغام آن
 انکار کیک، اونا فیصلہ کنگک، او قیامت نا دے آ اونا پیغام آن انکار نا وجہ غان فیصلہ
 ۳۹ کنگک۔ او پیتاک ہم راست او، اتے کہ ای تینا طاقت آٹ ہیست کتھٹ، ولے
 ۵۰ باوہ خُدا، کہ او کئے راہی کرینے، کئے حکم تِسونے کہ ای دا پیتاتے پاو او رِغابیو۔ ای
 تینا باوہ خُدا نا خوش نا مطابق ہیست کیوہ، او ای دا ہم چاوہ کہ آرا بندرغ اونا حکماتے
 مَنیک، ہمیشہ نا زندگی کئے حاصل کیک۔"

عیسیٰ نا خاصینگا شاگرداتا خزمترے کنگ

- ۱۳ بچا فنگ نا عید خُک اُسکے او عیسیٰ چائسکے کہ "واسہ کنا وخت خُک بسونے
 کہ ای دا وِنیائے یلہ کیو او باوہ غا کاو۔" آرا بندرغاک کہ عیسیٰ نازی آ ایمان تِخیرہ،
 ۲ عیسیٰ ہمیشہ اوفتے تو محبت کیک۔ او نن آنا وخت اُسکے۔ عیسیٰ او اونا دوانزودہ
 خاصینگا شاگرداک اِرغ کنگ کے تُولوک اُترہ۔ شمعون اسکروتی نا مار، یہہوداہ لُی
 ۳ مُست آن شیطان غداری کنگ نا سوچے شاغاس۔ عیسیٰ چائسکے کہ "خُدا دا جہان

نا گل گڑاتے کنا دُو ٹی تسونے، او دا ہم چائسکے کہ ”ای خُدا نا گنڈ آن بسوٹ،
او خُدا نا گنڈ آ کاوہ“۔ ○

۵ ولدا عیسیٰ بش مس، صَدَریٰ تینا کشا، او اسہ توالس کوپہ غا تینا شاغا۔ ○ او
بھلو با والا بالٹی س پیفے، او ٹی وید شاغا او تینا شاگردا تانتے سینگ شروع کرے،
او توال تو اوقتانتے بارفے۔ ○

۶ آرا وخت آ او شمعون پطرس آ بس، پطرس پارے ”خواجه، کنے شرمندہ کہہ۔
نی کنا نتے سلپہ۔“ ○

۷ عیسیٰ اووے پارے ”نی کنا نت تا سینگے واسہ پوہ مَفیسہ، ولے ذریعے آن پد
پوہ مروس۔“ ○

۸ پطرس پارے ”ای کہیو، کاو، ولے تینا نتے نے آن سلفیہ۔“
عیسیٰ اووے پارے ”اگہ نی تینا نتے کنے آن سلفیسہ، تو نی کنا شاگرد
مَفیسہ۔“ ○

۹ پطرس پارے ”خواجه، اگہ دا ہیست اے، تو نی نہ صرف کنا نتے سید، بلکہ
کنا کاٹم او دوتے ہم سید۔“ ○

۱۰ عیسیٰ پارے ”آرا بندرغ ہم اسہ کا پاک صاف منگ نا بے شولا، اووے ولدا دا
بے شولنگ نا ضرورت افک۔ ہندا خاطر آن ای صرف ثمانتے سینگ ٹی اٹ۔
ثما آسٹ آن بغیر ایلوفک گل اُسٹ ٹی صفا مسونورے۔“ ○

۱۱ عیسیٰ مُست آن چائسکے کہ اوڑ تو وید غداری کیک۔ ہندا خاطر آن او پارے ”ثما
آسٹ آن بغیر ایلوفک گل اُسٹ ٹی صفا مسونورے۔“ ○

۱۲ آرا وخت آ عیسیٰ اوقتانت تا سینگے خلاص کرے، او تینا صَدَریٰ عینا، او پدی
تینا جاگہ غاٹوس۔ عیسیٰ تینا خاصنگا شاگردا تے آن ہریفے ”ای آرا کاریکے واسہ ٹم کے

۱۳ کریٹ، ٹم دانا معنیٰ پوہ مسورے؟ ○ ٹم کنے ”خواجه“ یا ”مالک“ پارے، او دا
۱۴ صیحو بیٹس اے کہ ٹم پارے، اُنتے کہ ای ثما واقعی خواجه اٹ۔ ○ ای، ثما خواجه یا

- مالک، واسہ ثنائت تے نوکراتے آن بار سِلٹ، او ہندن ٹم اسہ پہ ایلو نا تینا خرتے
 ۱۵ کبُو۔ ○ ای ثنائت تے سِلٹ۔ دا ٹم کے اسہ مثالس اے، تاکہ ٹم ہندن کیرے،
 ۱۶ دھن کہ ای ٹم کے کبیٹ۔ ○ دا ہیئت راست اے کہ کس مے تینا خواجہ غان
 ۱۷ اہمیت اٹ بزز آف، او کس پیغام تروکا تینا راہی تروکا آن بزز آف۔ ○ ٹم واسہ
 دا ہیئت پوہ مسورے۔ اگہ ٹم وافتازی آ عمل کیرے، تو خدا نارحمتاک ثمازی آ
 ۱۸ مریدہ۔ ○ ای ٹمے کچین کریٹ، او ای ٹمے جوان چاوہ۔ ولے ای دا ہیئت ثماکل نا
 باروٹ پاننگ ٹی آف، آنتے کہ دا ہم ضروری اے کہ آرا ہیئت مقدسنگا کتاب ٹی
 لکھوک اے، او صبح ثابت مرے۔ او ٹی لکھوک اے کہ ”اسہ بند غس کنا بے
 ۱۹ گنیک، او کن تو غداری کیک۔“ ○ ای ٹمے دا ہیئت پورہ منگ آن مست پاننگ ٹی
 اٹ، تاکہ آرا وخت آ دا ہیئت ثابت مرے ثما ایمان بترسک کہ ای ہمیشہ زندہ
 ۲۰ رہنگو کا اٹ۔ ○ ای ٹمے راست پاوہ، آرا بندغ ہم کنا پیغام رسیفوکا بندغے بہ خیرٹ
 کیک، ہندن پا، او کنے بہ خیرٹ کرے۔ او آرا بندغ کنے اُست ٹی منیک، ہندن
 پا، او کنا راہی تروکا ئے ہم اُست ٹی منیک۔ ○

عیسیٰ نا تین تو غداری کروکا نا باروٹ پاننگ

(متی ۲۶: ۱۷-۲۵؛ مرقس ۱۴: ۱۷-۲۱؛ لوقا ۲۲: ۲۱-۲۳)

- ۲۱ دا ہیئت پاننگ آن پد عیسیٰ اُست ٹی بھاز پریشان مس او دوانزہ خاصنگا
 شاگردا مون آپارے ”ای ٹمے راست پاوہ، ٹمے آن اسٹس کن تو غداری کیک۔“ ○
 ۲۲ شاگرداک اسہ پہ ایلو آ تینا پریشانی اٹ ہرار کہ ”دنا باروٹ پاننگ ٹی اے؟“ ○
 ۲۳ ای، عیسیٰ نا دوستنگا شاگرد، عیسیٰ نارہی آٹولوک اسٹہ۔ ○ پطرس کنا گند آؤو
 ۲۴ اٹ اشارہ کرے کہ ”عیسیٰ غان ہریف، ”دنا باروٹ پاننگ ٹی اُس؟“ ○
 ۲۵ ای عیسیٰ نا خٹک آ مسٹ او ہریفیٹ ”خواجہ، دا غدار دید اے؟“ ○

عِیسیٰ پارے ”غدار ہمو بندغ اے کہ ای ارغ نا باخوس کتغ ٹی خلیوہ، اووے ایٹیوہ۔“

۲۶

واکان پد عِیسیٰ ارغ نا باخوس بیفے، کتغ ٹی خلک، یہتوداہ غا، کہ او شمخون اسکروٹی نا مار اسکہ، مریفے تہ۔ ○ آرا وخت آ یہتوداہ باخوئے ہلک، شیطان اونا لُج آ سوار مس۔ ہندا وخت آ عِیسیٰ اووے پارے ”ہمو کاریکے کہ نے کروٹی اے، زو کر۔“ ○

۲۷

ارغ آ تُولوک ایلو شاگرداک عِیسیٰ نا دا پیتاتے پوہ مقویر۔ ○ نن سوچ کرین ”شاہد عِیسیٰ اووے پارے ”ہنگ، او عید کے ضرورت نا گڑاتے ہل“، یا ”غریب باتے گڑاس پیسہ ایٹے“، آنتے کہ او خزانچی اسکہ۔ ○
یہتوداہ باخوئے باٹی کرے او اسہ وار تو پیش تما۔ ○

۲۸

۲۹

۳۰

عِیسیٰ نا پُسکُنگا حُکم او پطر سے اونا انکار نا باروٹ پاننگ
(متی ۲۶: ۳۱-۳۵؛ مرقس ۱۴: ۲۷-۳۱؛ لوقا ۲۲: ۳۱-۳۴)

آرا وخت آ یہتوداہ پیش تما، عِیسیٰ تینا خاصِنگا شاگرداتے پارے ”داسہ کنا آدم نا اولیاد نا کسفنگ نا وخت خُک بسونے، او وا وخت آ کنا عزت بھازنگا بندغاتا مون آبرز آمریک، او خدا نا طاقت کنا ذریعہ اٹ ظاہر مریک۔ ○ کنا او خدا نا طاقت آسٹ اے۔ اگر خدا نا طاقت ظاہر مریک، ہندن پا کہ کنا طاقت ظاہر مریک۔ وا طاقت نا ظاہر منگ نا وخت خُک بسونے۔ ○ کنا ایلمگ، ای ٹم تو مچہ وخت کن اٹ۔ واکان پد ٹم کنے پٹیرے، ولے خمیرے۔ ٹم ہمو پیتاتے یات کبو، آرافتے کہ ای یہتودی معتبر اتے پارِیٹ ”آراڑے کہ ای کاوہ، ٹم ہموڑے ہنگ کیرے“۔ ○
”او داسہ ای ٹمے پُسکُنو حکمس ایٹیوہ کہ ”تین پہ تین تو ہندن محبت کبو، دھن کہ ای ٹم تو محبت کنگ ٹی اٹ“۔ ○ اگر ٹم ہندن کیرے، تو گل بندغاک چارہ

۳۱

۳۲

۳۳

۳۴

۳۵

- ۳۶ کہ تم کنا کسر آ پنگ ٹی اُرے۔ ○
 پطرس ہریفے ”خواجه، نی آرانگ پنگ ٹی اُس؟“
 عیسیٰ پارے ”ای آرانگ کے پنگ ٹی اُٹ، نی واسہ کنا رند اُٹ بفیسہ۔ ولے
 گراس وختے آن پد نی کنا رند اُٹ بریسہ۔ ○“
 ۳۷ پطرس ہریفے ”خواجه، ای نا خاطر آن کہنگ کے تیار اُٹ۔ گرا آتے واسہ نا
 رند اُٹ بفرف؟“ ○
 ۳۸ عیسیٰ پارے ”نی واقعی کنا خاطر آن کہنگ کے تیار اُس؟ نی یقین تجھ، ہمو
 وخت اسکان کہ نی مسہ وار پائٹس ”ای عیسیٰ اُے درست کپرہ“ بانگو بانگ تفک۔ ○“

آرا بندغ عیسیٰ غا ایمان تحک، او خدائے درست کیک

- ۱ ۳۱ عیسیٰ اوفتے پارے ”کنا باروٹ پریشان مقبو۔ خدا او کئے آ ایمان تجبو۔ ○
 ۲ ای باوہ خدا نا اُراغا پنگ کے تیار اُٹ۔ اوڑے بھاز کوٹھی آرید۔ ای دافتے ایمان
 ۳ تجوکاتے کے تیار کیوہ۔ ہندن مریک، ہندا خاطر آن ای تمے پاننگ ٹی اُٹ۔ ○ ای
 کاوہ، کوٹھی تے تیار کیوہ، پدی بریوہ، او تینا زی آ ایمان تجوکاتے تین تو پدی
 دیوہ، تاکہ آراڑے کہ ای رہینگیو، کنا زی آ ایمان تجوکاک ہم ہموڑے رہینگیر۔ ○
 ۴ او تم ہمو جاگہ نا کسرے چارے۔ ○“
 ۵ تو ماہریفے ”خواجه، نن تپنہ، نی آرانگ پنگ کے تیار اُس؟ نن جاگہ نا خبر آف،
 تو کسرے ہمر چانہ؟“ ○
 ۶ عیسیٰ اوفتے پارے ”خدا نا راستیکا کسرے نشان تروکا او ہمیشہ نا زندگی اُے تروکا
 ۷ ای اُٹ۔ کنا ذریعہ غان بغیر کس خدانا پنگ کپک۔ ○ او واسہ تم کئے چائسے،
 ہندا خاطر آن تم کنا باوہ اُے ہم چارے۔ تم اووے کنا ذریعہ اُٹ خنانورے، او
 اووے درست کیرے۔ ○“

۸ فلیس اودے پارے "خواجه، دانا ثبوت کے نئے تینا باوہ ءے نشان ایته"۔
 ۹ عیسیٰ اودے پارے "فلیس، نی اسہ بھلو و حقے آن کن تون اُس۔ نی واسکان
 ۱۰ کنے درست کٹس؟ آرا بندرغ کنے خنا، او کنا باوہ ءے ہم خنا۔ گڑا نی آنتے پاریس "تینا
 باوہ ءے نشان ایته"؟ ○ نی وابیت نازی آایمان تجیسہ کہ ای او باوہ آسٹ اُن؟
 ولدا عیسیٰ تینا شاگرداے پارے "آرا بیتاے کہ تُم بنگورے، و افک کنا گنڈ آن
 ۱۱ بَتو۔ بلکہ کنا باوہ، کہ او کن تو آرے، کنا ذریعہ آت تینا کاریمتے کرفنگ ٹی اے۔
 او کنا وا پاروکا بیت نازی آہم ایمان تجبو، کہ "ای او باوہ آسٹ اُن"۔ اگہ تُم وا
 ۱۲ بیتا نازی آایمان تجیرے، تو کم از کم کنا نشان تروکا کاریمتا نازی آایمان تجبو۔
 ای تُمے راست پاتنگ ٹی اُٹ۔ آرا بندرغ ہم کنا نازی آایمان تجک، او ہم ہندونو
 ۱۳ کاریم کنگ یک کہ ای کرٹٹ۔ او یقیناً داڑان زیاست کاریمتے یک، آنتے کہ ای
 باوہ نا گنڈ آ پنگ کے تیار اُٹ، او ہموکان ثما دتے کیوہ۔ ○ آرا دعاتے تُم کنا پن
 ۱۴ اُٹ خوارے، ای قبول کیوہ تا، تاکہ باوہ نا طاقت مار نا ذریعہ اُٹ ظاہر مرے۔ ○ کنا
 وابیت آیقین تجبو، کہ آرا دعاتے تُم کنے آن خوارے، ای قبول کیوہ تا۔ ○

عیسیٰ نا خدا نا پاکینگا رُوح نا طاقتے راہی کنگ نا اقرار

۱۵ عیسیٰ بیت کریسہ پارے "اگہ تُم کن تو محبت کیرے، تو کنا حکماتے منیرے۔
 ۱۶ ای باوہ خداغان دُعا کیوہ، او تُمے آسہ پین مدت کروکوس راہی یک، کہ او تُم تو
 ۱۷ ہمیشہ مریک۔ ○ وا خدا نا پاکینگا رُوح نا طاقت اے کہ او تُمے خدا نا باروٹ راست
 نا بیتاے پاک۔ دا دتیا نا ایلو بندرغاک، کہ کن تو محبت کپسہ، خدا نا پاکینگا رُوح نا
 طاقت اوفتے آ بنگ، او و افک اودے تپسہ، خمپسہ۔ ولے تُم اودے درست کیرے،
 آنتے کہ او تُمے دوست تورک، او کنا پنگ آن پد او نا طاقت ہمیشہ تُم تو مریک۔ ○
 ۱۸ آرا وخت آ ای کاوہ، ای تُمے یتیم نگا چناتے آن بار تنیا یلہ کپہ۔ بلکہ ای تُمے آپدی

۱۹ بریوہ-○ گڑاس وختسے آن پد دا دنیا نا بندغاک کنے خمپسہ، ولے ٹم کنے خیرے۔
 ای کہنگ آن پد پدی زندہ مریوہ او ٹم ہمیشہ کن تو میرے، اتے کہ ای زندگی
 ۲۰ تروکا اٹ-○ ہمو وخت آ ٹم پوہ میرے کہ کس کنے باوہ غان جتا کنگ کپک، او
 ہندن ٹمے کنے آن جتا کنگ کپسہ-○

۲۱ ”آرا بندغ کن تو محبت کیک، وا ہمو بندغ اے کہ کنا حکماتے منک او اوقتا
 زی آ عمل کیک- خدا اوڑ تو محبت کیک- ای ہم اووے دوست توریوہ، او ای
 اوڑا ظاہر مریوہ-○“

۲۲ ولدا اونا خاصدگا شاگرداے آن یہوواہ، کہ او یہوواہ اسکروتی آلویک، عیسیٰ غان
 ہریفے ”خواجه، نی اتے نئے آتینے ظاہر کیسہ، ولے دنیا نا ایلو بندغاتے آظاہر مفسیہ؟“○
 ۲۳ عیسیٰ اووے پارے ”آرا بندغ کن تو محبت کیک، او کنا پیغامے منک او اونا
 زی آ عمل کیک- وا وجہ غان کنا باوہ ہم اوڑ تو محبت کیک- ای او خدا ہمیشہ اونا
 ۲۴ اُست ٹی موجود مریوہ-○ ہمو بندغاک کہ کنا پیغامے منپسہ کن تو محبت کپسہ- ولے
 یات تجبو، آرا پیغامے کہ ای ٹمے آر سیفیٹ، وا کنا گنڈ آن آفک، بلکہ باوہ خدا
 نا گنڈ آن اے، کہ او کنے راہی کرینے-○

۲۵ ”ای دا پیتاتے ٹمے تینا زند ٹی پاننگ ٹی اٹ-○ ولے آرا وخت آ ای کاوہ،
 ۲۶ تو خدا شامت کے اسہ رہنماس راہی کیک، او وا خدا نا پاکنگا روح نا طاقت اے-
 او ٹمے دا پیغام نا باروٹ پین عقل مندی ایٹک او کنا پارو کا گل پیتاتے ٹمے پوہ
 ۲۷ کیک-○ ای ٹمے روحانی امن او سکون ایٹیوہ- ہندا خاطر آن پریشان مفسیہ، خولپتو،
 اتے کہ آرا اے، کہ ای ٹمے ایٹیوہ، دا دنیا نا بندغاک او گڑاک ٹمے تینگ کپسہ-○
 ۲۸ ٹم بنگورے کہ ای پاریت ”ای کاوہ، ولے پدی بریوہ-“ اگہ ٹم کن تو محبت کیرے،
 تو ٹم پریشان مفسیہ، بلکہ خوش میرے، کہ ای تینا باوہ غا، کہ او دا جہان نا مالک
 ۲۹ اے، پنگ کے تیار اٹ-○ ای ٹمے دا پیتاتے ثابت منگ آن مست پاننگ ٹی
 ۳۰ اٹ، تاکہ آرا وخت آ دا پیتاک ثابت میرے، تو ثما ایمان بترے-○ واسہ کن تو بھاز

موقعہ آف کہ ای ٹم تو ہیست کیو، آنتے کہ شیطان، کہ او دنیا نا برائی او خرابنگا کاریمتا
حاکم اے، کنے کسفننگ کے یتنگ ٹی اے۔ اونا طاقت کنے آن زیاست آفک،
ولے ای تینا خوش آٹ ہندن کیوہ، تاکہ واکان پد گل بندغاتے سہا تیک کہ ای
باوہ تو محبت کیوہ۔ ہندا خاطر آن ای اونا ہر گلے پورہ کنگ ٹی اٹ۔
”بش ببو، پین جاگہ سے آ کاہو۔“

۳۱

عیسیٰ نا انگور نا درخت نا مثال یتنگ

۵ عیسیٰ تینا شاگردا تے پوہ کنگ کے پارے ”ای انگور نا درخت آن بار اٹ،
او کنا باوہ خدا وانا مالک اے، او وادرخت نا شاخاک ٹم کنا شاگرداک اے۔ آرا
شاخ بیوہ تفک، مالک اووے گڈک۔ ہندن آرا شاگرد جووانو کاریم کپک، خدا اووے
دا شاخ آن بار درخت آن جتا کیک، خیک۔ ولے ہمو شاخاک کہ بیوہ ایتیرہ، مالک
اوقتا تاکہ بری ئے کیک او صفا کیک، تاکہ اوفک زیاست بیوہ ایتیرہ۔ ہندن ٹم
کنا پیغام نازی آ عمل کنگ اٹ پاک صاف مرے۔ او کس شاخ بغیر درخت
آن بیوہ یتنگ کپک۔ دا شاخ صرف ہمو وخت آ بیوہ ایتیک کہ او درخت ٹی مرے۔
ہندن وادرخت نا شاخاتے آن بار کنے آن جتا مقبو۔ ای ہم ٹمے آن جتا مفرہ،
تاکہ ٹم ہر ڈول نا جووانو کاریم کنگ کیرے، ولے کنا مدت آن بغیر ٹم پچ جووانو
کاریم کنگ کیرے۔“

۵

۶ ”آرا شاگرداک کنے دوست تور پسر، واک انگور نا ہمو شاخاتے آن بار او، کہ
۷ واک بیوہ تفسر۔ واک گڈنگیرہ، بار فنگیرہ، خاخر ٹی ہوشنگیرہ۔“ اگہ ٹم کنا پیغام نا
زی آ عمل کیرے او اُست نا حُب اٹ کنے دوست تور پسر، گڈا ٹم آرا ہم نیکنگا
۸ دعاتے خوارے، خدا اوفتے قبول کیک۔ آرا وخت آ ٹم جووانو کاریم کیرے، واران
ثابت مریک کہ ٹم کنا شاگرداک اے۔ دا وجہ غان باوہ خدا نا عزت بیز آمریک۔“

عِیسیٰ نا حُکم تِنِنگ کہ ”تین پہ تین تو محبت کبو“

- ۹ ”ای تُم تو محبت کیوہ وُهن کہ کنا باوہ خُدا کن تو محبت کیک۔ واسہ تُم کنا
 ۱۰ بیتاتے مَنبو، او گیرام کپتو کہ ای تُم تو محبت کیوہ۔ ۱۰ باوہ خُدا وا خاطر آن کن تو
 محبت کَنگ تُو اے کہ ای اونا حُکاتے مَنگ تُو اُٹ۔ ہندن اگہ تُم کنا حُکاتے ہر
 وخت مَنیرے، تو ای تُم تو محبت کیوہ۔ ۱۰
- ۱۱ ”ای تُمے دا بیتاتے پارِیٹ۔ اگہ تُم دافتازی آعل کیرے، تو ای خوش مریوہ،
 ۱۲ او تُم خوش ہم پورہ مریک۔ ۱۰ کنا بھلا حُکم داو اے کہ تین پہ تین تو ہندن محبت
 ۱۳ کبو، وُهن کہ ای تُم تو کَنگ تُو اُٹ۔ ۱۰ اسہ سنگت نا گُل آن بھلا محبت داو اے
 ۱۴ کہ او تینا سنگتات خاطر آن جان نا پروائے کپک۔ ۱۰ اگہ تُم کنا حُکاتے مَنیرے، تو تُم
 ۱۵ کنا سنگت مریے۔ ۱۰ ای تُمے ”سنگت“ پانتگ تُو اُٹ، ”نوکر“ پانتگ تُو اُٹ،
 اُنتے کہ نوکر تپک کہ اونا مالک اُنت کَنگ تُو اے، ولے سنگت چانک۔ ارا بیتاتے
 ای باوہ خُداغان بَنگ، تُمے رغاٹ۔ داژان ظاہر مریک کہ تُم کنا سنگت اُرے۔ ۱۰
- ۱۶ ”تُم کئے آبتورے، بلکہ ای تُمے تینے آیسوئٹ، او تُمے راہی کیوہ۔ تُم جووانو
 کاریم کیرے، کہ دافتا تپیہ ہمیشہ فائدہ مند مریک۔ او تُم ارا نیکنگ دعاتے کنا ذریعہ
 ۱۷ اُٹ باوہ خُداغان خوارے، او قبول کیک تا۔ ۱۰ ای تُمے دا حُکے اسہ کا ولدا تینگ تُو
 اُٹ کہ تین پہ تین تو محبت کبو۔“ ۱۰

خراہنگا بندغاتا عِیسیٰ نا شاگرداترے آن نفرت کَنگ

- ۱۸ ”ارا وخت آوا وُتیا نا خراہنگا بندغاگ تُمے آن نفرت کیر، تو یات کبو کہ دا
 ۱۹ وُتیا نا خراہنگا بندغاگ کئے آن ہم نفرت کریسر۔ ۱۰ اگہ تُم دا خراہنگا بندغاتے آن بار

۲۰ مروسورے، تو دافک تین پہ تین تو محبت آن بار ٹم تو ہم محبت کیرہ۔ ولے
ای ٹمے تین کے گچین کرٹٹ، او ٹم دافٹے آن بار آفیرے۔ دا خاطر آن دافک ٹمے
آن نفرت کیرہ۔ ○ کنا پیتاے پلو آتقبو۔ کس مے تینا مالک آن بڑز آفک۔ اگر
دافک کنے مصیبت او تکلیف ایتیرہ، تو دافک ضرور ٹم تو ہم ہندن کرور۔ ولے
۲۱ ہمو بندغاک کہ کنا پیتا تازی آمل کیرہ، اوفک ٹما پیتا تازی آہم عمل کرور۔ ○ ولے
خراپنگا بندغاک درست کپسہ کہ باوہ خدا کنے راہی تسونے۔ دافک ٹمے پریشانی او
۲۲ تکلیف ایتیرہ، آنتے کہ ٹم کنا تازی آایمان تچانورے۔ ○ اگر ای دا دتیا ٹی بفروٹٹ،
ہیت کپروٹٹ، دافک گناہ گار متویرہ۔ ولے دافک واسہ پاننگ کپسہ کہ ”نن دا
۲۳ تپنہ کہ گناہ آنت اے۔“ ○ آرا بندغ کنے آن نفرت کیک، او کنا باوہ غان ہم نفرت
۲۴ کیک۔ ○ دافک گناہ گار متویرہ اگر ای دافٹے معجزہ نشان تفروٹٹ، کہ واژان مست
دھنو معجزہ کس نشان تیتے۔ ولے ای نشان تسوٹٹ، ولدا ہم دافک کنے آن او
۲۵ باوہ غان نفرت کیرہ۔ ○ دافک کنے آن نفرت کیرہ، او ہندن مقدسنگا کتاب نا پیتاک
صبح ثابت مریرہ۔ او ٹی لکھوک اے ”اوفک بغیر وجہ غان کنے آن نفرت کیرہ۔“ ○
۲۶ ”خدا نا پاکنگا روح نا طاقت ٹما مدتے کننگ کے بریک، او باوہ خدا نا گنڈ آن
آرا پیغاماک او، اوفٹے ٹمے آریفک۔ دا پاکنگا روح نا طاقتے ای باوہ خدا نا گنڈ آن
۲۷ راہی کیوہ۔ او کنا باروٹ گواہی ایتک، ○ او ٹم ہم کنا باروٹ گواہی ایتیرے، آنتے
کہ ٹم کنا تبلیغ نا شروع کننگ نا وخت آن کن تون ارے۔ ○

۱ **ب** ”ای ٹمے دا پیتاے پاننگ ٹی اٹ، تاکہ ٹم مون آایمان آن ہر سینگیں پیرے۔ ○
۲ ٹم عبادت خانہ غاتے آن کشنگیرے۔ وختس بروئے کہ ٹمے کسفو کاک اُست ٹی سوچ
۳ کرور ”نن خدا کے نیکو کار ہم کننگ ٹی اُن۔“ ○ بندغاک دھنو کار ہم کیرہ، آنتے کہ
۴ دافک کنے او باوہ خداے تپسہ۔ ○ ولے ای ٹمے دا پیتاے منگ آن مست پاننگ
ٹی اٹ، تاکہ آرا وخت آدا پیتا تا پورہ منگ نا وخت برے، ٹم یات کیرے کہ ای
ٹمے آنت پاریسٹ۔ دا پیتاے ای ٹمے شروع ٹی خوانفتٹ، آنتے کہ ای ٹم تو اسٹہ۔

ولے واسہ خوانفنگ ٹی اُٹ، آنتے کہ ای پنگ ٹی اُٹ۔" ○

خُدا نا پاکینگا رُوح نا زِمہ واری

۵ "ای واسہ ہموڑا پنگ ٹی اُٹ، آرا کئے راہی تِسونے، ولے تھے آن کس کئے
 ۶ آن ہر یفتے کہ "نی آرانگ پنگ ٹی اُس؟" ○ بلکہ واسہ کہ ای تھے پاریت، تُم غلین
 ۷ مسورے۔ ○ ای تھے راست پاوہ، دا جُوان اے کہ ای تھے آن کاو، آنتے کہ آگہ ای
 ۸ ہمیرہ، تو خُدا نا پاکینگا رُوح نا طاقت ثما دت کنگ کے بَک۔ ولے آگہ ای کاو،
 ۹ تو ای اووے تھے آراہی کیوہ۔ ○ آرا وخت آ او بریک او ثابت کیک کہ دا وِنیانا
 ۱۰ بندغاتا خیالاک گناہ تا باروٹ، کنا معصومیت نا باروٹ او خُدا نا حساب کتاب نا
 ۱۱ باروٹ غلط او۔ ○ اوفتا سوچ گناہ تا باروٹ غلط اے آنتے کہ دافک کنا زی آیمان
 ۱۲ تچسہ۔ ○ اوفتا سوچ کنا معصومیت نا باروٹ غلط اے، آنتے کہ ای باوہ خُداغا پنگ
 ۱۳ ٹی اُٹ او تُم کئے خمیرے۔ ○ او دا ہم ثابت کیک کہ خُدا اوفتا حساب کتاب ضرور
 ۱۴ بلیک، آنتے کہ او مُست شیطان آن حساب کتاب ہلکونے، کہ شیطان خرابنگا بندغاتا
 ۱۵ زی آ حکومت کنگ ٹی اے۔ ○

۱۶ "کئے بھاز ہیت تھے پاروٹی اے، ولے تُم واسہ اوفتے پوہ مَفرے۔ ○ بلکہ آرا
 ۱۷ وخت آ خُدا نا پاکینگا رُوح نا طاقت تھے آبریک، او تھے ایلو راستگا پیتاے پائک، او
 ۱۸ ثما ہر نیکنگا کاریمتا باروٹ رہنمائی ئے کیک۔ او تینا طاقت اُٹ ہیت کپک، ولے
 ۱۹ آرا پیتاے او بَنک، تھے آرسیفک۔ او تھے مون آ مروکا پیتاے ہم پائک۔ ○ او کنا
 ۲۰ صفتے کیک او کئے عزت ایٹک، آنتے کہ آرا پیتاے کہ ای اووے پاوہ، دافتے او تھے
 ۲۱ آرسیفک۔ ○ ای او باوہ آسٹ اُن۔ ہندا خاطر آن ای پاریت "آرا پیتاے کہ ای
 ۲۲ اووے پاوہ، دافتے او تھے آرسیفک۔" ○

عیسیٰ نا تینا شاگرداتا خوشی او غمی نا باروٹ پیشن گوہی

۱۶ عیسیٰ تینا خاصنگا شاگردا تے پارے ”گراس وختے آن پد تُم کئے خمیرے، او ولدا گراس وختے آن پد تُم کئے خیرے۔“

۱۷ اونا گراس شاگرداک تین پہ تین تو ہیست کریسہ پاریر ”خواجہ پارے“ گراس وختے آن پد تُم کئے خمیرے، او ولدا گراس وختے آن پد تُم کئے خیرے۔“ وانا ۱۸ انت معنی اے؟ او دا ہم پارے ”ای تینا باوہ غاکاوه“۔ دا ”گراس وختے“ نا انت معنی اے؟ نن پوہ تئوین۔ دا انت نا باروٹ پاننگ ٹی اے؟

۱۹ عیسیٰ پوہ مس کہ ”وافک کئے آن سوال کیرہ“۔ اوفتا سوال کنگ آن مُست عیسیٰ اوفتے پارے ”ای تُمے پارٹ“ گراس وختے آن پد تُم کئے خمیرے، او ولدا گراس وختے آن پد تُم کئے خیرے۔“ ای چاوہ کہ تُم تین پہ تین تو ہندا پیتا نا باروٹ ۲۰ ہیست کنگ ٹی اے۔ ای تُمے راست پاوہ، تُم ہوغیرے، افسوس کیرے، ولے وتیا نا ایلو بندغاک خوش مریرہ۔ تُم عکین مریرے، ولے کنا پدی خنگ نا وخت ۲۱ آٹما غم خوشی ٹی بدل مریک۔ دھن کہ چٹنا نا ووی منگ نا وخت آلمہ بھاز پدیشان مریک کہ واسہ تکلیف نا وخت بسونے، ولے چٹنا نا ووی منگ آن پد او ۲۲ تینا تکلیفے گیرام کیک، او خوش مریک کہ چٹنا سلامتی آٹ دا وتیا ٹی بس۔ ہندن تُم تو مروئے۔ واسہ تُم کنا پنگ کئے عکین اے، ولے کنا پدی پنگ آن پد ۲۳ تُم کئے خیرے، تُم بھاز خوش مریرے۔ دا ہمیشہ نا خوشی مریک کہ داوے کس تُمے آن پلنگ کپک۔

۲۳ ”ای تُمے راست پاوہ، آرا وخت آ ای تینا باوہ غاکاوه، تُم کئے آن گرا خواپیرے۔ ۲۴ بلکہ تُم کنا باوہ غان وعا کیرے او کنا ذریعہ آٹ گرا خوارے، او خدا ضرور تُمے ایتک ۲۵ تا۔ واسکان تُم کنا پن آٹ خدا غان چچ خواہیتورے۔ تُم خواہو، او تُمے ایتک،

او تُم بھار خوش مرے۔" ○

عیسیٰ کل آن طاقت والا اے

- ۲۵ "ای تُمے تینا پیتا تا پوہ کنگ کے مثالے تے ہیست کریٹ۔ ولے وخت بریک
۲۶ کہ ای تُم تو مثالے تے ہیست کپہ، بلکہ تُمے صفا صفا تینا باوہ نا باروٹ پاوہ۔ ○ کنا
پدی زندہ منگ آن پد تُم آرا گڑا ہم کنا پن آٹ خداغان خوارے، او تُمے ایٹیک۔
۲۷ کن کے ضروری مفک کہ باوہ خدائے پاو کہ "دافتے وا گڑائے ایٹے" ○ باوہ خدا تُم
تو محبت کیک، آنتے کہ تُم کن تو محبت کیرے او دا ایمان تھانورے کہ ای خدا
۲۸ نا گنڈ آن بسوٹ ○ ای یقیناً دا وٹیا تے باوہ خدا نا گنڈ آن بسوٹ، او واسہ دا
وٹیاے ایوہ، پدی اوڑا کاوہ۔" ○
- ۲۹ ولدا اونا شاگرداک پاریر "نن واسہ پوہ مسن، آنتے کہ نی مثالے تے ہیست
۳۰ کتویس، بلکہ صفا صفا پاریس ○ نن پوہ مسن کہ نے گل جہان نا خبر اے، او نی
بندغاتا سوالے سوچ کنگ نا وخت آپوہ مرے۔ دا ہیست ثابت کیک کہ نی خدا
نا گنڈ آن بسوٹس او نن نازی آ ایمان تھان۔" ○
- ۳۱ عیسیٰ اوفتے پارے "تُم واسہ ایمان تھانورے؟ ○ واسہ وخت خُک بسونے کہ تُم
۳۲ گل جتا جتا مرے، او ہر کس ثما تینا اراغا کایک۔ ای تینا سلیوہ۔ ولے ای ضروری
تینا آف، آنتے کہ باوہ خدا کن تون اے ○ ای تُمے دا پیتا تے پاریٹ تاکہ کن تو
۳۳ محبت کنگ نا وجہ غان تُم روحانی طور آٹ پریشان مفرے۔ دا وٹیا نا بندگاک تُم
تکلیف ایٹیرہ، ولے ہمت کبو، آنتے کہ دا وٹیا نا خرابنگا بندغاتا زی آ حکومت کروکا
شیطانے ای کٹاٹ۔" ○

عیسیٰ نا تینا شاگردا تے کے دُعا کنگ

۱ **ب** دا پیتا پانگ آن پد عیسیٰ آسمان نا گنڈ آہرا او پارے "اے باوہ خدا،
 ۲ کنا کسینگ نا وخت خُک بَسونے۔ تینا مارے طاقت ایتے، تاکہ کنا کینگ اٹ نا
 ۳ او کنا عزت بَرز آمرے۔" نی کئے دنیا نا گُل بندغاتا زی آ طاقت تِسوئس، تاکہ ای
 ۴ ہموقتے ہمیشہ نا زندگی ایتیوہ آرافتے کہ نی کنا کسر آتیسے۔ ہمیشہ نا زندگی
 ۵ تینگ نا معنی داو اے کہ اوفک نے چار کہ نی آسینگا خدا اُس، او اوفک کئے ہم
 ۶ چار کہ ای نا مقرر کروکا اٹ او نی کئے راہی کریئس۔ ای نا طاقتے داڑے دُغار نا
 ۷ بندغاتے نشان تِسوئس، او آرا کاریمتے نی پاریسس، ای کریئٹ۔ باوہ خدا، کئے
 ۸ واسہ تینے آدرک، تاکہ کنا عزت بَرز آمرے، دُهن کہ داوتیا نا جوڑ منگ آن مُست
 ۹ نی کئے عزت ترفیس۔

۱۰ "نی گڑاس بندغ کچین کریئس، ای واقفے آنا پیغامے رسیفیٹ۔ دافک نا
 ۱۱ پیغامے مَنانو، او کنا شاگردو جوڑ مسونو۔ واسہ دافک نہ صرف نا کچین کروکاک او، بلکہ
 ۱۲ کنا شاگرداک ہم آریہ۔" او دافک واسہ چارہ، آرا طاقت کن تو آرے، نا گنڈ آن
 ۱۳ بَسونے۔ ای واقفے آنا پیغامے رسیفیٹ، دافک قبول کریہ تہ۔ دافک واسہ دا
 ۱۴ ایمان تِخانو او یقیناً چارہ کہ ای نا گنڈ آن بَسوئس، او نی کئے راہی کریئس۔
 ۱۵ "ای تینا زی آ ایمان تِخو کاتے کے خاص طور اٹ دُعا کیوہ، آنتے کہ نی واقفے
 ۱۶ کن کے کچین کریئس۔ ولے ای دنیا نا ایلو بندغاتے کے ہندا خاصنگا دُعا کپہ۔
 ۱۷ دافک کہ کنا کسر آ بَسونو، کنا شاگردو مسونو۔ دافک نہ صرف کنا شاگرداک او، بلکہ نا
 ۱۸ ہم آریہ، آنتے کہ ای او نی مار باوہ اُن، او واقفہ ذریعہ اٹ کنا عزت بَرز آ مسونے۔
 ۱۹ داوتیا ئی کنا وخت پورہ مسونے، ای نا گنڈ آ پینگ کے تیار اٹ، ولے دافک ہندا
 ۲۰ دُعا ئی رہینگیرہ۔ مقدسنگا باوہ، تینا طاقت اٹ، کہ نی دا طاقتے کئے ہم تِسوئس، واقفہ

- ۱۲ دا دنیا ٹی سمبالے کرک، تاکہ دافک تین پہ تین تو اتفاق کیر، دھن کہ ای او نی تین پہ تین تو اتفاق کینہ۔ ○ آرا وخت آ ای دافقے تو آسٹ، ای نا طاقت اٹ کہ نی کئے تسوئس، ای دافقا سمبالے او مدتے کریٹ۔ بغیر آسٹ آن ایلوفک گل کنا کسر آسٹو۔ آسٹس بتو۔ او شیطان نا کسر آپنگ ٹی اے، دوزخ آ کائک، تاکہ مقدسنگا کتاباتا پیشن گوہیک اونا باروٹ صبح ثابت مریر۔ ○
- ۱۳ ”ای واسہ نا گنڈ آپنگ کے تیار اٹ، ولے پنگ آن مسٹ ای دا پنتاے دافقے پاننگ ٹی اٹ، تاکہ آرا وخت آ داپتاک ثابت مریر، دافک پریشان مفس، بلکہ ہندن کہ ای خوش اٹ دافک ہم ہندن خوش مریر۔ ○ ای دافقے آنا پیغامے رسیفیٹ۔ دافک منار، دنیا نا ایلو بندغاک دافقے آن نفرت کریر، آنتے کہ دافک دنیا نا ایلو بندغاتے آن بار آفس، دھن کہ ای دنیا نا بندغاتے آن بار آف۔ ○ ای دا دماعے کپہ کہ ”دافقے دا دنیاغان کشہ۔“ بلکہ ای دماعیوہ کہ ”دافقے شیطان نا جال آن پچائف۔“ ○ دھن کہ ای دنیا نا بندغاتے آن بار آف، دافک ہم دنیا نا ایلو بندغاتے آن بار آفس۔ ○ نا پیغام راست اے، کنا کسر آ بروکاتے دا پیغامے پوہ کرک، او دافقے دا پیغام نا خرمٹ کنگ کے قبول کرک۔ ○ نی کئے دنیا نا بندغاتے آ راہی کریر۔ ہندن ای دافقے دنیا نا ایلو بندغاتے آنا کاریکے کنگ کے راہی کیوہ۔ ○ ای نا خرتے کنگ ٹی اٹ، تاکہ دافک کئے آن بار ہمیشہ آست نا حُب اٹ نا خرتے کیر۔ ○
- ۲۰ ”ای نہ صرف دا شاگرداے کے دماعواینگ ٹی اٹ، بلکہ ہموقتے کے ہم دماعیوہ کہ اوفک شاگرداے تبلیغ اٹ کنا پیغام نازی آ ایمان تخیہ، ○ تاکہ اوفک تین پہ تین تو اتفاق کیر۔ اے باوہ، ای نے تو محبت کیوہ، او نی ہم کئے دوست توریر۔
- ۲۱ ای دماعیوہ کہ دافقا محبت نن کے مرے، تاکہ دنیا نا ایلو بندغاتا یقین مرے کہ نی کئے راہی کریٹس۔ ○ اے باوہ، ای او نی آسٹ آن، او آرا عزتے کہ نی کئے تسوئس،
- ۲۲ ای اوفقے ہم تینا خوش نا مطابق ہندا عزتے تسوٹ۔ ○ ای اوفقے تو اتفاق کیوہ،
- ۲۳ دھن کہ نی کن تو اتفاق کیسہ، تاکہ اوفک تین پہ تین تو اتفاق کیر۔ دا طریقہ اٹ

دنیا نا بندغاتے خبر تہک کہ نی کنے راہی کریٹس، او نی اوفتے تو ہندن محبت کیسہ،
دھن کہ کن تو محبت کیسہ۔

”اے باوہ، وا بندغاتے، کہ نی کنا کسر آتیسہ، اوفک ضرور کن تو اوار جنت
ٹی رہینگیر، تاکہ اوفک کنا عزتے نا مون آخیر، اتے کہ نی جہان نا جوڑ منگ آن
مست کن تو محبت کنگ ٹی اُس او کنے عزت تینگ ٹی اُس۔“

”اے انصاف نا فیصلہ کروکا باوہ، دنیا نا ایلو بندغا کہ ورست کپسہ، ولے
ای چاوہ او کنا کسر آبروکا بندغا کہ ہم چارہ کہ نی کنے راہی کریٹس۔“ ای نا پیغامے
اوفتے آر سیفیٹ، او مون آہم رسیفیوہ، تاکہ وا پیغام نا ذریعہ آٹ آرا محبت نے
کن تو آرے، اوفتے کہ ہم مرے، او ای او اوفک آیت مرین۔“

عیسیٰ نا گرفتاری

(متی ۲۶: ۲۶-۵۸؛ مرقس ۱۴: ۲۳-۵۲؛ لوقا ۲۲: ۴۷-۵۲)

۱ **ب** وا دعائے خواتنگ آن پد عیسیٰ تینا خاصنگا شاگردا تے تو اوار قدرون پنی آجو
۲ نا ایلو گنڈ آہنا۔ ہموڑے عیسیٰ او اونا شاگرداک زینئون نا باغے ٹی ہنار۔“ یہودواہ،
کہ او غدار اسکہ، اووے خبر اسکہ کہ عیسیٰ آرا نگ ہنارے، اتے کہ واژان مست عیسیٰ
۳ اکثر تینا شاگردا تے تو داڑے ملاکہ۔“ بھلا ایلو او فریستی فرقہ نا بندغا کہ گراس بھلا
عبادت خانہ نا خیال داری کروکا سپاہی تے آن یہودواہ تو راہی کسہ۔ اوفتے تو اوار روپیو
فوج نا فوجیک ہم آترہ۔ وا بندغاتے تو اسلحہ اسکہ، او اوفتے تو روشنائی کنگ کے
چراغاک آترہ۔ اوفتا رہنائی کے یہودواہ مون آن اسکہ۔ واک بارغ ٹی سر مسر۔
۴ عیسیٰ تو آرا بیتاک مروئی آترہ، اووے خبر اسکہ۔ ہندا خاطر آن او مون آبس، ہریفے
”نم دیے پینگ ٹی آرے؟“

اوفک جواب تسر ”عیسیٰ ناصری ہے۔“

- عِیسیٰ پارے "ای عیسیٰ ناصری اُٹ"۔
- ۶ اُرا وخت آ عیسیٰ دا ہیٹے پارے، بروکا بندغاگ منہ گام پدی ہنار، او عیسیٰ نا
طاقت نا خولیس آن دُغار آ تمار۔ یہودواہ، کہ غدار اسکے، اوفتے تو اوار اسکے۔
- ۷ عیسیٰ اسے کا ولدا ہرینے "ثم دیرے پٹنگ ٹی اُرے؟"
- اوفک جَواب تَسر "عیسیٰ ناصری اُے"۔
- ۸ عیسیٰ اوفتے پارے "ای تھے مُست ہم پاریٹ کہ ای عیسیٰ ناصری اُٹ۔ اگ
ثم کنے گرفتار کنگ کے پٹنگ ٹی اُرے، تو کنا شاگردا تے یدہ کبو، کار۔"
- ۹ او دھن پارے تاکہ اُرا ہیٹے او مُست پاریس صبح ثابت مرے۔ او پاریس
"اے باوہ، ارافک کہ کنا کسر آ بسونو، اوفتے پچ مَف"۔
- ۱۰ پطرس تو اسے زغمس اسکے۔ او زغمے تینا کشا، گل آن بھلا امام نا مے نا
۱۱ راست میکو خفے تڑے۔ دا مے نا پن ملُٹس اسکے۔ عیسیٰ پطرسے پارے "زغمے
تینا پدی تَخ۔ نا خیال ٹی ای ہمو مصیبت او تکلیفے سہیر کہ کنا باوہ کن کے گچین
کریں تہ؟"
- ۱۲ واکان پد روویو فوج او اوفتا افسر او ایلو یہودی خیالداری کروکا سپاہیک
عیسیٰ اُے تفسیر، گرفتار کریں۔ اوفک اولیکو وار اووے کائفا نا مالم آ ورسر، کہ پن تہ
۱۳ حنا اسکے او گدرینگو کا سال نا گل آن بھلا امام رہینگاس۔ او داسہ کائفا دا سال ٹی
۱۴ گل آن بھلا امام اسکے۔ وا ہمو کائفا اے کہ یہودی معتبراتے پاریس "وا جَوان
اے کہ اسے بند غس کہے تاکہ ایلو قوم بچے"۔

پطرس نا اولیکو وار عیسیٰ نا درست کنگ آن انکار

(متی ۲۶: ۶۹-۷۰؛ مرقس ۱۴: ۶۶-۶۸؛ لوقا ۲۲: ۵۵-۵۷)

۱۵ پطرس او اسے پین شاگردس عیسیٰ نارند اُٹ ہنار۔ ایلو شاگردے مُست نا گل

آن بھلا امام حنا جوان درست کریک۔ ہندا خاطر آن وا شاگرد عیسیٰ تو اوار گل آن
 ۱۶ بھلا امام نا حویلی ٹی ہنا، ۱۷ دے پطرس پیشن دروازہ غا سلیس۔ ولدا ایلو شاگرد
 پدی ہرینگ، دروازہ نا چوکیدار، کہ نیازی س اسکہ، اوڑ تو بیت کرے او پطرس تہہ
 ۱۷ ٹی میں۔ ۱۸ وا چوکیداری کروکا نیازی پطرس آن ہریفے ”کنا خیال ٹی نی وا گرفتار
 مروکا بندرغ نا شاگردے اُس؟“

پطرس جواب تے پارے ”آخا۔ ای آف۔“
 ۱۸ نن یخ اسکہ۔ ہندا خاطر آن نوکراک او خیال داری کروکا سپاہیک خاخرس لگفیر،
 او اونا چارمہ گنڈ آتینے باسینگ کے سلیسر۔ پطرس ہم اوفتے آ ہنا او اوفتے تو
 سلیس، او تینے باسے۔

عیسیٰ نا حنا نا مون آ پیشی

(متی ۵۹: ۲۶-۶۶؛ مرقس ۵۵: ۱۲-۶۲؛ لوقا ۲۲: ۶۶-۷۱)

۱۹ گدرینگو کا سال نا گل آن بھلا امام حنا عیسیٰ غان اونا شاگردا تا او اونا خوانفینگ
 نا باروٹ ہریفے۔

۲۰ عیسیٰ اودے پارے ”ای خدا نا پیغامے دگوئی آٹ خوانفینگ، بلکہ بھلا عبادت
 ۲۱ خانہ او ایلو عبادت خانہ غاتے ٹی یہودی تا مون آ ویری آٹ خوانفینگ۔ ۲۲ گڑانی کنے
 آن آتے دا سوال لے ہریفینگ ٹی اُس؟ بامید اے کہ نی ہمو بند غاتے آن دا پیتاتے
 ہریفوس، کہ ای اوفتے خوانفینگ، او اوفک چارہ کہ ای اوفتے آت خوانفینگ۔“
 ۲۲ آرا وخت آ عیسیٰ دا پیتاتے پارے اسہ خیال داری کروکو سپاہی س عیسیٰ نا گلک آ
 چپلس خلک او پارے ”نہ شرم بنگ، گل آن بھلا امام تو دھن بیت کیسہ؟“

۲۳ عیسیٰ اودے پارے ”اگہ ای غلطو بیتس پارینگ، تو داڑے موجود گل بند غاتے
 پا۔ ولے اگہ ای صیحو بیتس پارینگ، تو نی کنے آتے خلکس؟“

۲۳ ولدا حنا عیسیٰ ئے تفوک واسال نا گُل آن بھلا امام کا اُفنا راہی کرے۔ ○

پطرس نا ارٹ میکو او مُسٹ میکو
وار عیسیٰ نا درُست کنگ آن انکار
(متی ۲۶: ۷۱-۷۵؛ مرقس ۱۴: ۶۹-۷۲؛ لوقا ۲۲: ۵۸-۶۲)

۲۵ پطرس واسکان خاخر آ سلوک تیغے باسینگ ٹی اسکے۔ ہموڑے سلوکا بندغاک
اوران ہریفیر ”ننا خیال ٹی نی گرفتار مروکا بندغ نا شاگردے اُس؟“
پطرس انکار کرے، پارے ”آخا۔ ای آف۔“ ○

۲۶ گُل آن بھلا امام نا اسے مے س، کہ ہمو بندغ نا سیالس اسکے آرا نا کہ پطرس
عیسیٰ نا گرفتاری نا وخت آخے تریسٹس، پارے ”کنا یقین اے کہ ای نے وا
گرفتار مروکا بندغ تو باغ ٹی خنائٹ۔“ ○

۲۷ پطرس مُسٹ میکو وار پارے ”آخا، ای ہمو آف۔“
وا وخت آ بانگو بانگ تس۔ ○

عیسیٰ نا گورنر پیلّاٹس نا مون آ پیشی
(متی ۲۷: ۱-۲۳؛ ۲۷: ۱۱-۱۴؛ مرقس ۱۵: ۱-۵؛ لوقا ۲۳: ۱-۵)

۲۸ سوب نا مالو، عیسیٰ کا اُفنا آراغان روویو گورنر پیلّاٹس نا آراغا ونگا۔ یہودی تا
معتبر اک گورنر نا آراغان پیشن سلیسر۔ اوفتا یقین اسکے کہ اگ اوفک ایلو قوم والا
بندغ نا آرا نا تہہ ٹی ہنوسر، تو نا پاک مسرہ، او اوفک بچا اُفنگ نا عید نا ارغے
۲۹ گینگ کتویرہ۔ ہندا خاطر آن اوفک آرا نا تہہ ٹی بستویر۔ ○ وا وجہ غان پیلّاٹس پیشن
معتبر آے آ بس او اوفتے آن ہریف ”وا بندغ نا زی آ آنت الزام اے کہ کئے آ

ہیسونورے تہ؟" ○

۳۰ دافک جواب تسر، پارے "نن داوے نے آہیتوینہ اگہ دا جرمس کتویکہ۔" ○
۳۱ پیلٹس اوفتے پارے "کنا گند آن ٹھے اجازت اے، داوے دبو، او تینا شریعت
نا مطابق رزا ایتبو۔"

دافک جواب تسر، پارے "ولے نئے اجازت آفک کہ نن کسے کسفنگ نا رزا
ایتین۔" ○

۳۲ او دھن مس آنتے کہ عیسیٰ نا پیش گوہی ئے صبح ثابت مروئی آسکہ، کہ او
پاریس "ای تیفنگیوہ، کسفنگیوہ۔" ○

۳۳ پیلٹس پد آرا ٹی ہنا، عیسیٰ ئے خوائے، او اوڑان ہریئے "نی یہودی تا بادشاہ
اُس؟" ○

۳۴ عیسیٰ اووے پارے "دا سوالے نی تینے آن ہریفنگ ٹی اُس، یا پیش سلوکا
معتبراک نے پارینو؟" ○

۳۵ گورنر ولدا پارے "نا خیال ٹی ای یہودی سے اٹ؟ بھلا امام او ایلو یہودییک
نے گرفتار کرینو، کنا مون آپیش کرینو۔ نی آنت جرمس کریس؟" ○

۳۶ عیسیٰ اووے پارے "کنا بادشاہی دا دنیا ٹی آفک۔ اگہ کنا بادشاہی دا دنیا ٹی
مروئس، تو کنا شاگرداک دھن آسانی ٹی کئے یہودی معتبراتا دو ٹی تئویرہ، بلکہ
جنگ کرہ۔ ولے کنا بادشاہی دا دنیا ٹی آفک۔" ○

۳۷ ولدا پیلٹس اوڑان ہریئے "گڑا دا راست اے کہ نی بادشاہ سے اُس؟"
عیسیٰ اووے پارے "آؤ۔ ہندن کہ نی پاریس۔ ولے ای دا مقصد کے دا دنیا
ٹی بسوٹ کہ راستگا پیغامے مخلوق آر سیفیو۔ آرا بندرغ دا راستگا پیغامے منک،
کنا پتاتے آتوجہ ایتک، او کنا کسر آبریک۔" ○

۳۸ پیلٹس پارے "کنا خیال ٹی کس تیک کہ راستگا پیغام آنت اے۔"

عیسیٰ نا کسفنگ نا فیصلہ

(متی ۲۷: ۱۵-۳۱؛ مرقس ۱۵: ۶-۲۰؛ لوقا ۱۳: ۱۳-۲۵)

- ۳۹ ولدا پیلٹس پیشن بس او مخلوقے پارے "وا بندغ کنا مون آ مجرم افک-
ولے ای رواج نا مطابق ثما ہر بجائنگ نا عید نا دے آ اسہ یہودی و قیدی سے یلہ
کیوہ- اگہ ثما خوش اے، ای دا دے آ یہودی تا بادشاہے یلہ کیوہ-"
۴۰ اوفک گل چیانٹ خلیسہ پاریر "آخا- داوے یلہ کہہ- بلکہ برآباے یلہ کر-"
برآبا اسہ بھلو ڈاگو او خونی س اسکہ-
۱۹ ولدا پیلٹس عیسیٰ فوجی تے آن کوڑا خلفے- فوجیک پتی آ کاشاتا اسہ
تاجس جوڑ کریر او اووے عیسیٰ نا کاٹم آ تاج، ولدا اووے وانگری و رنگ نا کوٹس
بینفیر، او عیسیٰ غا بسر پاریر "یہودی تا بادشاہ، نا عمر دراز مرے-"
۳ ولدا اوفک عیسیٰ چیلہ خلک-
۴ پیلٹس اسہ کا ولدا پیشن ہنا او مخلوقے پارے "ای واسہ وا بندغے واڑے ثما
مون آ پیشن آتیوہ- واڑان ثابت مریک کہ کنا خیال ٹی او مجرمس افک-"
۵ عیسیٰ کاٹم نازی آ پتی آ کاشاتا تاج بینوک او وانگری و رنگ نا کوٹ بینوک
پیشن بس- پیلٹس پارے "ہربو، وا ہمو بندغ اے-"
۶ آرا وخت آ بھلا امانک او خیال داری کرو کا سپاہیک عیسیٰ خنار اوفک چیانٹ
خلیسہ پاریر "صلیب آتف، کسف تہ، صلیب آتف، کسف تہ-"
پیلٹس اوفتے پارے "کنا خیال ٹی دا مجرمس افک- ثم دیو، صلیب آتقبو،
کسفو تہ-"
۷ یہودی یک چیانٹ خلیسہ پاریر "ننا شریعت پانک "وہنگا بندغ ضرور کسفنگے"،
آتتے کہ دا دعویٰ کرینے "ای خدا نا مار اٹ-"
۸

۸ ارا وخت آپیلٹس دا پیتاے بنگ، او خولیس۔ او عیسیٰ نے تین تو ارا ٹی
درے، اوڑان ہریفے "نی اراکان بسونس؟"
۹ ولے عیسیٰ جواب یتو۔

۱۰ پیلٹس اووے پارے "بن او یات تھ، اگہ نی کن تو بیت کپیر، کن تو طاقت
ارے کہ ای نے یلہ کیو یا صلیب آتقیو، کسفیو۔"
۱۱ عیسیٰ اووے پارے "نا طاقت کنا طاقت آن بزز آف۔ ولے نی کنے کسفنک
کیسہ اتے کہ حکومت نا طاقتے خدا نا ذو ٹی تسونے۔ او دا بندرغ، کہ کنے نا ذو ٹی
تسونے، وانا دا گناہ نا گناہ غان بزز آاے۔"

۱۲ ارا وخت آپیلٹس عیسیٰ نا دا پیتاے بنگ، او کوشستے کرے کہ "بہانہ سے اٹ
عیسیٰ نے یلہ کیو۔" ولے ہموڑے موجود یہودی یک چیانٹ خلیسہ پاریر "اگہ نی داوے
یلہ کیسہ، تو واڑان ثابت مریک کہ نی روئیو شہنشاہ نا سنگت آفیس۔ او ارا بندرغ
تینے "بادشاہ" پانک، او شہنشاہ غان بغاوت یک۔"

۱۳ مخلوق نا دا پیتاے پینگ آن پد پیلٹس عیسیٰ نے کشا او جرم نا فیصلہ کروکا گرسی
آٹوس۔ گرسی نا مون آاسہ خلی و فرش اسکہ کہ بندرغاک اوڑے سلیسرہ، حاکم نا
فیصلہ غاتے بنگرہ۔ یہودی تا زبان یعنی عبرانی ٹی دا جاگہ نے "گبتا" پاریرہ۔
۱۴ دا پچائینگ نا عید ناوے کے ارغ تیار کننگ ناوے اسکہ، او نیم روچ اسکہ،
کہ پیلٹس یہودی مخلوقے پارے "داوے ثما بادشاہ۔"

۱۵ مخلوق چیانٹ خلیسہ پارے "کیف تہ۔ صلیب آتف، کیف تہ۔"
پیلٹس اوفتے آن ہریفے "ثما خیال ٹی ای ثما بادشاہ نے صلیب آتقیو، کسفیو؟"
بھلا ایاک جواب تسر "صرف روئیو شہنشاہ ننا بادشاہ اے۔"
۱۶ ولدا پیلٹس یہودی تا خوش نا مطابق عیسیٰ نے فوجی تا ذو ٹی تس، تاکہ دافک
اووے صلیب آتقیو، کسفیو۔

عیسیٰ نا کسفنگ کے صلیب آ تفنگ

(متی ۲۷: ۲۷-۳۲؛ مرقس ۱۵: ۲۱-۳۲؛ لوقا ۲۳: ۲۶-۴۳)

- ۱۷ فوجیک عیسیٰ ئے دریر۔ ○ عیسیٰ تینا صلیب بیفیس۔ اوفک ہمو جاگہ غا سر مسر
کہ عبرانی زبان ٹی دا جاگہ ئے ”گلگتا“ پاریرہ، او وانا معنی اے ”مڈول نا جاگہ“۔ ○
۱۸ داڑے اوفک عیسیٰ ئے صلیب آ تفیر، نت دوتے ٹی تہ مخ خلگر۔ اوفک ارا پین
بندغ ہم صلیب آ تفیر مخ خلگر، اسٹس عیسیٰ نا راست میکو گنڈ آ، ایلو چپی کو گنڈ آ،
۱۹ او عیسیٰ اوفتا نیام ٹی اسکہ۔ ○ پیلاٹس تختی سے آ لکھا، اوڑے عیسیٰ نا صلیب نازی
آ لنگھے۔ تختی آ لکھوک اسکہ ”عیسیٰ ناصری، یہودی تا بادشاہ“۔ ○ ہزارنگا یہودی
۲۰ او ایلو بندغاک داوے خوانار، اتے کہ داپتاک عبرانی، لاطینی او یونانی زباناتے ٹی
لکھوک اترہ، او جاگہ آراڑے کہ عیسیٰ صلیب آ تفنگاس شار آن خڑک اسکہ۔ ○
۲۱ بھلا ایلک پیلاٹس آن فریاد کریر، پاریر ”دا تختی نازی آ لکھپہ کہ“ دا یہودی تا
بادشاہ اے۔ ”بائیدے دھن لکھہ کہ“ دا بندغ دعویٰ کرینے کہ ”ای یہودی تا بادشاہ
اٹ“۔ ○

- ۲۲ وے پیلاٹس پارے ”انت کہ لکھنگانے، او بدل مَفک“۔ ○
۲۳ فوجی تا عیسیٰ ئے صلیب آ تفنگ آن پد، اوفک عیسیٰ نا گراتے چار بشخ کریر،
او ہر فوجی ئے اسہ بشخ یر۔ اوفک عیسیٰ نا گوس ہم دِرفیر۔ دا گوس ہر جاگہ غان
موغنگتوئیس، بلکہ لُج آن الیس شیف اسکان اسہ دسک اٹ موغنگاس۔ ○
۲۴ فوجیک اسہ پہ ایلو تو تینا پاریر ”داوے آرپنہ، بلکہ تیر شاغینہ، ہرین کہ دا ونا
بشخ ٹی بریک“۔

اوفک ہندن کریر کہ مقدسنگا کتاب ٹی لکھوکا پتاک صبح ثابت مسر۔ او ٹی
لکھوک اے

”اوفک کنا گراتے تین پہ تین ٹی بشخ کیرہ،

او کنا گوس کے تیر شاغیرہ۔“

عیسیٰ نا صلیب نا رہی آ عیسیٰ نا لمہ، عیسیٰ نا تاتہ، مریم مگد لینی، او مریم کہ او

کلو پاس نا زائفہ اسکہ، سلوک اترہ۔ عیسیٰ تینا لمہ او کنا گنڈ آ ہرا۔ او تینا لمہ

پارے ”لمہ، اینو آن پد داوے تینا مار چاس۔“

ولدا او کئے پارے ”داوے تینا لمہ چاس۔“

او داکان پد عیسیٰ نا لمہ کن تو کنا آرا ٹی رہینگا۔

عیسیٰ نا کہنگ

(متی ۲۷: ۲۵-۵۶؛ مرقس ۱۵: ۳۳-۴۱؛ لوقا ۲۳: ۲۳-۴۹)

عیسیٰ چالسک کہ اونا دا دنیا ٹی ینگ نا مقصد پورہ مسونے۔ او مقدسنگا کتاب نا

پیشن گوہیئے پورہ کنگ کے پارے ”ای ملاس اٹ۔“

ہموڑے اسہ رزائے ٹی خریدو انگور نا جوس اترہ۔ اسہ فوجی س اسپنجے، کہ دا

پمبہ غان بار اسکہ، دا جوس ٹی پالے، داوے لے نازی آ تے او عیسیٰ نا گنڈ آ

مریفے۔

عیسیٰ دافے آن مچ گنگ، او پارے ”اسہ کنا کاریم خلاص مس۔“

اونا لچ شیف مس، او دا دنیائے اِلا۔

عیسیٰ نا پالو ٹی ٹنگ کنگ

جُمہ ناوے آ دیگر تو یہودی معتبر اک پیلٹس آپدی ہنار، اووے پارے ”تینا

فوجی تے حکم ایتے کہ اوفک صلیب آ تفو کا بند غاتانت تا ہڈاتے پرغیر، تاکہ اوفک

ژو کہیر، او نن اوفتا لاشاتے صلیباتے آن درفین، او دفن کنگ کین۔
 اوفک داپتاتے دا خاطر آن پاریر، اتے کہ دابروکا عبادت او آرام نادے خاصنگا
 دے اسکے، او اوفتا خوش آلوکے کہ ہفتہ یعنی عبادت او آرام نادے آ بندغاک
 صلیب نازی آ تفوک مرید۔

- ۳۲ فوجیک بسر او عیسیٰ ناری آ صلیب آ تفوکا ہر توماتا بندغاتا نت تا ہڈاتے پردار۔
 ۳۳ ولے آرا وخت آ اوفک عیسیٰ نانت تا ہڈاتے پرغنگ کے بسر، اوفک خنار کہ ”دا
 ۳۴ بندغ کسکونے۔“ دا خاطر آن اوفک عیسیٰ نانت تا ہڈاتے پرغٹویر۔ ولے اوفتے آن
 اسے فوجی س تینا نیزہ لے ولدا ہم عیسیٰ ناپالو ٹی خلک۔ اسے وار تو وتر او ویر لاش
 ۳۵ آن پیش تمار۔ او ای دا گڑاتے تینا ختے تو خنٹ، او دانا باروٹ گواہی تینگ ٹی
 اٹ تاکہ تم ہم عیسیٰ نازی آ ایمان تخیرے، اتے کہ کنا گواہی راست اے، او
 ۳۶ یقین اے کہ ای دروغ تہیرہ۔ او عیسیٰ ناکہنگ آن پد تورات نا دا ہیست صبح
 ۳۷ ثابت مس کہ ”اونا اسے ہڈس ہم پینک۔“ او مقدسنگا کتاب ٹی اسے پین جاگے آ
 دا ہم لکھوک اے کہ ”مخلوق پالو ٹی ٹنگ مروکا بندغ نا گنڈ آہریرہ۔“

عیسیٰ نا کفن او دفن

(متی ۲۷: ۵۷-۶۱؛ مرقس ۱۵: ۴۲-۴۷؛ لوقا ۲۳: ۵۰-۵۶)

- ۳۸ داکان پد یوسف، کہ آرمیہ شار آن بسوس او ڈکوئی آٹ عیسیٰ نازی آ ایمان
 تجاس اتے کہ او یہودی معتبر اتے آن خولیسکے، او پیلاطس آہنا، اوڑان خواست
 کرے ”خواجہ، کنے اجازت ایقے کہ ای عیسیٰ نالاشے دیو۔“
 پیلاطس اووے پارے ”نی لاشے دینگ کیسہ۔“
 ۳۹ یوسف لاشے بیفنگ کے ہنا۔ نیکدیمس، کہ او اولیکو وار نن نا وخت آ عیسیٰ
 تو یلنگ کے ہناس، یوسف تو عیسیٰ نالاشے بیفنگ کے ہنا، او تین تو تقریباً

۳۰ سی او پنچ سیر عطر او لم پیفے۔ ○ دا ارا بندرغ عیسیٰ نا لاشے بیفیر، یہودی تارواج
 نا مطابق لاش آ عطر او ملتے خلک، اودے کفے ٹی پیرار او دفن کنگ کے تیار
 ۳۱ کرے۔ ○ ارارے کہ عیسیٰ تیفنگا، کسفنگا، اوڑان خُک باغس اسکے، او اوڑے غار ڈولو
 ۳۲ قبرس ہم اسکے، کہ او ٹی داسکان گس دفن کنگتویس۔ ○ واک عیسیٰ نا لاشے
 ہموڑے تیار، اتے کہ عبادت او آرام نادے شروع منگ نا وخت خُک اسکے، او دا
 غار ڈول آقبر ہم خُک اسکے۔ اوفک غار نا بائے اسے بھلو خَلے اٹ بند کرے۔ ○

مریم نا پریشان منگ کہ ”غار ڈول آقبر خالی اے“
 (متی ۱۰:۲۸-۱۰:۲۸؛ مرقس ۱۶:۱-۱۶:۸؛ لوقا ۲۴:۱-۱۲)

۱ **ب** یکشمبے نا سوب کے بانگو نا بانگ تو مریم مگد لینی غار ڈولنگا قبر آ عیسیٰ
 ۲ ہرنگ کے ہنا۔ او خنا کہ غار نا با آن خل مر اسکے۔ ○ او زریسہ پطرس او کنے آ بس
 او نئے پارے ”خواجہ نا لاشے غار ڈولنگا قبر آن کشانو، ورینو، او نن پتہ کہ اودے
 ارانگ ورینو“۔ ○

۳ ای او پطرس زریسہ غار ڈولنگا قبر نا گند آ ہنان۔ ○ ولے ای پطرس آن تیز
 ۴ نراٹ او اوڑان مست غار ڈولنگا قبر آ سر مست۔ ○ ای غار نا تہ ٹی ہتویسٹ، بلکہ
 ۵ تینے ڈول کریٹ او غار نا تہ ٹی ہراٹ، او ہموڑے صرف کفے خناٹ۔ ○ واکان پد
 ۶ پطرس بس او سیدھا غار ڈولنگا قبر نا تہ ٹی ہنا۔ او کفے او عیسیٰ نا کاٹم نازی آپیروکا
 ۷ پچے ہموڑے خنا۔ ○ واپچ کفن تو تموک الویک، بلکہ جتا مچ کنگاس، تھنگاس۔ ○
 ۸ ولدا ای، کہ اولیکو وار سر موسٹ، غار نا تہ ٹی ہتویسٹ، واسہ غار نا تہ ٹی
 ۹ ہناٹ۔ ای ہم دا گڑاتے خناٹ او ایمان تھٹ کہ عیسیٰ نا تروکا پیشن گوہی صبح
 ۱۰ ثابت مس کہ ”ای پدی زندہ مریوہ“۔ ○ ولے نن داسکان مقدسنگا کتاباتا پیشن
 گوہی تے پوہ متوین کہ ”او ضرور پدی زندہ مریک“۔ ○ ولدا نن پدی اراغا ہنان،

ولے مریم مگدلینی ہموڑے سلیس۔

عیسیٰ نا مریم مگدلینی نا مون آ ظاہر مننگ
(متی ۹: ۲۸-۱۰؛ مرقس ۹: ۱۶-۱۱)

۱۱ مریم غار ڈولنگا قبر آ سلوک ہو غنگ ٹی اسکے۔ او ہو غیسہ تینے مچہ شیف کرے
۱۲ او غار ڈولنگا قبر نا تہہ ٹی ہرا۔ او خنا کہ ارا ملائک، پیون برف آن بار پچ بینوک،
تولوک آئرہ، اسٹس عیسیٰ نا کاٹم نا گنڈ آن او ایلونٹ تا گنڈ آن تولوک اسکے،
۱۳ آراڑے کہ عیسیٰ نا لاش تجوک مسوش۔ او فک ہریفر "نیارٹی، نی آنتے ہو غنگ
ٹی اُس؟"

او پارے "کنا خواجے درینو، او ای تیرہ کہ اووے آرائگ درینو۔"
۱۴ ولدا او تینا مونے ہرسا او خنا کہ "عیسیٰ سلوک اے"، ولے او درست کتو کہ
"وا عیسیٰ اے۔"

۱۵ عیسیٰ اوران ہریفر "ایڈ، نی آنتے ہو غنگ ٹی اُس، او دیرے پٹنگ ٹی اُس؟"
مریم سوچ کرے کہ "شاید دا باغ نا مالی اے"، او اووے پارے "خواجہ، آگہ نی
داکان لاش درینس، کنے پا، کہ آراڑے تجاؤس تہ، تاکہ ای کاو، اووے بیفیو۔"
۱۶ عیسیٰ اووے پارے "مریم۔"

مریم اسہ وار تو اونا مون نا گنڈ آ ہرا، پارے "ربونی، دانی اُس؟"
عبرانی زبان ٹی "ربونی" نا معنی اے "خوائفوکا۔"
۱۷ عیسیٰ اووے پارے "کن تو لچہ۔ ای دایسکان تینا باوہ غا ہنٹ۔ ولے نی کنا
زی آ ایمان تجوکاتے آہنگ، او اوفتے پا "ای تینا باوہ غا ہنگ کے تیار اٹ۔ دھن
کہ او کنا باوہ او خدا اے، ہنڈن او ثما باوہ او خدا اے۔"

۱۸ دا ہنٹا پٹنگ آن پد مریم پدی ایمان تجوکاتے آہنا، اوفتے پارے کہ "ای

خواجه عیسیٰ نے خنائٹ۔

او آرا پیتاتے کہ خواجه عیسیٰ اور تو کریسٹس، اوفتے پارے۔

عیسیٰ نا خاصینگا شاگرداتا مون آ ظاہر مننگ

(متی ۱۶: ۲۸-۲۰؛ مرقس ۱۶: ۱۶-۱۸، لوقا ۲۴: ۳۶-۲۹)

ہندا یکشمبے نا شام نا وخت آسکہ کہ عیسیٰ نا خاصینگا شاگرداک اسہ کمرہ سے لی
آئره، اوفک خویلی نا او تہہ نا دروازہ غاتے بلٹ کریسٹس، آتے کہ اوفک یہودی
معتبرانے آن خولیسرہ۔ عیسیٰ اسہ وار تو اوفتا نیام لی بس، اوفتے پارے ”ٹھے آ
پدیشانی بف۔“

دا پیتاتے پاننگ آن پد او تینا پالو او دوتا پپاتے اوفتے نشان تس۔ عیسیٰ نا
خینگ آن پد شاگرداک بھار خوش مسر۔ عیسیٰ اوفتے اسہ کا ولدا پارے ”ٹھے آ
پدیشانی بف۔ دھن کہ کنا باوہ خدا کئے دا دنیا نا مخلوق نا مدت کے راہی کرینے،
ہندن ای ٹھے راہی کیوہ۔“

ولدا عیسیٰ اوفتے آچف کرے، پارے ”ہلبو، خدا نا پاننگا روح نا طاقت ٹھے آ
بس۔“ داسہ خدا ٹھے طاقت تسونے۔ اگہ ٹم کسے پارے کہ ”نا گناہک معاف مسر“،
تو خدا ہم اونا گناہ تے معاف کیک۔ اگہ ٹم کسے نا گناہ تے معاف کپیرے، تو خدا
ہم اونا گناہ تے معاف کپک۔“

عیسیٰ نا توما او ایلو شاگرداتے تو ملینگ

عیسیٰ نا اسہ خاصو شاگردوس، کہ پن تہ توما آسکہ، او دوستی آٹ اووے ”جاڑ“
پاریرہ، عیسیٰ نا شاگرداتا مون آ ظاہر مننگ نا وخت آ موجود آلویکہ۔ ایلو خاصینگا

- شاگرداڪ اودے پاریر ”نن خواجه عیسیٰ خُئیں“۔
 ولے توما اوفتے پارے ”ہمو وخت اِسکان کہ ای منج او پُتاتا نشانائے اونا پالو او
 دوتے آتینٹ ختتٹ، او دُو ختتٹ، کنے یقین بَک“۔
 ۲۶ اسہ ہفتہ سے آن پد خاصنگا شاگرداڪ اسہ کا ولدا اسہ کوٹھی سے ٹی مچ مسر او
 دروازہ غاتے بلٹ کریسر۔ توما اوفتے تو اوار اسکہ۔ دروازہ غاک بلٹ اُترہ، ولے عیسیٰ
 اوفتا نیام ٹی اسہ وار تو بس، او پارے ”نمے آپریشانی بَک“۔
 ۲۷ ولدا عیسیٰ توما ئے پارے ”برک، تینا دوتے کنا دوتے آتخ، او کنا پالو آتخ،
 ہر۔ شک تجہ، کنا زی آ ایمان تخ۔“
 ۲۸ توما اودے پارے ”نی کنا خواجه او خدا اُس“۔
 ۲۹ عیسیٰ اودے پارے ”نی دا خاطر آن ایمان تجاس کہ نی کنے خناس؟ ولے ہمو
 بند غاک اخس خوش قسمت او کہ بغیر خنگ آن کنا زی آ ایمان تجیرہ۔“

دا کتاب نا مقصد

- ۳۰ عیسیٰ تینا شاگردا مونا آپین بھار معجزہ ہم نشان تِس، ارافک کہ دا کتاب
 ۳۱ ٹی لکھنگتو۔ ولدا ہم دا کتاب ٹی گراس معجزہ غاتا باروٹ لکھنگانے تاکہ نم ایمان
 تجیرے کہ عیسیٰ خدا نا مقرر کروکا او مار اے، او اونا زی آ ایمان تجنگ نا وجہ غان
 نم ہمیشہ نا زندگی ئے حاصل کیرے۔

عیسیٰ نا مُسٹ میکو وار شاگردا مونا آ ظاہر مننگ

- ۱ **ب** داکان پد اسہ دارس ولدا عیسیٰ تینا شاگردا مونا آ جھیل تبریاس نا کنارہ غا
 ۲ ظاہر مس۔ قصہ دھن اے، کہ پطرس، توما کہ او ”جاڑ“ پاننگاک، تنن ایل کہ گلیل

۳ صوبہ نا قانا شار نا رہینگو کوس اُسک، اسی او کنا ایلم یعقوب، او ارا پین شاگرد اوار
آسنہ۔ ○ پطرس ننے پارے "اسی مچی پلنگ کے کاوہ۔"

نن پارین "نن ہم نے تو برینہ۔"

نن گل کشتی ٹی مچی پلنگ کے ہنان، ولے دا نن درست آن پچ پلنگ
۴ کتوین۔ ○ سوب نا وخت آ عیسیٰ کنارہ غا سلیس، ولے نن اووے درست کتوین کہ
۵ "دا عیسیٰ اے۔" ○ ولدا عیسیٰ ننے آن ہریفے "ورناک، گراس مچی ہلکنورے یا نہ؟"
نن جواب تسن "آغا۔ اسٹس ہم ہلتن۔" ○

۶ عیسیٰ ننے پارے "تینا جالے کشتی نا راست میکو گنڈ آ خبو۔ گراس مچی تے
ہلیرے۔"

نن ہندن کرین کہ جالے کشنگ نا وخت آن چلنگ کتوین، آنتے کہ جال ٹی
۷ بھاز مچی آئرہ۔ ○ اسی پطرسے پاریت "دا خواجہ اے۔"

۸ ارا وخت آپطرس بنگ کہ "دا خواجہ اے"، او زو زو بنین نازی آگوسے تینا
۹ پینا، او تینے ویر ٹی پے، او عیسیٰ نا گنڈ آتار خلیسہ ہنا۔ ○ ولے نن ایلو شاگرداک
کشتی ٹی کنارہ نا گنڈ آہنان۔ نن مچی تے کشتی ٹی تھوئیس، بلکہ نن جالے چکیسہ
۹ کنارہ نا گنڈ آہیس، آنتے کہ نن کنارہ غان تقریباً صد گز مر آسنہ۔ ○ ارا وخت آن نن
کنارہ غا سر مشن نن خاخرس خنان کہ اونا زی آ مچی س بسینگ ٹی اُسک او خاخر نا
۱۰ رہی آ گراس ایرغ تخوک آئرہ۔ ○ عیسیٰ ننے پارے "واسہ نا ہلوکا مچی تے آن گراس
آہو، کہ بسین تا۔" ○

۱۱ پطرس کشتی نا گنڈ آہنا، او بھلا مچی تے آن پڑ جالے چکیسہ کنارہ غا ہیس۔ او
ٹی یک صد پنجا او سے (۱۵۳) مچی آئرہ، ولے ولدا ہم جال آرنگتوئیس۔ ○

۱۲ ننے آن کسے ہمت متو کہ ہریفین "نی ویر اس؟"، آنتے کہ نن چائسنہ کہ "دا
خواجہ عیسیٰ اے۔" عیسیٰ ننے پارے "پو، ایرغ گمبو۔" ○

۱۳ واکان پد عیسیٰ مچہ مون آہس، ایرغ او مچی تے پیفے، او ننے گینگ کے تس۔ ○

۱۲ عیسیٰ نا تینا پدی زندہ منگ آن پد و امیٹ میکو وار اٹکھ کہ او ننا مون آظاہر مس۔ ○

عیسیٰ نا پطرس تو مسہ وار سوال او جواب

۱۵ ارا وخت آن اِرغ گنگن، عیسیٰ پطرس آن ہریفے ”پطرس، یوحنا مار، نی کن تو ایلوفتے آن زیاست محبت کیسہ؟“
پطرس جواب تِس، پارے ”آؤ، خواجہ۔ نی واسیتے جوان چاسہ کہ ای نے بھاز دوست توریوہ۔“

عیسیٰ اووے پارے ”کنازی آایمان تجوکاتا خیالے تج، دھن کہ اسہ شوائس سوراتا خیالے تجک۔“ ○

۱۶ عیسیٰ اسہ کا ولدا اوران ہریفے ”یوحنا مار، پطرس، نی کن تو بھاز محبت کیسہ؟“

پطرس جواب تِس، پارے ”آؤ، خواجہ۔ ای نے بھاز دوست توریوہ، او نی ہم واسیتے جوان چاسہ۔“

عیسیٰ اووے پارے ”کنازی آایمان تجوکاتا خیالے تج، دھن کہ اسہ شوائس میلتا خیالے تجک۔“ ○

۱۷ عیسیٰ ولدا امیٹ میکو وار پطرس آن ہریفے ”پطرس، یوحنا مار، نی کن تو بھاز محبت کیسہ؟“

پطرسے افسوس مس، اتے کہ عیسیٰ اسہ ہیتے کہ ”نی کن تو محبت کیسہ؟“ مسہ وار اوران ہریفیس۔ پطرس جواب تِس پارے ”خواجہ، نی گل ہیتاتے جوان چاسہ، او دا ہم چاسہ کہ ای نے بھاز دوست توریوہ۔“

۱۸ عیسیٰ اووے پارے ”کنازی آایمان تجوکاتا خیالے تج، دھن کہ اسہ شوائس میلتا خیالے تجک۔○ او ای نے راست پاننگ ٹی اٹ، کہ ورنائی ٹی ارانگ کہ نا

خُوش مرے، نی پَنگ کیسہ۔ ولے آرا وخت آپیر مریمہ، کس نا دوتے تَفک، او
ہمو جاگہ غا دیک، آراڑے کہ نا خوش افک۔
عِیسیٰ نا ہیست نا پانگ نا مقصد دا اَنکہ کہ ”پیری ٹی نی کئے آن بار کسفلیسہ،
او دا طریقہ اٹ خدا نا عزت بَرز آمریک۔“
ولدا عِیسیٰ پطرے پارے ”کن تو بَرک۔“

عِیسیٰ او اونا دوستِنگا شاگرد

پطرس تینا مونے ہرسا او تینا پد آ کئے خنا۔ اہی ہم گرو اٹ کہ عِیسیٰ غان
بچاؤنگ نا عید نا دے آ ارغ گَنگ نا وخت آہر یفیٹ ”خواجہ، نے تو دید غداری
کیک؟“ پطرس عِیسیٰ غان ہریف ”خواجہ، دانا باروٹ نا آنت خیال اے؟“
عِیسیٰ اودے پارے ”اگہ کنا خوش اے، گُرا اہی داوے تینا پدی پَنگ اِسکان
زنده تِخانہ، نا اوڑ تو بچ کاریم اف۔ کن تو بَرک۔“
عِیسیٰ نا دا پتاتے پانگ آن پد ایلو عِیسیٰ نازی آ ایمان تِخو کاتے ٹی مشہور مس
کہ ”دا بندغ کسپک۔“ ولے عِیسیٰ نا پانگ نا معنی دا آلویکہ کہ ”دا شاگرد کسپک۔“
بلکہ او دا پارے ”اگہ کنا خوش اے، گُرا دا بندغے ہمو وخت اِسکان زنده تِخانہ، کہ
اہی پدی بَسٹہ۔ تُم دا ہیست نا باروٹ پدیشان مقبو۔“
دا اہی اَسٹہ کہ عِیسیٰ نا باروٹ دا گُل پتاتے لکھائٹ او گواہی تِسوٹ، او دا
کتبے خُوانگ آن پد ایلو ایمان تِخو کاک ہم چارہ کہ کنا گواہیک راست او۔
دا کاریمتے آن علاوہ عِیسیٰ پین بھاز کاریم ہم کرے۔ اگہ بندغاک تُولیر، اونا
گُل قصہ غاتے لکھنگ شروع کیر، تو کنا خیال ٹی دنیا ٹی داخ جاگہ اف کہ دا کتاباک
تِخنگیر۔